









# মাতৃদর্শন

বিশ্বকোষকং পরিবেষ্টিভারং

জাহা শিবং শাস্ত্রমভ্যন্তরেতি ।

খ, উ, ৪।১৪ '১

ডাইলি

**বিষয়চনা—**ড. জ্যোতিষচন্দ্র রায় ( ভাইজী )

**সংশোধনা—**শ্রী গঙ্গাচরণ দাস গুপ্ত

**মুদ্রণ-পরিবর্তনা—**ব্রহ্মচারী কুম্ভকুমার

**চিত্রযোজনা—**( ১ ) ব্রহ্মচারী শ্রীমৎ কমলাকান্ত

( ২ ) শ্রীশশীভূষণ দাস গুপ্ত

( ৩ ) অধীর আর্ট ষ্টুডিও, ঢাকা

**প্রচ্ছদপট পরিবর্তনা—**শিল্পী শ্রী হীরেন সেন

**গ্রন্থ-মুদ্রণা—**শ্রী কৃষ্ণকালী চক্রবর্তী, কালিকা প্রেস, লিঃ,

ব্রহ্ম নির্মাণ ও মুদ্রণা—শ্রী অজিত গুপ্ত,

ভারত ফটো টাইপ ষ্টুডিও, কলিকাতা

**প্রচ্ছদপট-মুদ্রণা—**ইণ্ডিয়ান প্রেস সিণ্ডিকেট, কলিকাতা

**প্রকাশনা—**শ্রী ক্ষিতিনাথ চট্টোপাধ্যায়

সিটি বুক কোম্পানি,

১৫ কলেজ স্কোয়ার, কলিকাতা

**মুদ্রাকর—**শ্রীশশধর চক্রবর্তী

কালিকা প্রেস লিঃ ; ২৫ ডি, এল, রায় ষ্ট্রীট, কলিকাতা

# নিবেদন

## প্রথম সংস্করণ

শ্রীশ্রীআনন্দময়ী মাতাজীর জীবনের বহু লীলার কথা লুপ্ত হওয়ার উপক্রম হওয়াতে, ভাইজীকে (৬জ্যোতিষচন্দ্র রায় I. S. O. কে) আমরা তাহা প্রকাশ করিতে অনুরোধ করি। তাঁহার নিজ জীবনে তিনি শ্রীশ্রীমাতাজীর যে সকল লীলা প্রত্যক্ষ করিয়াছেন, তাহার কথঞ্চিৎ তিনি এই গ্রন্থে লিপিবদ্ধ করিয়াছেন। আমাদের বড়ই দুর্ভাগ্য এই গ্রন্থ প্রকাশের পূর্বেই তিনি স্বধামে চলিয়া গিয়াছেন।

ভাইজী বলিতেন,—“বিরাট আকাশের মূর্তি বহু জলাশয়ে খণ্ড খণ্ড ভাবে পড়িয়া থাকে; তাহা দ্বারা যেমন আকাশের বিরাট স্বরূপের ধারণা হয় না, তেমনি আমার এই ক্ষুদ্র আশ্রয়ের মধ্যে শ্রীশ্রীমায়ের অপার করুণা যেটুকু ছায়াপাত করিয়াছে তাহার দ্বারা তাঁহার অনন্ত মহিমার স্বরূপ উপলব্ধি করা সম্ভব নহে।”

তবুও আমাদের মনে হয়, শ্রীশ্রীজননীর কৃপাসিদ্ধির দুই এক বিন্দু দ্বারাই আমাদের সকলের জীবন যশ হইতে পারে।

শ্রীঅটলবিহারী ভট্টাচার্য্য

## দ্বিতীয় সংস্করণ

অনেক দিন পরে মাতৃদর্শনের ২য় সংস্করণ প্রকাশিত হইল। প্রায় পাঁচ বৎসর পূর্বে ১ম সংস্করণ নিঃশেষ হইয়া যায়। নানা কারণে উহার এতো দিন নূতন সংস্করণ বাহির করা সম্ভব হয় নাই।

শ্রীশ্রীমা ও পিতাজীর সঙ্গে ভাইজী যখন কৈলাস তীর্থ পরিক্রমায় যান, মাতৃদর্শনের হস্তলিপিস্থানি আমার হস্তে প্রকাশার্থ দিয়া যান। কৈলাস হইতে ফিরিবার পথে তিনি ১৯৩৭ অব্দে ২রা ভাদ্র, ঝুলন ষাদশী দিনে আলমোড়াতে শ্রীশ্রীমায়ের কোন্ঠে শীলা সম্বরণ করেন। তিরোধানের অল্পদিন পরেই মাতৃদর্শন ৭ দিনের মধ্যে মুদ্রিত করিতে হয়। বইখানির মুদ্রণ ও সংশোধন কার্য তিনি নিজে দেখিয়া যাইতে পারেন নাই। আমিও তখন উহার দিকে সম্পূর্ণ মনোযোগ দিতে পারি নাই। সেই হেতু গ্রন্থের মধ্যে স্থানে স্থানে সামান্য ত্রুটি-বিচ্যুতি ছিল। এই সংস্করণে তাহা যথাসম্ভব সংশোধিত হইয়াছে।

ভাইজীর স্বহস্ত-লিখিত আর একটি বড় বই আছে, বাহাতে তিনি শ্রীশ্রীমায়ের মুখ হইতে শুনিয়া তাঁহার জীবনের অনেক কাহিনী প্রায় মায়ের কথাতোই লিপিবদ্ধ করিয়াছিলেন। অনেকগুলি প্রসঙ্গ ঐ গ্রন্থ হইতে অতি সংক্ষিপ্তভাবে গ্রহণ করিয়া ভাইজী তাঁহার ‘মাতৃদর্শনে’ নিবিষ্ট করিয়াছেন। ভাইজীর পূর্বাপ্রমের নাম ৬জ্যোতিষচন্দ্র রায়; পিতার নাম ৬গোবিন্দ চন্দ্র রায়; ইনি ঋষিকল্প গোক ছিলেন। ১৮৮০ অব্দে ২রা শ্রাবণ, শুক্রবার শুক্লা দশমীতে ভাইজীর জন্ম।

চট্টগ্রামের বিশেষ সম্ভ্রান্ত বৈষ্ণবংশে ভাইজীর জন্ম ও শিক্ষালভ হয়। তাঁহার জীবনলীলাও প্রথম হইতে শেষ পর্যন্ত অতিশয় সুন্দর, সরল ও পবিত্র ছিল। খ্রীষ্টীয়ের পদতলে তিনি সর্বদা সমর্পণ করিয়া মোনামন্ড পর্বত নামে সন্ন্যাসজীবন বরণ করেন। আলা-মোড়াতে তাঁহার তিরোধানের প্রাক্কালের সংক্ষিপ্ত বর্ণনা পিতাজী ভোলানাতের ভাবায় লিপিবদ্ধ করিতেছি।\*

“শেষ সময় পর্যন্ত জ্যোতিশের সম্পূর্ণ জ্ঞান ছিল। মৃত্যুর একটু পূর্বে আমাকে বলিল, ‘বাবা, দেখলেন তো, এই সংসারে কেহ কারো নয়। একমাত্র খ্রীষ্টমাই সত্য। তার পর ‘মা’ ‘মা’ বলিয়া প্রণব উচ্চারণ করিল। হরিরামকে ডাকিয়া বলিল,—‘শোনো। We are all one। মা, আমরা এক; বাবা, আমরা এক।’ তার পর তোমার মার দিকে চাহিয়া ‘মা’ ‘মা’ ডাকিতে ডাকিতে ধীরে ধীরে লীলা সাক করিল।”

আর একজন ভক্ত সেই সময়ের এই বর্ণনা করেছেন,—

A few minutes before he left his body, Bhaiji asked one of us to note down,—“*We are all one. I see Mother everywhere! What joy! How beautiful!*” When one of us asked him how it would be possible to run the Dehra Dun Asram without his help and guidance, he said, “The work is not mine but Mother's. Everything will go on all right with Her Grace; we are all tools in Her hand.” ...Throughout his illness Mother attended on Bhaiji very tenderly. She did not sleep for nights together. She was always seen rubbing his hands, face and head with the

---

\* ভাইজীর তিরোধানের অব্যবহিত পরে বাবা ভোলানাথ আমাকে ১৯৩৭ তারিখে যে দীর্ঘপত্র লিখিয়াছিলেন তাহা হইতে উদ্ধৃত।

skirt of Her sari. But the calm serenity of Her face was not disturbed. Her usual smile was always there and Her presence filled the room with peace and tranquillity. I think this must have reduced considerably the almost unbearable pain which the body was suffering...On his way from Kailas to Almora the companions told mother that Bhairji would be all right if She only blessed him, Mother replied that She wanted to do so but the words would not come out of the month. After his departure from our midst, she said that the event was not an unexpected one ; She and Bhairji both knew about it. He had told Her at Kailas that most probably his body would rest for ever at Almora. He had also asked Her to initiate him into Sannyas so that he might be free from all worldly ties. He left his body there because he had some connections' with that place and with the people thereof, in his previous birth.

On the second day after his death we proposed that Mother should also go to the place where the Samadhi of Bhairji was, in order to see if the work had been done properly. Mother agreed. But half an hour before the time fixed for starting, Mother passed into trance in which She remained for six days. She was removed to Dehra Dun in that very condition. It was at this place that she regained Her normal condition. She did not take anything but a few sips of water for 16 days. On the 16th day a Bhandara was held here when food and clothing were distributed to Sadhus and poor people."\*

---

\* Talla Dania, Almora হ'তে লিখিত ত্রিবিধাস বোশীর ১০।৩।১৯৩৭ তারিখের পত্র ।

‘দেহত্যাগের করেক মিনিট পূর্বে ভাইজী আমাদের একজনকে ডাকিয়া লিথিয়া রাখিতে বলিলেন—“আমরা সকলেই এক। মাকে যে অন্তরে বাহিরে সর্বত্র দেখতে পাচ্ছি। কি আনন্দ! কি সুন্দর!” পীড়ার সময় যখন তাঁকে আমরা জিজ্ঞাসা করি, “আপনার অভাবে দেহাঙ্গন আশ্রম কিরূপে চলিবে?” তিনি অমনি জবাব দিয়াছিলেন, “কাজটি আমার তো নয়; উহা শ্রীশ্রীমায়ের। তাঁর রূপায় সবই ঠিকমতে চলবে। আমরা তাঁর হাতের পুতুল বইতো নয়।”

ভাইজীর রোগের সময় শ্রীশ্রীমা তাঁর অঞ্চল দিয়া তাঁর সন্তানের হাত, মুখ, কপাল সর্বাঙ্গ মুছাইয়া দিতেন এবং সন্তানবৎসলা মাতার মতো কতো মেহে ভাইজীর পরিচর্য্যার ঈর্ষির পর রাজি নিজহীন কাটাইয়াছেন। তাঁর মুখের হাসি এবং মুখমণ্ডলের অপূর্ণ প্রশান্তি ও হৈর্য্যে রূপের গৃহটি ভরপুর হইয়া ছিল। তাহার প্রভাবেই ভাইজীর দেহের অসহ্য যাতনা যেন অনেকটা লাঘব হইয়া গিয়াছিল।

কৈলাস হইতে আলমোড়া কিরিবার প্রাক্কালে যখন সঙ্গীরা মাকে বলিত, ‘মা, তুমি রূপা করলেই তো ভাইজীর অসুখ সেরে যায়।’ মা বলেছিলেন, ‘জ্যোতিশের ভাল আমি চাই। তবে মুখ হ’তে কোন কথা বের হচ্ছে না যে।’ ভাইজীর দেহত্যাগ হইলে মা বলিয়াছিলেন,— ‘এই ঘটনাটি অপ্ৰত্যাশিত নয়। আমি ও তোমাদের ভাইজী উহা পূর্বেই জানতাম। সে কিরিবার পথে আমার বলেছিল, আলমোড়াতে তার দেহপাত হতে পারে। তাকে সন্ন্যাস দেবার জন্ত কৈলাসে আমার নিকট সে প্রার্থনা জানিয়েছিল যেন সংসারের সকল বন্ধন হ’তে সে মুক্তিলাভ করতে পারে। তার এই স্থানে দেহত্যাগের কারণ এই যে তার পূর্বে জীবনের সহিত এই স্থানের ও এখানকার লোকদের সঙ্গে বিশেষ সম্বন্ধ ছিল।’






## সূচী

বিষয়			
১।	মাতৃদর্শন	...	১
২।	মন্ত্র-বিভূতি	...	২৭
৩।	ভাব-বিভূতি	...	৩৬
৪।	যোগ-বিভূতি	...	৫৩
৫।	সমাধি ভাব	...	৬৮
৬।	লীলা-খেলা	...	৭৯
৭।	আশ্রম	...	১২১
৮।	নবজীবনের পথে	...	১৩৮
৯।	অভিযান	...	১৫৬
১০।	ত্রীশ্রীমা	...	১৬০
১১।	ত্রীশ্রীপিতাজী	...	১৬৮
১২।	নিজের কথা*	...	১৭১
১৩।	তাইজীর ষাটশ বাণী	...	১৭৭
১৪।	ত্রীশ্রীমায়ের বাণী	...	১৮০

## চিত্রসূচী

১।	ত্রীশ্রীমা	...	১
২।	শাহবাগে মা, ভোলানাথ ও মরণী	...	৩০
৩।	” সমাধি ভবের পরে	...	৪৬
৪।	” সমাধির আবেশে	...	৬৮
৫।	” কুলবধুর বেশে	...	৮৮
৬।	ত্রীশ্রীমায়ের পশ্চাতে তাইজীর ছায়ামূর্তি	...	১২০
৭।	তাইজীর শিরে ত্রীশ্রীমা ও বাবার অস্তর স্পর্শ	...	১৩৮
৮।	ভোলানাথ, ত্রীশ্রীমা ও তাইজী	...	১৬৮
৯।	ত্রীশ্রীমা ও তাইজী	...	১৭২
১০।	তাইজী	...	১৭৭
১১।	ত্রীশ্রীমা	...	১৮০





শ্রীশ্রী মা



## মাতৃ-দর্শন

শ্রীশ্রীমাতাজীর জীবন চরিত লিপি করা কিংবা লোক-  
চিন্তাকর্ষণের জন্য তাঁহার অনির্বচনীয় শক্তির পর্যালোচনা করা  
এই ক্ষীণ চেষ্টার উদ্দেশ্য নয়। আমার গুরু হৃদয় কিরূপে তিনি  
প্রাণময় করিয়াছেন, সে সম্বন্ধে অল্প কয়েকটি কথা এই বইতে  
অবতারণা করিয়াছি মাত্র। আমি যাহা নিজে দেখিয়াছি বা  
আত্মপ্রত্যয়ে যাহা গ্রহণ করিয়াছি, কেবল তদ্রূপ প্রসঙ্গই এই  
গ্রন্থে নিবিষ্ট হইয়াছে। আমার অযোগ্যতার দরুন এই প্রসঙ্গ-  
গুলির ভিতর ভাষায় বা বর্ণনায় যাহা অপরিপূর্ণতা বা ভ্রমপ্রমাদ  
রহিয়াছে তজ্জন্ত আমি মায়ের চরণে পুনঃ পুনঃ  
প্রার্থনা করিতেছি।

অতি শৈশবেই আমি মাতৃহীন হই। শুনিয়াছি তখন  
কম্বারো 'মা' ডাক কানে পৌছিলে আমার চোখ জলে ভরিয়া  
উঠিত; আর আশ্রিত ঘরের মেজে বুক রাখিয়া প্রাণের জ্বালা  
জুড়াইতুম্। আমার স্বর্গীয় পিতৃদেব ঋষিতুল্য লোক ছিলেন।  
তাঁহার প্রগাঢ় ধর্ম্মানুরাগের প্রভাবে শিশুকাল হইতেই  
সদভাবেই বীজ আমার হৃদয়ে বপন করা হইয়াছিল।  
১৯০৮ খৃষ্টাব্দে আমি কুলগুরুর কৃপায় শক্তিমন্ত্রে দীক্ষালাভ  
করি। তাহার ফলে 'মা' 'মা' ডাকিয়া প্রাণে শান্তি পাইলেও

‘মা’ই যে জীবের সর্বস্ব এ সত্যবোধ পরিস্ফুট হইত না। সর্বদা আকাঙ্ক্ষা হইত এমন এক জীবন্ত বিগ্রহের সাক্ষাৎ চাই বাঁহার প্রশান্ত দৃষ্টিতে এই বিক্ষুব্ধ জীবন স্বতঃই রূপান্তরিত হইতে পারে। সাধু-সন্তের তো কথাই নাই, জ্যোতিষী পাইলেও জিজ্ঞাসা করিতাম—“এই সৌভাগ্য আমার উদয় হইবে কি?” তাঁহারা কেহ নিরাশ করিতেন না।

এই উপলক্ষে নানা ভীর্ণ পরিভ্রমণ করিলাম, অনেক মহাত্মার সাক্ষাৎকার লাভের সুযোগও ঘটিল, কিন্তু কেহই এই দীনকে আকর্ষণ করিলেন না।

১৯১৮ খৃষ্টাব্দে বঙ্গদেশে ঢাকা নগরীতে আমার কর্মস্থান হইল; সেখানে আসিলাম। ১৯২৪ খৃষ্টাব্দের শেষ ভাগে শুনিলাম সহরের নিকটস্থ শাহবাগ বাগানে কয়েকদিন ধরিয়া এক মাতাজী বাস করিতেছেন। তিনি অনেকদিন যাবৎ মৌনী আছেন;—তবে কদাচিৎ যোগাসনে বসিয়া স্তম্ভোচ্চারণ করিতে করিতে কুণ্ডলী দিয়া আলাপাদি করেন। এক মুপ্রভাতে আকুল প্রার্থনা বৃকে করিয়া শাহবাগ গেলাম এবং পিতা ভোলানাথের সৌজন্মে মাতাজীর শ্রীচরণ দর্শন পাইলাম। তাঁহার দাস্ত যোগাবস্থা অথচ কুলবধূর ভাব এই দুইটি যুগপৎ এই প্রথম দেখিয়া চমকিয়া উঠিলাম। আরো দেখিলাম যে বাঁহার প্রতীক্ষায় এতদিন বসিয়া আছি, বাঁহার খোঁজে দেশ বিদেশ ঘুরিয়াছি, তিনিই আজ আমার সম্মুখে! আমার মন প্রাণ আনন্দে ভরিয়া উঠিল, শরীর রোমাঞ্চিত হইয়া নাচিয়া

উঠিল। ইচ্ছা হইল, চরণে লুটাইয়া পড়ি, আর কাঁদিয়া বলি,  
—“মা, এতদিন কেন দূরে রাখিয়া দিয়াছিলে?”

কিছুক্ষণ পরে মাকে জিজ্ঞাসা করিলাম—“আমার পার-  
মাণিক উন্নতির কোন আশা আছে কি?” মা বলিলেন—  
“ক্ষিদে তো এখনও পায় নি।” কত কথা বলিব ও কত কথা  
শুনিব মনে করিয়া আসিয়াছিলাম কিন্তু কি এক অপূর্ব কৃপানু-  
ভূতিতে নির্বাক হইয়া মস্তমুগ্ধবৎ বসিয়া রহিলাম। দেখিলাম  
মাতাজীও নীরব রহিলেন। খানিক পরে হৃদয়ানুত আশ্রয়  
নমস্কার করিয়া বিদায় নিলাম। চরণ ছুঁইতে প্রবল আগ্রহ  
হইলেও পারিলাম না; ভয়ে নয়, আশঙ্কায় নয়; কি যেন  
এক অব্যক্ত আবেগে সম্মুখ হইতে চলিয়া আসিলাম।

শাহবাগ আর যাইতাম না। মনে হইত যতদিন না তিনি  
তাঁহার অবগুণ্ঠন সরাইয়া জননীর মত টানিয়া না লইবেন,  
ততদিন কেমন করিয়া তাঁহার চরণ বুকে জড়াইয়া ধরিব।  
একদিকে এই অভিমান, অপর দিকে দর্শনের জগৎ ব্যাকুলতা,  
এই দুইয়ের দ্বন্দ্ব সম্মান চলিতে লাগিল;—ইতিমধ্যে করিলাম কি,  
শাহবাগের নিকটস্থ শিখ আখড়ায় যাইয়া সংলগ্ন দেওয়ালের  
কাছে ঠাড়াইয়া মাতাজীকে তাঁহার অজ্ঞাতে দুই দিন দেখিয়া  
আসিলাম। মনের এই অদ্ভুত গতিভঙ্গী দেখিয়া চিন্তা  
করিতাম,—এ কী হইতেছে, কিন্তু হিতাহিত বিচার করিবার  
কোন সামর্থ্য পাইতাম না। মার খবর সর্বদাই পাইতাম;  
মাঝে মাঝে তাঁহার লীলার অনেক রকম প্রসঙ্গও শুনিতাম।



এইরূপে দৈনন্দিন কর্ম-কোলাহলের ভিতর দিয়া সাত মাস কাটিয়া গেল। পরে একদিন মাকে আমাদের বাড়ীতে আনিলাম। বহুদিন পরে তাঁহাকে কাছে পাইয়া বেশ আনন্দ হইল; কিন্তু তাহা স্থায়ী হইতে পারিল না। বিদায়ের সময় মার চরণ ছুঁইতে গেলে, তিনি বেগে পা দুখানি সরাইয়া নিলেন। প্রাণে বড় ব্যথা পাইলাম।

এই কয়মাস ধরিয়া বিবিধ শাস্ত্র-গ্রন্থের আলোচনায় চিত্তকে সুস্থ করিবার জন্ত চেষ্টা করিতেছিলাম। হঠাৎ এক খেয়াল হইল যে ধর্ম ও সদাচার সম্বন্ধে কিছু লিখিয়া ছাপাইব। সহসা “সাধনা” নামক এক পুস্তক তৈয়ারি হইয়া গেল এবং শ্রীমান ভূপেন্দ্রনারায়ণ দাশগুপ্তকে দিয়া মাতাজীর ত্রীচরণে এক কপি পাঠাইয়া দিলাম। মা তাহাকে বলিলেন—“বইর লিখককে আসতে বলিও।” মায়ের ডাকে অপরিমিত উৎফুল্ল হইয়া একদিন সকালে শাহবাগে উপস্থিত হইলাম। শুনিলাম, মাতাজীর তিন বছরের মৌন তখন কাটিয়া গিয়াছে। তিনি আসিয়া আমার অতি নিকটেই বসিলেন। বইখানি আত্মোপাস্ত শুনিয়া বলিলেন,—“যদিও মৌনাবস্থার পর আমার শব্দ এখনও ভাল ক’রে খুলে নি, কিন্তু আজ আপনা হ’তেই কথা আসছে। বইখানি সুন্দর হয়েছে; শুদ্ধভাবের বৃদ্ধি করতে চেষ্টা করো।”

সেই দিন মাতাজীর পুত্র সান্নিধ্যলাভে এক নবীন চিত্র ভিতরে বাহিরে ফুটিয়া উঠিল; পিতাজীও উপস্থিত ছিলেন।

বোধ হইতে লাগিল যেন আমি আমার মাতাপিতার সম্মুখে শিশুর মত বসিয়া রহিয়াছি। উৎসাহে ও উল্লাসে বিদায় লইয়া বাড়ী ফিরিয়া আসিলাম।

ইহার পর হইতে শাহবাগে আসা-যাওয়া আরম্ভ করিলাম। একদিন স্ত্রীকে বলিলাম তুমি কিছু জব্যাদি নিয়া মাকে দেখিয়া আস। মা তখন নাকচাবি ব্যবহার করিতেন। পাঁচ সাত দিন পরে একটি হীরার নাকচাবি, একখানি ছোট রূপার থালা, সরের দই, পুষ্পাদি সহ উপচারগুলি নিয়া স্ত্রী শ্রীশ্রীমাতাজীর শ্রীচরণে অর্পণ করিয়া আনন্দলাভ করিলেন। পরে জানা গেল, স্ত্রীমাতাজী যখন কয়েকমাস ধরিয়া কেবল মাটির উপর খাওয়াদি রাখিয়া আহার করিতেন, তখন পিতাজী বিরক্তি সহকারে বলিয়াছিলেন,—“তুমি পিতলের থালায় খাবে না, কাঁসের থালায় খাবে না, তবে কি তুমি রূপোর থালায় খাবে?” মা হাসিতে হাসিতে বলিয়াছিলেন,—“আমি রূপোর থালাতেই খাব, কিন্তু তুমি তিন মাসের ভিতর কয়েকও এ সম্বন্ধে বলতে পারবে না এবং তুমি নিজের রূপোর থালার কোন বন্দোবস্ত করবে না।” বস্তুতঃ তিনমাস যাইতে না যাইতেই উক্ত রূপোর বাসন মায়ের দরবারে উপস্থিত হইয়াছিল।

একদিন মাতাজী আমাকে বলিলেন,—“সর্বদা স্মরণ রাখিও যে তুমি প্রকৃত ব্রাহ্মণ, তোমার সহিত ভগবদ্ভাবরূপী সূক্ষ্মাতিসূক্ষ্ম সূত্রে এই শরীরের অবিচ্ছিন্ন যোগাযোগ

রয়েছে”। সেইদিন হইতে সর্ব্বতোভাবে আমি আপনাকে সদাচারে সুসংযত রাখিবার চেষ্টা করিতে লাগিলাম।

অনেকের মুখে শুনিতাম যে তাঁহারা স্বপ্নে বা প্রত্যক্ষে মাতাজীর নানা অলৌকিক মূর্ত্তির দর্শন-সৌভাগ্য লাভ করিয়াছেন। মাতাজীর সাধারণ মূর্ত্তিতেই মহতী শক্তির অদ্ভুত-পূর্ব্ব বিকাশ আমার চোখে প্রতিভাত হইত বলিয়া অসাধারণ কিছু দেখিবার জন্ম আমার বড় উৎকণ্ঠা জাগিত না। মনে হইত, যদি তাঁহার ব্যবহারিক ধৈর্য্য ও শমতার আদর্শে জীবনকে গঠিত করিতে পারি, উহাই আমার যথেষ্ট। কিন্তু জড়ত্বের সংস্কার আমাকে বিতাড়িত করিয়া ছুঁড়িয়া নিয়া বেড়ায়। তাই মাতাজীকে একদা একান্তে পাইয়া জিজ্ঞাসা করিলাম—“মা, সত্য সত্যই আপনি কি—বলুন।” মা হাসিতে হাসিতে বলিলেন—“ছেলে মানুষের মত এ প্রশ্ন কোথা হ’তে উঠল? জীবের সংস্কারের অল্পরূপ দেবদেবীর মূর্ত্তি দর্শন হয়। আমি আগেও যা’ এখনও তা’, পরেও তা’। তোমরা যখন যে যা’ বলো, যে যা’ ভাবো আমি তা’ই। তবে ইহা ঠাট্টা নয়, এই শরীরের জন্ম প্রারম্ভ ভোগের জন্ম হয় নি। তোমরা মনে করনা কেন এ শরীর একটি ভাবের পুতুল; তোমরা চেয়েছো, তাই পেয়েছো; এখন একে নিয়ে সাময়িক খেলা করে যাও। আর বেশী জেনে কি হবে?” আমি বলিলাম—“মা; এ কথায় তো তৃপ্তি হ’ল না।” ইহা শুনিয়াই—“আর কি জানতে চাও বলো, বলো,”—বলিতেই তাঁহার চোখে

মুখে এক অলৌকিক ভাব দেখা দিল। আমি ভয়ে ও বিস্ময়ে চূপ হইয়া গেলাম।

দিন পনেরো পরে অতি প্রত্যাষে শাহবাগে গিয়া দেখি, মার শয়ন ঘরের ছয়ার বন্ধ। দরজার সোজাসুজি সম্মুখে প্রায় ৫০।৬০ হাত দূরে একা বসিয়া আছি, হঠাৎ দ্বার খুলিয়া গেল। তখন দেখি কি, এক নব-সূর্য্যবরণা, অপক্লপ লাবণ্যমণ্ডিতা, বিহুজা, সৌম্য দেবীমূর্ত্তি গৃহাভ্যন্তর আলোকিত করিয়া দাঁড়াইয়া আছেন! চোখের পলক না পড়িতেই ঠিক আবার ঐ স্থানেই মাকে দেখিলাম; বোধ হইল, উক্ত দৈবী প্রতিভা তিনি নিজ দেহেই স্বপ্নরূপ করিলেন।

নিমেষের মধ্যে যেন এক যাত্ৰকের খেলা হইয়া গেল। আমি যেন কোন্ এক স্বপ্নরাজ্য হইতে ফিরিয়া আসিলাম। তখনই মনে হইল যে আমার সেদিনকার জিজ্ঞাসা উপলক্ষ্য করিয়া মাতাজী আজ জানাইয়া দিলেন,—“দেখ, আমি কে!” আমি একটি স্তব আবৃত্তি করিতে করিতে প্রার্থনা করিতে লাগিলাম যে এই শুভ-মুহূর্ত্তে আমি যেন সন্তানের মতো জননীর আশীর্ব্বাদ ও কৃপালাভে ধন্ত হইতে পারি। কিছুক্ষণ পরে মা ঢুলু-ঢুলু ভাবে আমার দিকে আসিতে আসিতে মাঠ হইতে একটি ফুল ও কয়েকগাছি ছুৰ্ব্বা হাতে নিলেন এবং আমি নমস্কার করিতেই আমার মাথার উপর সেগুলি রাখিলেন।\*


\* উহা এখনো সৰ্ব্বত্র রক্ষিত আছে।

আমি আত্মহারা হইয়া শ্রীপাদপঙ্কজে সাক্ষর্য্যনে লুটাইয়া পড়িলাম। যে দিন যায়, সে দিন আর আসে না; কিন্তু খুবই আগ্রহ হয় যে আবার আসুক।

তখন হইতে আমার চিন্তে বসিয়া গেল যে ইনি শুধু আমার মা নন, ইনি জগতের মা। বাড়ীতে ফিরিয়া আসিলাম। মন একটু একাগ্র হইতেই চোখে ভাসিয়া উঠে জননার মুখচ্ছবি,—আর দর দর করিয়া অশ্রুপাত হয়। সেদিনকার ভাবস্পন্দন আমার ভিতর এমন স্বাভাবিকরূপে সাড়া দিল যে তিনি তাঁহার মানুষী অবয়বে আমার অষ্টাদশবর্ষব্যাপী নিত্যধোয়া, চতুর্ভুজা ইষ্টমূর্ত্তির স্থান স্তন্যন্যাসে অধিকার করিয়া বসিলেন। এরূপ পরিবর্তনের জন্ম উপাসনার সময়ে পূর্বসংস্কারের প্রাবল্যে কখনো কখনো ভীত হইয়া ভাবিতাম,—কী করিতেছি। কিন্তু অল্পদিনের মধ্যেই সমস্ত মনপ্রাণ জুড়িয়া মা আমার চিদাকাশে দৃঢ় প্রতিষ্ঠিত হইলেন।

\* শ্রীশ্রীমা আনন্দময়ী (কৌলিক নাম শ্রীযুক্তা নির্মলা দেবী) ১৮১৮ শকাব্দে (সন ১৩০৩ ইং ১৮২৬) ১২শে বৈশাখ (৩০শে এপ্রিল) বৃহস্পতিবার রাত্রি ৩ দণ্ড অবশেষ থাকিতে ত্রিপুরা-জেলার অন্তর্গত খেওড়া গ্রামে মর্ত্যদেহে অবতীর্ণ হন। শ্রীশ্রীমা যে স্থানটিতে জন্মগ্রহণ করিয়াছিলেন, তাহা কালক্রমে লুপ্ত হইবার উপক্রম হইয়াছে। ওরা জ্যৈষ্ঠ ১৩৪৪ বঙ্গাব্দে (১৭ই মে ১৯০৭ ইংরাজী) মাডাজী খেওড়া পদার্পণ করিলে ভক্তবৃন্দের আবদারে যে জয়গায় তিনি ভূমিষ্ঠ হইয়াছিলেন, নিজেই তাহা নির্দেশ করিয়া দিয়াছেন। তাঁহার পিতা

শ্রীশ্রীমাতাজীর জন্মপত্রী এই :—



খেওড়া ও মুলতানপুরেই মার শৈশবের অল্পবিস্তর লীলাখেলা অগ্রকাশ্য ভাবে চলে। বিবাহের পর কিছুকাল

শ্রীযুত বিপিনবিহারী ভট্টাচার্য্য সেই জিলার বিষ্ণুকূট গ্রামের খ্যাতনামা কাশ্যপবংশের সম্ভান। তিনি তাঁহার প্রথম জীবন মাতুলালয় খেওড়া গ্রামেই অতিবাহিত করেন। শ্রীশ্রীমাতাজীর পিতা ও মাতা শ্রীযুক্তা মোক্ষদামূল্যদেবী উভয়েরই প্রকৃতি অতিশয় মধুর। তাঁহারা ধর্মনিষ্ঠা সদাচার এবং সরলতার আদর্শ বলিলেও অতুক্তি হয় না। মাতাজীর মাতুলবংশও অতি প্রাচীন এবং সম্ভ্রান্ত। এই পরিবারে কেহ কেহ পণ্ডিত ও সাধক ছিলেন এবং এক ধর্মশীলা বধু আনন্দে হরিনাম করিতে

ভানুজের কৰ্মস্থল শ্রীপুর ও নরুন্দি এবং শ্বশুরালয় আটপাড়া গ্রামে অবস্থান করেন। পরে ঢাকায় আসা পর্য্যন্ত পিত্রালয় বিছাকুটে প্রায় তিন বৎসর, এবং পিতাজীর কৰ্মস্থল বাজিতপুরে প্রায় ৫১৬ বৎসর অতিবাহিত করেন। তৎপর ঢাকা আসেন।

অষ্টগ্রামেই কীর্তনের ভাব বিশেষরূপে প্রথম প্রকাশ পায়। বাজিতপুরেও সময় সময় সেই ভাব দেখা যাইত। বাজিতপুরে মন্ত্র ও যোগজ ক্রিয়াদির স্বাভাবিক ক্ষুরণ হয়। তৎপর শাহবাগে আসিলে মৌনাবস্থার সঙ্গে সঙ্গে তাঁহার জীবনে এক মহান শাস্ত্রভাবের প্রকাশ দেখা যায়। ইহার বর্ণনা ভাষায় ব্যক্ত করা সম্ভব নয়। কত আধ্যাত্মজগতের বাণী ও দৈবীভাবের লীলা এই সময় প্রকটিত হইয়াছে!

তখন হইতেই বহু ভক্তের সমাগম হইতে থাকে। অনেকেই এই সময়ে পূজা, কীর্তন ও যজ্ঞাদিতে যোগদান করিয়া কৃতার্থ হইয়াছেন। এই উপলক্ষে ভক্তদের প্রাণে কত শাস্ত্রভাবের বিনিময় হইয়াছে বলা যায় না। তখন হইতেই সকলেই মাকে

করিতে মৃত ভক্তার সহিত জলন্ত চিতায় আরোহণ করেন। মাতাজীর পিতার মাতুলবংশেও একজন সহমৃত্যু হইয়াছিলেন বলিয়া কিংবদন্তী আছে। ঢাকা জিলার বিক্রমপুরস্থ আটপাড়া গ্রামের শ্রীমৃত রমণীমোহন চক্রবর্তীর সহিত বার বৎসর দশমাস বয়সে মাতাজীর বিবাহ হয়। তিনি সেই গ্রামের প্রসিদ্ধ ভরদ্বাজ বংশজ। পরের মঙ্গলকামনাই তাঁহার ব্রত। তিনি ভোলানাথ এবং পশ্চিম দেশে রমা-পাগলা নামে পরিচিত।

“শাহ্‌বাগের মা” বলিতেন এবং আবেগের সহিত বলিতেন, মায়ের এমন ঐশ্বর্য আর দেখিব না।

বাজিতপুরে থাকার সময়ে ঢাকায় সিদ্ধেশ্বরী কালীবাড়ীর পূর্বতন ছবি মার চোখে ভাসিয়া উঠে। ঢাকায় আসিয়া মা বর্তমান সিদ্ধেশ্বরী আসনের পুনরুদ্ধার করেন।

সে সময় শ্রীযুত প্রাণগোপাল মুখোপাধ্যায়, বর্তমান অবসর প্রাপ্ত ডেপুটি পোষ্টমাষ্টার জেনারেল, ঢাকায় ছিলেন। তিনি ও শ্রীযুত বাউলচন্দ্র বসাক ঐ স্থানটি সংরক্ষণের ব্যবস্থা করেন।

প্রথমদিনের সাক্ষাতে মা ইঙ্গিত করিয়াছিলেন,—‘ক্ষুধা চাই।’ কিন্তু বিষয় বাসনায় উদ্বেলিত জীবের সে ক্ষুধা হওয়া বড়ই কঠিন, যতদিন প্রাণের উত্তাল সংস্কার-তরঙ্গগুলি তাঁহার চরণতলে যাইয়া না অবসিত হয়। তাই সর্বদা মনে মনে প্রার্থনা করিতাম, ‘মা, ক্ষুধারূপিণী তো তুমি আপনিই, ক্ষুধা দাও’। কিরূপে মা নানা লীলারহস্যের ভিতর দিয়া তাঁহার অহৈতুকী কৃপা প্রকাশ করিয়া আমার চঞ্চল লক্ষ্য তাঁহার বিরাট সত্ত্বার অভিমুখে আকর্ষণ করিয়াছিলেন, তাহার কয়েকটি ঘটনা সংক্ষেপে এখানে বিবৃত করিতেছি।

১। এক রাত্রে আমি আমার বাড়ীর খোলা বারান্দায় পায়চারি করিতেছি; জ্যোৎস্নার প্রাবনে সারা জগত বিক্মিক করিতেছে; মুখ ফিরাইতেই দেখি, মা আমার পাশে পাশে ছায়ামূর্তির মত চলিতেছেন। তাঁর পরনে একটি লাল সেমিজ



ও লাল চুড়ী পা'ড়ের শাড়ী ! আমি কিন্তু কয়েকঘণ্টা পূর্বেই আশ্রমে দেখিয়া আসিয়াছি যে মা সাদা সেমিজ ও লাল ফিতা 'পা'ড়ের শাড়ী পরিয়া বেড়াইতেছেন। পরের দিন সকালবেলা মার কাছে গিয়া ঐরূপ শাড়ী ও সেমিজ উভয়ই দেখিলাম এবং জানিলাম যে আমি চলিয়া আসার পর গতকল্য সন্ধ্যায় কে একজন আসিয়া তাঁকে ঐ পোষাক পরাইয়া দিয়াছিল।

মা শুনিয়া বলিলেন,—“আমি দেখতে গিয়েছিলাম তুই কি করছিস্।”

(২) একদিন মা আমাদের বাড়ী আসিয়াছেন ; দোতলায় বসিয়া কথাবার্তা হইতেছে। এমন সময় মাকে অন্য বাড়ীতে নিবার জ্ঞাত এক মোটর আসিয়া হাজির হইল। পূর্বেই সেখানে যাওয়ার প্রস্তাব ছিল, আমি তা' জানিতাম না। মা যাইতে উত্তত হইলেন ; আমার খুবই কষ্ট বোধ হইতেছিল। বুকভরা ছঃখ নিয়া তাঁহাকে মোটরে তুলিয়া দিতে নীচে নামিয়া আসিলাম। মা মোটরে উঠিলেন, গাড়ী কিন্তু চলে না। মা আমার দিকে তাকাইতেছেন আর হাসিতেছেন। অনেক চেষ্টাতেও মোটর নড়িতেছে না দেখিয়া একটি ভাড়াটে ঘোড়ার গাড়ী আনা হইল। ইহা দেখিয়া আমার ছঃখ হইতে লাগিল যে মোটর থাকিতে মা ঘোড়ার, গাড়ীতে যাইবেন,—এ কি রকম হইল ? এমন সময় মোটর আওয়াজ দিয়া উঠিল। মা মোটরে চলিয়া গেলেন।

(৩) শাহবাগে ক্রমশঃ লোকের খুব ভিড় হইতে লাগিল। একবার ৪ দিন পর্য্যন্ত তথায় গিয়া মার সহিত বাক্যালাপ করিতে পারিলাম না। পঞ্চম দিন প্রাতে যাইব মনে করিয়াও, কি রকম দুঃখ বোধ হইতে লাগিল, আর গেলাম না ; হতাশ মনে বসিয়া আছি। দেখি কি বায়স্কোপের ছবির মত মার মূর্তি দেওয়ালের গায়ে ভাসিয়া উঠিল। তাঁর মুখখানি বড় বিমর্ষ ! পিছন ফিরিতেই দেখি শ্রীমান্ অমূল্যরতন চৌধুরী চেয়ার ধরিয়া দাঁড়াইয়া রহিয়াছে। সে বলিল, —“আপনাকে নিয়ে যাবার জন্ত মাতাজী গাড়ী পাঠিয়ে দিয়েছেন।” শাহবাগ যাইতেই মা বলিলেন,—“তোর অস্থিরতা আমি এই কয়দিন লক্ষ্য ক’রে আসছি। ‘অস্থিরতা’ না এলে স্থিরতা আসে না। ঘুতে পারো, চন্দনকাঠে পারো, এমন কি, খড়্‌কুটা দিয়ে হলেও যে কোনরূপে আগুন জ্বালানো দরকার, আগুন একবার জ্বলে উঠলে আর ভাবনা নেই। সব ক্ষয় করে দিবেই দিবে। দেখিস্ না এক টুকুরা আগুনের কণা কত যত্নের তৈয়ারি বড় বড় ঘর বাড়ী নিমেষে ভস্ম ক’রে দেয়।”

(৪) মধ্য রজনীতে বাড়ীতে অথবা দ্বিপ্রহরে আফিসে বসিয়া আছি ; দেখি কি, অপ্রত্যাশিত ভাবে মার দর্শনের জন্ত হৃদয়ভেদী অস্থিরতা জাগিয়া উঠিল ! অনেক দিন মা সে সে সময় সেই সেই স্থানে উপস্থিত হইয়া বলিয়াছেন,—“তুই ডেকেছিলি, তাই এসেছি।”

(৫) একদিন বিকালে আফিস হইতে আসিয়া শুনি যে বেলা ১২টার সময় একজন লোক একটি বড় মাছ আমার বাড়ীতে রাখিয়া আবার আসিবে বলিয়া চলিয়া গিয়াছে। তার পর আর তাহার দেখা নাই। মাছটি পড়িয়া আছে। যখন কাহাকেও সন্ধ্যা পর্য্যন্ত দেখা গেল না, তখন মাছটি 'কুটিয়া শাহবাগে পাঠানো হইল। পরদিন প্রাতে আমি শাহবাগ যাইতেই পিতাজী বলিলেন, “তোমার মা কাল রাত্রে হাসিতে হাসিতে বলেন,—‘দেখ, জ্যোতিষ তো আমার ভগবান।’ কাল সকালে এখানে কয়েকজন ভক্ত প্রসাদ পেয়েছিল; বিকালে যাহারা কীৰ্ত্তনে আৰ্গল, এ খবর পেয়ে তাহারাও প্রসাদের জন্ত আবদার করতে লাগল। ঘরে তেমন কিছুই ছিল না, কিন্তু তোমার মা মশলাদি ঠিক ক’রে রাখলেন। এমন সময় তোমাদের চাকর খগা মাছ নিয়ে আসল। তাই তোমার মা ঐরূপ বলেছেন।” আমি তো অবাক; কোথা হইতে কে মাছ আনিয়া বাড়ীতে ফেলিয়া গেল, আর উহা শাহবাগে ভক্তদের পরিতৃপ্ত করিল।

এইরূপ আরো বহু ঘটনা ঘটিয়াছে। শাহবাগে হয়ত কেহ আসিয়া মার কাছে ‘প্রসাদ চাই’ বলিয়া বসিয়া আছে। দেবার মতো কোন জব্য নাই। এদিকে আমার বাড়ীতে ঠিক সে সময় মিষ্টি বা ফলাদি কিছু পাঠাইবার জন্ত আমার মন ব্যাকুল হইয়া উঠিয়াছে। লোকে তাহা শাহবাগে নিয়া

গিয়া দেখিতে পাইয়াছে মা যেন উহার জন্তই প্রতীক্ষায় ব'সে রয়েছেন।

(৬) একদিন রাত্রে তিনটার সময় আমার নিজের ঘরে বসিয়া দেখিতেছিলাম, মা শয্যায় যে দিকে শিয়র দিয়া শুইতেন, ঠিক তার বিপরীত দিকে তাঁহার শিয়র রহিয়াছে। সকালবেলা গিয়া মাকে সেই ভাবেই দেখিলাম। জিজ্ঞাসা করিতে জানিলাম, মা শেষরাতে বাহিরে গিয়াছিলেন সে অবধি এ শিয়রেই আছেন।

আমি আমার ঘর বা আফিসে বসিয়া দেখিতে পাইতাম মা কোথায়, কখন, কি অবস্থায় আছেন ; ইচ্ছা করিলেই যে এরূপ হইত তা' নয়। আপনা হইতেই কোন কোন সময় চোখের উপর ঐ সব চিত্র ভাসিয়া উঠিত। ভূপেন তখন শাহবাগে প্রত্যহ যাইত, তাহাকে দিয়া আমার দর্শনের সত্যতা প্রমাণ করিতাম। কদাচিত্ সামান্য পার্থক্য হইত। মা বলিতেন,—“তোর ঘরতো শাহবাগে, বাড়ীতে তো বেড়াতে যাস্ মাত্র।”

(৭) একদিন বেলা ১২টার সময় আফিসে কাজ করিতেছি। ভূপেন আসিয়া বলিল,—“মা, আপনাকে শাহবাগে যেতে বলেছেন ; আজ যে বড় সাহেব ছুটি হইতে ফিরিয়া চার্ক্জ নিবেন সে কথা আমি মাকে জানিয়েছিলাম।” মা বলিলেন,—“যার কথা তাকে গিয়ে বলো, সে যা করার করুক।” কোনও দ্বিধা না করিয়া কাগজ পত্র

টেবিলের উপর যেমন ছিল তেমন ভাবে ফেলিয়া রাখিয়া কাহাকেও না জানাইয়া শাহবাগে আসিলাম। মা বলিলেন, “সিন্ধেশ্বরী আসনে চল”। পিতাজী, মা ও আমি তথায় গেলাম। যে জায়গায় এখন স্তম্ভ ও শিবলিঙ্গ হইয়াছে, সেখানে একটি কুণ্ড ছিল, তাহার ভিতর মা বসিলেন। খুব হাসি হাসি ভাব, আর আনন্দময়ী মূর্তি। পিতাজীকে আমি হঠাৎ বলিলাম,—“মাকে আমরা শ্রীশ্রীমা আনন্দময়ী বলিব। তিনি বলিলেন,—‘আচ্ছা তাই হবে।’ মা স্থির-দৃষ্টিতে আমার মুখের দিকে কতক্ষণ চাহিয়া রহিলেন।

প্রায় ৫৥ টার সময় আমরা ফিরিতেছি, মা আমায় জিজ্ঞাসা করিলেন,—“এতক্ষণ তোর আনন্দ ছিল, এখন দেখি মুখের চেহারা বদলে গেলো।” আমি বলিলাম, “বাড়ীমুখো হ’তেই আফিসের কথা মনে উঠছে।” মা বলিলেন,—“কোন চিন্তা নেই।” পরদিন আফিসে গেলে বড়সাহেব উক্ত দিনের কোন কথাই তুলিলেন না।

আমি মাকে জিজ্ঞাসা করিয়াছিলাম, “এ অবস্থায় কেন ডাকিয়া নিয়াছিলেন?” মা বলিয়াছিলেন, “দেখলাম এ কয়মাসে তোর কি পর্য্যন্ত হ’ল। আর সিন্ধেশ্বরী না গেলে এই শরীরের নামকরণও বা কি ক’রে হ’তো?” এ বলিয়া খুব হাসিলেন।

(৭) একবার গভর্ণর ঢাকায় এসেছেন। বড় সাহেব আমায় বলিলেন,—“কাল দশটার সময় গভর্ণরের সাথে আমার

দেখা করার কথা। আফিস হ'য়ে যাব, তুমি ৯৥ টার সময় আসতে পার কি?" আমি বললাম—"বেশ"। আমি তার পরদিন ভোরে শাহবাগ গিয়া বাড়ী ফিরিতে দেৱী হইল এবং আফিসে পৌঁছাতে ৯ টা ৫০ মিনিট হইয়া গেল। মনে মনে ভাবিতেছি সাহেবকে কি বলিব। এমন সময় সাহেব বাড়ী হইতে ফোন করিয়া বলিলেন,—“আমার মোটর খারাপ হয়ে গেছে, তোমায় মিছামিছি কষ্ট দিয়েছি, তজ্জন্ত আমি দুঃখিত; আমি ১১ টার সময় লাট সাহেবের বাড়ী যাব।”

মা শুনে বললেন,—“এ আর নূতন কথা কি? তুই তো আমার মোটরই সেদিন বিগড়াইয়ে দিয়েছিলি।”

(৯) একদিন মা আমাদের বাড়ী আসিয়াছেন। কথায় কথায় আমি বলিলাম,—“মা, আপনার তো ঠাণ্ডা গরম ভেদাভেদ নাই। একটি জলন্ত কয়লা যদি আপনার পায়ের উপর পড়ে, আপনার কি কষ্টবোধ হবে না?” মা বলিলেন, “দিয়ে দেখনা কেন?” আমি আর কথা বাড়ালাম না। কয়েকদিন পরে মা সে কথায় সূত্র ধরিয়া একটি জলন্ত কয়লা পায়ের উপর নিজেরই রাখিয়া দিলেন। দন্ধ স্থানে যা দেখা দিল। প্রায় একমাস যায় যা শুকায় না। আমার নিজের মুখতার জন্ত মনে বড় কষ্ট হইতে লাগিল। একদিন মার কাছে গিয়া দেখি তিনি পাখু'খানি লম্বা করিয়া টানিয়া বারান্দার একদৃষ্টিতে বসিয়া রহিয়াছেন। আমি

প্রণাম করিয়াই সেই ক্ষতস্থানের পুঁথ চুষিয়া লইলাম। তার পর দিন হইতে ঘায়ের অবস্থা ভাল দেখা গেল।

এ প্রসঙ্গে পরে আমি মাকে জিজ্ঞাসা করি,—“যখন অঙ্গারটি মাংসের উপর বসে যাচ্ছিল, মা, কেমন লাগছিল?” মা বলিলেন,—“লাগালাগি কিছুই বলতে পারিনে। এ তো খেলা ছাড়া কিছুই নয়। অঙ্গারটি কি করছে মহানন্দে তাই দেখছিলাম। প্রথমে দেখলাম লোমগুলি পুড়ে গেল, চামড়া পুড়তে লাগল, গন্ধ বাহির হ’ল। পরে জ্বলন্ত কয়লাটি তার কাজ ক’রে নিবে গেল। যখন ঘা হল, উহা উহার ভাবেই ছিল; যেই তোর ভীত ইচ্ছা হ’ল,—ঘা শীঘ্র সেরে উঠুক,—তখনই ঘা শুকোতে লাগল।”

(১০) মাঘ মাস, ভয়ঙ্কর শীত। মার সহিত প্রত্যুষে খালিপায়ে রমণার ভিজামাঠে বেড়াইতেছি। দূর হইতে দেখি কি একদল মেয়ে আসিতেছেন। আমার মনে হইল, ইঁহারা আসিলেই তো মাকে আশ্রমে নিয়া যাইবেন। এরূপ ভাবিতেছি, এমন সময় দেখি কি সমস্ত মাঠ ঘন কুয়াসায় আচ্ছন্ন হইয়া গেল এবং দর্শনার্থিনীদের আর দেখা গেল না। ২১৩ বর্ষটা পরে আশ্রমে আমরা যখন ফিরিলাম, শোনা গেল মাঠে তাঁহারা আমাদের খুঁজিতে খুঁজিতে হযরান হইয়া ফিরিয়া গিয়াছেন। মাঠটি খুবই বড়। এই কথা মাকে জানাইলে তিনি বলিলেন, “তোর ভীত ইচ্ছাই পূর্ণ হয়েছে।”

(১১) একবার মার খুব সর্দি ও কাসি হইয়াছে। আমি দেখিয়া কাতর ভাবে বলিলাম, “মা, শীঘ্রই ভাল হয়ে উঠুন।” মা মুখের দিকে চাহিয়া হাসিয়া বলিয়া উঠিলেন,—“কাল হ’তে ভাল হব।” তাই হইয়াছিল।

(১২) একদিন সকালে গিয়া দেখি মার জ্বর। আমি সে রাত্রিতে ঘরে বসিয়া খুব একান্ত মনে মার নিকট প্রার্থনা জানাইলাম যে মার অসুখটি আমার ভিতর আসুক। দেখি কি শেষরাত্রে আমার জ্বর ও মাথাধরা হইল। সকালে মার কাছে যাইতে না যাইতেই মা বলিলেন—“আমি তো ভাল হয়ে গেছি, তোর তৈরি জ্বর হয়েছে। আজ গিয়ে স্নান ক’রে বেশ খাওয়া দাওয়া কর।” আমি তাহাই করিলাম, বিকাল হইতে শরীর ভাল হইয়া গেল।

মা বলেন, “শুধু, অনন্ত ভাবের বলে সবই সম্ভব হয়।”

(১৩) আমার হাতে “সাধুজীবনী” নামে একটি বই আসিয়াছিল। তাহাতে একস্থানে এই উক্তি ছিল—“দরিদ্রকে অন্নদান করিবার জন্য তিনি তাঁহার ভক্তগণকে সর্বদা উপদেশ দিতেন।” এই উক্তির পার্শ্বে আমি একটু নোট লিখিয়া রাখিয়াছিলাম—‘কেবল অন্ন দানে তৃপ্তি সাধন হয় না।’ এই বইখানি ঘটনাক্রমে শাহবাগ যায় এবং কোন ভক্ত আমার মন্তব্যটি মাকে পড়িয়া শোনায়। ইহার কয়েকদিন পরে আমি ভোরে শাহবাগে গিয়াছি। একটি লোক পাগলের মত আসিয়া মাকে বলে,—“আমাকে কিছু খাবার



দাও, না হ'লে আমার প্রাণ আর বাঁচে না।” ইহা শুনিয়াই রান্না ঘর, ভাঁড়ার ঘর খুঁজিয়া মা যাহা পাইলেন, তাহাকে দিলেন। লোকটি জল চাহিলে, মা আমাকে বলিলেন—“ইহাকে জল দাও।” জল দিতে গেলে জানিতে পারিলাম যে লোকটি মুসলমান। তিন দিন পর্য্যন্ত সে খাইতে পায় নাই। সেদিন ক্ষুধা তৃষ্ণার অসহনীয় জ্বালায় বাগানের দেওয়াল টপকাইয়া ভিতরে আসিয়াছে। মা আমাকে বলিলেন,—“দেখলি অন্নদানেরও কত আবশ্যক। এই লোকটি তোর ভুল ভাঙিবার জন্তই এখানে এসেছিল! পাত্র ও সমরোপযোগী সবই দরকার। এ জগতে কিছুই বৃথা যায় না।”

(১৪) একদিন আমি মাকে বলিলাম,—“মা আমার আজকাল খুব নাম চলছে।” তখন সময় সময় গভীর রাত্রে আপনা হইতে ফোয়ারার মত নাম উদ্গত হইত। মার সহিত ঐ আলাপের পশ্চাতে আনন্দের সহিত কিঞ্চিৎ অহঙ্কারও ছিল। মা আমার মুখের দিকে তাকাইয়া রহিলেন। বিশেষ কিছু আর বলিলেন না। বাসায় ফিরিলে দেখি চেষ্টা করিলেও নাম আসে না। দিন গেল, রাত্রি গেল, নামের প্রবাহ যেন স্বতঃই বন্ধ হইয়া গিয়াছে। পরদিন প্রাতে ভূপেনকে বলিলাম,—“মাকে এ বিষয় জানাও।” ভূপেন যাইবার পথে মাকে গাড়ীতে দেখিতে পাইয়া আমার হৃদয়শর কথা বলিল। মা খুব হাসিতে লাগিলেন।

তখন বেলা দশটা। এদিকে ঠিক সে সময় আমার ভিতর নাম আপনা হইতেই উচ্ছলিত হইতে লাগিল। পরে শুনিলাম ভূপেনের সহিত মার কখন সাক্ষাৎকার হয়।

এ প্রসঙ্গে মা বলিয়াছেন যে ধর্মপথে প্রচ্ছন্ন অহঙ্কারের ছায়াও লক্ষ্যকে আচ্ছন্ন করিয়া ফেলে।

(১৫) শ্রীশ্রীমায়ের প্রভাব কিরূপে অদৃশ্যভাবে আমাদের হৃদয়ে অচিরাতঃ ক্রিয়া করে তাহার একটি দৃষ্টান্ত দিতেছি। আমরা সে কুপা ধরিয়া রাখিবার কোন চেষ্টা করি না, তাই যেমন ছিলাম আবার তেমনই হইয়া পড়ি। হাসিতে হাসিতে মা একদিন বলিলেন—“নাম করিতে করিতে চিন্তাশুদ্ধি হয়; পরে অন্ধা ভক্তির উদয়ে ভাবশুদ্ধি হইলে অনেক রকম উচ্চ উচ্চ অবস্থার আভাস প্রাণে জাগে; তাহাই কাজ করিয়া যায়।” যে দিন এ বাণী কাণে পৌঁছিল, সেদিনই সন্ধ্যায় বাড়ীতে একান্তে বসিলে দেখিলাম, নামে অপূর্ব আনন্দ বোধ হইতেছে। নাম যেন স্বতঃই অবিরাম একধারায় চলিতেছে; রাত্রে ঘুমের ভাব আসিল, ঘুম ভাঙিতেই দেখি নামের গতি পূর্বের মতই একটানা চলিয়াছে। দ্বিতীয় দিনে নানা ঝঙ্কাটেও এই ভাবের প্রবাহ কিছু কমবেশী ছিল; কিন্তু সন্ধ্যায় যেই আপন ভাবে আসনে বসিলাম, পূর্বদিনের মত আনন্দ জাগিয়া উঠিল, রাত্রে আর নিজার ভাবই জাগিল না। মধ্যরাত্রে কতকগুলি একরূপ বোধ হইতেছিল যে নাম বন্ধ না হইলে যেন আমি আর স্বস্তি পাই না। আমি পূর্বের কোনদিন

গোমুখী আসন করি নাই, শেষরাত্রে আপনা হইতেই  
অম্লরূপ আসনে বসিয়া গেলাম। সে সময় শরীর ও মন  
কি এক অব্যক্ত আনন্দে ডুবিয়া রহিল। অবিরল ধারে চোখ  
হইতে জল পড়িতে লাগিল। আমি অচল, অটল হইয়া এক  
ধ্যানে বহুক্ষণ কাটাইয়া দিলাম !

মা গুনিয়া বলিলেন—“এতো এক ফোটা ঝরা মধুর  
আনন্দ পেলি, বুঝে দেখ্ এখন এক একটি মোচাকে  
কত মিষ্টি !”

(১৬) মায়ের চরণে শরণাগতির প্রথমাবস্থায় একদিন  
সকলে চুপ করিয়া বসিয়া আছি। প্রাণে গভীর উচ্ছ্বাস ;  
কাঁদিতে কাঁদিতে নিম্নলিখিত গানটি ভিতর হইতে বাহির  
হইয়াছিল,—

তোমারি সাধনা,                      তোমারি বন্দনা

হউক আমার জীবন সম্বল ।

তোমারি স্তবে                      ভাবে, অম্লভবে

হউক আমার পরাণ উছল ॥

আমি আকাশেরি পানে              তোমারি সন্ধান

অনিমেষে চেয়ে রব ।

আমি চাহিব না কিছু              ক'ব না কথাটি

কেবলি চরণে লুটাব, নিয়ে আঁখিজল ॥

আমি তোমারি অসীমে              ঘুরিব ফিরিব,

তোমারি মহিমা গানে ।

আমি তোমারি আনন্দে      রব সদানন্দে

তুলিয়া তোমার নামের হিল্লোল ॥

আমার সকল কর্ম,      সকল ধর্ম

তোমারি পূজার লাগি ।

মাগো ! দাও শুদ্ধাভক্তি, বিশ্বাস অটল

রাতুল চরণ করিতে সম্বল ॥

“পাগলের গান” এই গানটির নামকরণ করিয়া একখানি প্রতিলিপি শ্রীশ্রীমায়ের চরণে পাঠাইয়া দিলাম। শুনিলাম মা তখন বাঁটি দা নিয়া লাউ কুটিতেছিলেন। গানের পদগুলি শুনিতে শুনিতে তাঁহার হাত হইতে লাউ পড়িয়া গেল, কেমন এক অপ্রাকৃত ভাবে তিনি কতক্ষণ স্থির হইয়াছিলেন।

পরে আমার সহিত দেখা হইলে মা বলিলেন—‘জগৎ ভাবময়, নৃষ্টবস্ত সকলিই ভাবের মূর্তি। ভাবের দ্বারা যদি নিজকে জাগ্রত ক’রে তুলতে পার, দেখিবে ব্রহ্মাণ্ডে সর্বত্রই একই খেলা চলছে। ভাবের অভাবেই মানুষ ইতস্ততঃ হাতড়ায়, তাই প্রকৃত তত্ত্ব বুঝতে পারে না।’

ইহার পর একদিন সিদ্ধেশ্বরী আসনে সকলে বসিয়া আছি। মা হঠাৎ বলিয়া উঠিলেন—“তোরা পাগলের গানটি গা’ তো।” গান গাওয়ার অভ্যাস আমার চলিয়া গিয়াছে অনেকদিন; তত্বপরি সেখানে অনেক লোক। আমি দ্বিধা করিতে লাগিলাম। মা হাসিতে হাসিতে বলিলেন—“পাগলের গান লিখিয়াছিস্ মাত্র, এখনো যে পাগল

হ'তে পারিস নি।” কথাগুলি হৃদয়ের প্রতি স্তর যেন বিদীর্ণ করিয়া দিল,—আমি শশব্যস্তে গানটি সেখানে গাহিলাম।

এরূপভাবে অনেক গান মার উদ্দেশ্যে রচিত হইয়াছে এবং মার চরণে সেইগুলি নিবেদন করিতেই কোন কোন সময় তিনি অতিশয় উল্লাস প্রকাশ করিয়াছেন, কখনো বা একেবারে চূর্ণ করিয়া রহিয়াছেন। এমনও অনেক সময় ঘটয়াছে যে মা ঢাকায় নাই; নীরবে আমার ঘরে বসিয়া সঙ্ক্যায় বা নিশীথে আপনপ্রাণে আপনভাবে গান উঠিয়াছে; আর সম্মুখে দেখিতেছি যেন ত্রীত্রীমা স্থির মূর্তিতে দাঁড়াইয়া রহিয়াছেন। কোন কোন সময়ে প্রবাস হইতে ঢাকা ফিরিয়া আসিলে মা বলিয়াছেন, ‘সেদিন যে গানটি গাহিতেছিলি এখন গা তো।’ অথচ তখনো তাঁহাকে সে গান দেখানো হয় নাই বা সে সম্বন্ধে কোন কথা বলাও হয় নাই।

মায়ের অল্প তীব্র আকুলতা আমাকে অনেক সময় একমুখী স্রোতে অসীমে ভাসাইয়া লইয়া যাইত। এরূপ অবস্থার ভিতর দিয়া যে কয়েকটি গান রচিত হইয়াছিল, তাহা ‘ত্রীচরণে’ নামে পুস্তকাকারে ছাপানো হইয়াছিল।

এতদ্ভিন্ন কত গান, কত কবিতা, কত প্রবন্ধ মার উদ্দেশ্যে লিখিয়াছি, আর ছিঁড়িয়াছি ইয়ত্তা নাই। মা একদিন ইহা শুনিয়া বলিয়াছিলেন,—“ওখু কি এ জন্ম ?

কত জন্ম ধরে তুই কত কি হিঁড়েছিষ্ ঠিক আছে ? তবে জানিস্, এতো সব হেঁড়াহেঁড়ির ভিতর দিয়েই এইবারই তোমর শেষ ।”

উপরোক্ত অনন্তমুখী কুপার প্রত্যক্ষ প্রভাবে ক্ষুধার উজ্জেক হইল বটে, কিন্তু দূষিত জিহ্বা রস ও শক্তিবর্ধক সুখাচ্ছ পরিত্যাগ করিয়া, রুক্ষ ও কটু আহারের জগ্ন লালায়িত থাকিত । বৈষ্ণব গ্রন্থে দেখা যায়—

“জিহ্বার লাগিয়া যেই ইতি উতি ধায় ।

শিম্বোদর-পরায়ণ কৃষ্ণ নাহি পায় ॥”

আমার অবস্থাও তাই হইল । মার অপার দয়া, অভাব-নীয় স্নেহ তাঁহার চরণে আমাকে সর্বক্ষণ সর্বভাবে বাঁধিয়া রাখিতে পারিত না । অবিজ্ঞাগ্রস্ত জীবের নিত্যভাবে প্রতিষ্ঠিত হওয়া কি কঠিন ! মাকে একদিন বলিলাম,—‘আপনার এরূপ আশ্রয় পেলে বোধ হয় পাথরও সোনা হয়ে পড়ত, কিন্তু আমার তো কিছুই হ’ল না ।’ মা বলিলেন, “যে জিনিষটা গড়ে’ উঠতে বেশী সময় নেয়, তা খুব পাকা পোক্ত হ’য়ে সুন্দর হয় । তুই এতো ভাবিস্ কেন ? কেবল শিশুর মত হাত ধরে থাক্ ।” কত প্রবোধ বাক্য, কত গভীর উপদেশ পিপাসিত প্রাণে শুনিলাম, কিন্তু আবার শুষ্কতায় ছট্‌ফট্ করিতাম । আমার এ সব হৃদশার ভিতর মার দৃষ্টি কিরূপ অক্ষুণ্ণ থাকিত, তাহার একটি দৃষ্টান্ত নীচে লিপি করিলাম ।

মার কুপাপ্রার্থী হইয়া তাঁহার দর্শনের অমুরাগে যখন

নিত্য যাতায়াত আরম্ভ করিলাম, তখন অনেকে কটাক্ষপাত করিতে লাগিলেন। নানাভাবে সমালোচনা শুনিয়া মনে হইত—এদিকে ওদিকে সর্বদা ছুটাছুটি করা চিত্তের দুর্বলতা বই আর কিছু নয়।

যোগবাশিষ্ঠ পাঠে বিচারের পথে অগ্রসর হইব এই সঙ্কল্প করিয়া ৭।৮ দিন তাহাতে মন দিলাম। এক ছপূরে বাড়ীতে আছি, খগা আসিয়া খবর দিল এক বৃদ্ধ ব্রাহ্মণ (বিক্রমপুর গাওদিয়ার শ্রীযুক্ত কালীকুমার মুখোপাধ্যায়) পাঁচ মিনিটের জন্ত আমার সাক্ষাৎ চায়। তাঁহার নিকটে গেলে তিনি বলিলেন,—আমি ৮নিরঞ্জন বাবুর ও শশাহু বাবুর (পূজ্যাম্পদ স্বামী অখণ্ডানন্দজী) বাড়ী গিয়াছিলাম তাঁহাদিগকে না পাইয়া আপনাকে ত্যক্ত করিতে আসিয়াছি। শুনিয়াছি আপনি মা আনন্দময়ীর ভক্ত। মা কি রকম, তাঁর বিশেষত্ব কি? এই প্রশ্ন শুনিতে শুনিতেই আমার দুইচোখ জলে ভরিয়া উঠিল। আমি নির্বাক হইয়া গেলাম। তিনি বলিয়া উঠিলেন,—“আমার জবাব পেয়েছি, এখন বলুন ত আপনি কেন কাঁদছেন?” আমি বলিলাম, “এ কয়দিন মার চিন্তা ছেড়ে দিয়ে, আমি অল্প বিষয়ে মত্ত আছি; আর আপনি আমার নিকটই মার খোঁজ করতে এসেছেন, আমি লজ্জায় ও দুঃখে মরমে ম’রে যাচ্ছি। মার কি বিচিত্র লীলা! আপনি ঠিক সময় এসে আমাকে আমার গম্ভব্য পথে ফিরিয়ে আনলেন। আপনার নিকট তৎক্ষণাৎ চিরঞ্জী

রহিলাম।” তিনি বলিলেন “আমাকে এখনই মার নিকট নিয়ে চলুন।” মার সাক্ষাৎ লাভ করিয়া তিনি বলিয়াছিলেন “আমি মাত্‌হারা হয়েছি বহুদিন, কিন্তু মাকে দেখামাত্রই আমার সে অভাব যেন সম্পূর্ণ ঘুচে গেল।”

উক্ত ঘটনা মাকে জানাইলে মার চরণে লুটাইয়া পড়িয়া আমি কাঁদি, আর মা হাসেন। পরে বলিলেন, “আজ কালকার দিনে চোখে আঙুল দিয়ে না দেখালে চলে না।”

## মস্ত-বিভূতি

যতদূর জানা গিয়াছে লোকাচার অনুযায়ী শ্রীশ্রীমায়ের কোনো দীক্ষা বা গুরুলাভ হয় নাই। শাস্ত্রাদি পাঠ বা আলোচনার সাহায্যে তাঁহার জ্ঞানভূমির উজ্জ্বলতা সাধিত হয় নাই। অনেকেই মনে করেন তিনি ভাগবতী ঐশ্বর্য্য লইয়া বর্তমান যুগে জীবের কল্যাণের জন্তই পৃথিবীতে অবতীর্ণ হইয়াছেন।

বাল্যকালে শ্রীশ্রীমায়ের শরীরে নানা অদ্ভুত ভাবের বিকাশ হইত। তবে তাহা সাধারণ লোকের স্থূল দৃষ্টিতে ধরা পড়িত না। তাঁহার শৈশবের খেলা-ধুলার মধ্যে এমন উদাস, অনাসক্ত ভাব দেখা যাইত যে অনেকেই তাঁহাকে “বোকা”, “হুঁচু” মেয়ে বলিয়া মনে করিত। এমন কি শ্রীশ্রীমায়ের জনকজননীও তাঁহার ভবিষ্যত সম্বন্ধে নানা আশঙ্কায় মুহমান ছিলেন। কোন কোন সময় এরূপ হইত যে



কোথায় আছেন বা নাই কিংবা পূর্বক্ৰমে কি করিলেন বা বলিলেন তাহাতে একেবারে তাঁহার খেয়াল থাকিত না ।

শুনা গিয়াছে তিনি চলিতে চলিতে গাছপালা বা অপ্রত্যক্ষ অশরীরী মূর্তির সহিত কথাবার্তা করিতেন এবং নানা আকার-ঐঙ্গিতের দ্বারা নানা ভাবাদি প্রকাশ করিতেন ; কখনো বা উন্নয়নস্থ হইয়া হঠাৎ থমকিয়া চুপ হইয়া যাইতেন ।

তাঁর শরীরে ১৭।১৮ বৎসর হইতে প্রায় ২৪।২৫ বৎসর পর্য্যন্ত বিবিধ অলৌকিক ভাবাদির বিশেষ প্রকাশ পাইতে আরম্ভ হয় । কখনো কখনো দেবদেবীর নাম করিতে করিতে অবশ হইয়া পড়িতেন ; কীৰ্ত্তনাদির প্রভাবেও শরীর অসাড় হইয়া যাইত ; ভগবৎ প্রসঙ্গ শুনিলে বা দেব-মন্দির দর্শনাদিতে শরীর ব্যবহারিক জগতের কর্মধারায় চলিত না । শ্রীশ্রীমা প্রায় ১৮ বৎসর বয়সে বাজিতপুর ( মৈমনসিং ) গিয়া ৫।৬ বছর ছিলেন । ঐ সময়ের শেষ ভাগে তাঁহার শরীরে মস্ত্রাদি স্বতঃস্ফুরিত হইয়াছিল, দেবদেবীর মূর্তি উজ্জ্বল হইয়া প্রকাশ পাইয়াছিল ; সমস্ত দেহে যৌগিক ক্রিয়াদি ও প্রকাশ পাইয়াছিল । এই সকল দৈবী প্রভাবের স্ফুরণের সঙ্গে সঙ্গে তাঁহার কথা বন্ধ হয় ; মৌনাবস্থায় বাজিতপুর ১ বৎসর ৩ মাস ও পরে ঢাকায় ১ বৎসর ৯ মাস কাটে । অবশেষে লোকদৃষ্টিতে তাঁহার দেহে এক নির্মল প্রশান্তি বা বিরাট ভাব আসিয়া পড়ে । তখন দেখা যাইত তাঁহার শরীরের মধ্যে যেন বাহ্য ও অন্তঃক্রিয়ার স্পন্দন স্থগিত হইয়া গিয়াছে, তিনি যেন স্ব-ভাবে

স্বপ্রতিষ্ঠিত হইয়া রহিয়াছেন। ঐ সময়কার একটা ছবি দেওয়া গেল।

উক্তরূপ অবস্থাদির প্রকাশের সময় পিতাজী প্রায়ই চিন্তাশ্রিত হইয়া পড়িতেন এবং ভাবিতেন এ সকলের পরিণতি কি হইবে ?

কিন্তু নানা লোকচর্চার ভিতরও তিনি কখনো শ্রীশ্রীমায়ের কোন কার্যে সহজে বাধা জন্মাইতেন না। তাঁহার শরীরে দেবতার আবেশ হইয়াছে মনে করিয়া সাধু এবং ওষ্যার দ্বারা কয়েকবার তাহার প্রতিকার চেষ্টা করাও হইয়াছিল। তাহাতে কোন ফলোদয় হয় নাই, বরং তাহার শ্রীশ্রীমাতাজীর নিকটে গিয়াই ভয়ে, বিন্ময়ে বিহ্বল হইয়া গিয়াছিল এবং জননীর কৃপা লাভ করিয়া তাহার পরে প্রকৃতিস্থ হয়।


সে সময় শ্রীশ্রীমায়ের শরীরে প্রায় ৫১০ মাস কাল ধরিয়। নানা দেবদেবীর আবির্ভাব হইয়াছিল; তিনি জীবন্ত শরীর-ধারী কত দেবদেবীর দর্শন পাইয়াছিলেন তাহার ইয়ত্তা নাই। তিনি তাহাদের পূজা করিতেন, পূজান্তে আবার তাহার। তাঁহার দেহমধ্যে বিলীন হইয়া যাইত। বাহনাদিসহ এক দেবতার পূজা সমাপন হইলে অল্প দেবতার আবির্ভাব হইত। পূজা আরম্ভিকের সময় তিনি অনুভব করিতেন তিনি নিজেই দেবতা, নিজেই পূজক, নিজেই তন্ত্রধার, তিনিই মন্ত্র, তিনিই পূজার জল, ফুল, নৈবেদ্যাদি উপকরণ।

উপরোক্ত পূজাদিতে কোনও বাহ্যিক উপচারা দি ছিল না

কিন্তু তিনি নিজের কোনো ইচ্ছাতেও ঐ সকল ক্রিয়া করেন নাই। একান্তে বসিলেই স্বাভাবিক ভাবে পূজাদির যথাযথ দৈহিক ও মানসিক ক্রিয়াগুলি শরীরের উপর আপনা আপনিই হইয়া যাইত। পরে ক্রিয়াবিৎ লোক হইতে জানা গিয়াছে যে মণ্ডল, যন্ত্রাদি অঙ্কন হইতে আরম্ভ করিয়া মন্ত্র, যাগ, যজ্ঞাদি সকল অনুষ্ঠানই শাস্ত্রসম্মতভাবে সম্পন্ন হইত। এই বিষয়ে মাকে কেহ কোন প্রশ্ন করিলে মা বলিতেন,— “আমাকে কিছু জিজ্ঞাসা কোরো না—জানবার সময় হ’লে জানতে পারবে।”

২৮শে চৈত্র ১৩৩০ বঙ্গাব্দ (ইংরাজী ১০২৩ সাল) খ্রীশ্রীমা ঢাকা পদার্পণ করিলেন এবং ৩৪ দিন পরেই স্থানীয় শাহবাগ বাগানে যাইয়া বাস করিতে লাগিলেন। ক্রমে ক্রমে বহু ভক্তের সমাগম হইতে লাগিল। ১৯২৫ খ্রীষ্টাব্দে পূর্বোক্ত অলৌকিক পূজাদির বিবরণ শুনিয়া কয়েকজন ভক্ত মিলিয়া মাকে কালীপূজা করিবার জন্ত প্রার্থনা জানায়। মা বলিলেন—“আমি তো তোমাদের আনুষ্ঠানিক ক্রিয়াকলাপের কোন খবর রাখি না, পূজার ব্যাপার পুরোহিতকে দিয়ে করানোই তো ভালো।” পরে একবার পিতাজীর ইচ্ছায় মা পূজা করিবেন স্থির হইল।

সকলে যাকে পূজা করিয়া আনন্দ পায়, তিনিই যখন ভক্তদের শিকার জন্ত দেবতার পূজা করিতে বসেন, সে পূজার মহিমা যে কত অপরূপ হইয়া উঠে, তাহা অনির্বচনীয়।



শাহবাগে বাবা ভোলানাথ, শ্রীশ্রী মা, মরণী ( ১৯২৮ )



শ্রীশ্রীমা পূজা করিবেন, এ পূজা কেমনতর হইবে, এ বিষয়ে কল্পনা করিতেও ভক্তদের প্রাণে কতই না ঔৎসুক্য ও আনন্দ বোধ হইতেছিল।

যথাসময়ে মূর্ত্তি আসিল। পূজার সময় মা আসনস্থা হইয়া কিয়ৎক্ষণ মাটির উপর চুপ করিয়া পড়িয়া রহিলেন। পরে ঢলু ঢলু ভাব নিয়া কলের পুতুলের মত মন্ত্ৰাদি উচ্চারণ করিতে করিতে ডান ও বাম হাতে নিজের মাথার উপরে ফুল, চন্দ্রনাদি দিতে লাগিলেন; কখনো কখনো কালী মূর্ত্তির গায়েও কয়েকটি ছড়াইয়া দিলেন। এক্রূপে পূজা সম্পন্ন হইয়া গেল।

বলির ব্যবস্থা ছিল। ছাগটিকে স্নান করাইয়া মার কাছে আনিলে, তিনি সেটিকে কোলে নিলেন এবং খুব কাঁদিতে কাঁদিতে উহার শরীরে হাত বুলাইতে লাগিলেন। পরে উহার প্রতি অঙ্গে মন্ত্র পাঠ করিয়া কানে কানে কি জপ করিলেন। খড়্গ উৎসর্গ করিবার সময় মাটিতে পড়িয়া নিজের গলার উপর খড়্গটি স্থাপন করিলেন। সে সময় পাঁঠার ডাকের মত তিনটি ডাক তাহার মুখ হইতে বাহির হইল। পরে বলি দিতে নিয়া গেলে দেখা গেল পাঁঠাটি কোন রকম চীৎকার অথবা ছটফট করিল না। বলির পর উহার দেহ হইতে কোন রক্তও পড়িল না; অতি কষ্টে এক কোঁটা রক্ত হোমের জন্ত সংগ্রহ করা হইয়াছিল। সে সময় মায়ের কৃপাময়ী, অসাধারণ কমনীয় মূর্ত্তি সকলের দৃষ্টি আকর্ষণ করিয়াছিল এবং

ক্রিয়া কর্ণের আরম্ভ হইতে শেষ পর্য্যন্ত এক অপূর্ব ভাবের একতান তা পরিলক্ষিত হইয়াছিল।

১৯২৬ খ্রীষ্টাব্দেও সকলে কালীপূজা করিবার জন্ত খ্রীখ্রী-মায়ের নিকট প্রার্থনা জানাইল। ইতিমধ্যে মা একদিন এক ভক্তের বাড়ীতে গাড়ী করিয়া যাইতেছিলেন—মা হঠাৎ তাঁহার বাম হাত উচুতে তুলিয়া একটু হাসিয়া চুপ করিয়া রহিলেন। পিতাজী জিজ্ঞাসা করিলেও কোন উত্তর দিলেন না। তিনি পরে যখন সে বাড়ীতে ভোগে বসিয়াছেন, আবার পূর্বের মত অস্বাভাবিক ভাবে হাত তুলিলেন। এ বিষয়ে মা পরে বলিয়াছিলেন যে মা যখন রাস্তায় গাড়ীতে যাইতে ছিলেন, তখন ১২.০।১৩.০ গজ দূরে মাঠের মাঝে মাটি হইতে প্রায় ১৮ হাত উচুতে শূন্যে চলার অবস্থায় এক সজীব কালী মূর্তি মাকে দেখিয়া তাঁহার কোলে আসিবার জন্ত হাত বাড়াইয়া দিবার মত ভঙ্গী করিয়াছিল। আবার ভোগে বসিলে, তখনো সে কালীমূর্তি ছোট মেয়ের মত সেখানে আসিয়া দাঁড়াইয়াছিল। তাই দুই স্থানে তাঁহার বাম হাত উপর দিকে ঐ মূর্তিটির পানে উঠিয়া গিয়াছিল।

কালীপূজার একদিন পূর্বে শাহবাগে পুনরায় ভক্তেরা পূজার জন্ত মিনতি জানাইলে মা পিতাজীকে বলিলেন,—‘এদের যখন এত আগ্রহ, তুমিও তো পূজা করতে পার।’ পিতাজী ইহা শুনিয়া সকলকে বলিলেন—“পূজার কথা তোমাদের মায়ের মুখ হইতে যখন একবার বের হয়েছে

তখন পূজা হইবেই, তোমরা আয়োজন কর।” কালীমূর্তি  
 কি মাপের হইবে এ কথা উঠিলে পিতাজীর মনে জাগিল যে  
 ষা সে দিন গাড়ীতে ও আহারে বসিয়া হাত তুলিলে যতখানি  
 উঁচু হইয়াছিল ততখানি উঁচু মূর্তি আনা হউক। মা তখন  
 অসাড় অবস্থায় মাটিতে পড়িয়াছিলেন। আন্দাজে একটি মাপ  
 নেওয়া হইল। রাত্রি তখন প্রায় ১১টা; এক দিনের মধ্যে ঐ  
 মাপের মূর্তি কি করিয়া হয়, কোথায় পাওয়া যায়, ইত্যাদি  
 নানা দ্বিধা নিয়া শ্রীযুক্ত সুরেন্দ্রলাল বন্দ্যোপাধ্যায় শাহবাগ  
 হইতে সহরে আসিলেন। সহরে এক দোকানে দেখা গেল  
 ঠিক ঐ মাপের একটুমাত্র মূর্তি রহিয়াছে। সে কারিকর মোটে  
 ১২টি প্রতীমা বানাইয়াছিল; ১১টির ফরমাস ছিল, বাকী  
 একটি সে নিজের খেয়ালে করিয়াছিল। সেইটিই দোকানে  
 ছিল। যথাসময়ে সে মূর্তি আনা হইল। পূর্ব্বেকার পূজার মত  
 মা পূজা সম্পাদন করিলেন। সে সময় মার অপরূপ দৈবীভাব  
 দেখা যাইতেছিল। পূজার কিছুক্ষণ পরে হঠাৎ মা আসন  
 হইতে উঠিয়া পিতাজীকে বলিলেন,—“আমি নিজের আসনে  
 যাইতেছি, তুমি এখন পূজা কর”। ইহা বলিয়া তিনি নিমেষে  
 কালীমূর্তির পাশে দাঁড়াইয়া অট্টহাস্তে মাটির উপর বসিয়া  
 পড়িলেন। তখন পূজার ঘরটি অনির্বচনীয় ভাব-স্পন্দনে এক  
 অপূর্ব্ব শ্রী ধারণ করিয়াছিল। মা বলিলেন—“তোমরা সবাই  
 চোখ বুঁজে নাম কর।”

গৃহ লোকে পরিপূর্ণ; বাহিরে আড়ালে থাকিয়া কে



একজন চুপি চুপি পূজা দেখিতেছিল। ইহা কাহারো দৃষ্টিগোচর হয় নাই। মা তাহার নাম ধরিয়া ডাকিয়া বলিলেন,—“তুমিও চোখ বুজ।” সকলেরই নেত্র নিম্নলিত; কি হইল না হইল কেহই জানিল না। চোখ খুলিলে দেখা গেল ৩ উকীল বৃন্দাবনচন্দ্র বসাক মূর্ছিত অবস্থায় পড়িয়া রহিয়াছেন। তিনি পরে বলিয়াছিলেন,—মার মুখমণ্ডলে এক উজ্জ্বল জ্যোতি দেখিয়া তিনি চমকিয়া সংজ্ঞাহীন হইয়া পড়েন।

পূজা-সমাপ্তির সঙ্গে সঙ্গে রাত্রিও শেষ হইয়া গেল। সেইবার আর বলির ব্যবস্থা ছিল না। পূর্ণাহুতি দিবার সময়ে মা কহিলেন,—“পূর্ণাহুতি দেওয়া হইবে না, যজ্ঞের অগ্নি রাখিয়া দাও।” সে অগ্নি এখনও রমণার আশ্রমে রক্ষিত হইতেছে।

পরদিন মূর্ত্তি-বিসর্জনের কথা হইতেছিল। ৩ নিরঞ্জনর স্ত্রী বিনোদিনী বিসর্জনের অব্যাদি আনিয়াছে। তিনি মূর্ত্তি দর্শন করিয়া মাকে সকাতরে জানাইলেন,—“মা, এ মূর্ত্তিকে বিসর্জন দিতে আমার বড়ো হুঃখ বোধ হচ্ছে।” মা বলিলেন,—“তোমার মুখ দিয়া যখন এরূপ বাহির হইল, তখন এ মূর্ত্তি সম্ভবতঃ বিসর্জিত হইতে চায় না। আচ্ছা, ইহা রেখে পূজার ব্যবস্থা করা যাবে।”

নানা অবস্থাবিপর্ধ্যায়ের ভিতর দিয়া এ মূর্ত্ত্যমূর্ত্তি প্রায় অনেক বছর ধরিয়া সেই ভাবে ছিল।

১৯২৭ অব্দের সেপ্টেম্বর মাসে মা চুনার হইতে জয়পুর

যাইবেন। আমি তখন ছিলাম চুনারে। তাঁহাকে গাড়ীতে তুলিয়া দিবার জন্ত ষ্টেশনে গিয়াছি। তখন মা আমাকে ফোর্টের পাহাড়ের গায়ে একটি স্থান উল্লেখ করিয়া বলেন,— “সেখানে একটি ফুলের মালা পাইবি, ফিরিবার পথে তাহা নিয়া যত্নে রেখে দিস।” আমি উহা খুঁজিয়া নিয়া রাখিলাম। মা জয়পুর হইতে ফিরিয়া সে মালা দেখিলেন। পরে যখন মা ঢাকা গেলেন, তখন অমুসন্ধানে জানা গেল যে প্রত্যহ কালীমূর্তির গলায় যে ফুলের মালা দিবার ব্যবস্থা ছিল, উক্তদিন ভুলে তাহা বাদ পড়িয়া গিয়াছিল। আর একবার মা কল্পবাড়ারে ছিলেন, একদিন সন্ধ্যায় সমুজ্রতীরে বেড়াইবার সময় হাসিতে হাসিতে বলিয়া উঠিলেন,— “আমার হাতখানা ভাঙা নাকি? ভাঙা নাকি? তোমরা দেখ, উহা ভাঙতেও পারে।” ঠিক সে রাত্রিতে ঢাকায় কালীমূর্তির হাত ভাঙিয়া চোরে গয়না অপহরণ করিয়াছিল।

এই মূর্তি এখন রমণা আশ্রমে ভূগর্ভে রহিয়াছেন। প্রতি বৎসর বৈশাখ বা জ্যৈষ্ঠ মাসে মার জন্মোৎসবের সময় সকল শ্রেণীর লোকের দর্শনার্থে ইহার দ্বার খোলা হয়। ভারতে দেবমন্দিরাদির দ্বার সর্বসাধারণের জন্ত উন্মুক্ত হউক, এই আন্দোলনের পূর্ব্বেই মার উক্ত ব্যবস্থা হইয়াছিল।

একবার সিদ্ধেশ্বরী আসনে বাসন্তী পূজা হয়। মূর্তিগুলির প্রাণ-প্রতিষ্ঠার সময় মা তথায় উপস্থিত থাকিয়া একদৃষ্টে অনেকক্ষণ উহাদের দিকে তাকাইয়াছিলেন। যুগ্ময়ী প্রতিমা

গুলির চক্ষু তখন জীবন্ত মানুষের চক্ষুর স্থায় দীপ্তিময় দেখাইতেছিল।

মা বলেন—“দেবদেবীর সজ্জা আমার তোমার দেহের মতো সত্য এবং ভাবের চোখে তাঁহাদের দর্শন লাভ হয়।”

## ভাব-বিভূতি

যাঁহার প্রত্যেকটি ভাব আনন্দময়, আনন্দই যাঁহার উপাদান, আনন্দেই যিনি অবস্থিত, যিনি জগতের আনন্দ-লীলা করিবার জন্ত আনন্দঘন মূর্তি ধারণ করিয়াছেন, তাঁহার মধ্যে জীবকল্যাণার্থে বহুভাবের উৎপত্তি, স্থিতি ও লয় হওয়া সম্পূর্ণ স্বাভাবিক। নিবিষ্টচিত্তে দেখিলে বোধ হয় ত্রীশ্রীমা যেন দুইরূপে বিরাজিতা—একটি তাঁর বাহিরের রূপ, আর একটি অন্তরের রূপ; এই দুইয়ের লীলা-বিলাস ওতপ্রোত ভাবে তাঁহার মধ্যে সর্বদা প্রকাশিত হয়।

প্রথম হইতেই ঢাকা আসার পর অধিকাংশ সময় মা শুইয়া থাকিতেন। আমরা শূনিতাম মা এক অনির্বচনীয় মহাভাবের প্রেরণায় আত্মহারা হইয়া বিভোর অবস্থায় কখনো কখনো প্রহরের পর প্রহর পড়িয়া থাকিতেন এবং কীৰ্ত্তনের সময় তাঁহার লীলাদি বিশেষরূপে লোক-দৃষ্টিতে প্রকাশ পাইত।

১৩৩২ বঙ্গাব্দে ( ১৯২৬ খ্রীশাব্দে ) শাহবাগে উত্তরায়ণ সংক্রান্তি উপলক্ষে কীর্তন হইবে। ইহাই মায়ের দরবারে প্রথম প্রকাশ্যে কীর্তন। সে সময় চট্টগ্রাম হইতে জীযুত শশীভূষণ দাশগুপ্ত ঢাকা আসিলেন। তিনি তথায় উপস্থিত হইতে না হইতেই মাকে দেখিয়া ভক্তিশ্রদ্ধায় গলিয়া গেলেন। লোকের খুব ভিড়, তিনি দূর হইতে মাকে দর্শন করিতেছেন আর অশ্রুধারায় অভিষিক্ত হইতেছেন। তিনি আমাকে বলিলেন—“জীবনে যা’ দেখি নাই তা’ আজ দেখলাম, বিশ্বজননীর প্রকাশমূর্তির দর্শন হ’ল।” প্রায় ১০ টার সময় কীর্তন আরম্ভ হইল। মা বসিয়া মেয়েদিগকে সিন্দূর দিতেছিলেন, হঠাৎ তাঁহার হাত হইতে কোঁটাটি পড়িয়া গেল। সর্ব্বাঙ্গ মাটিতে ঢলিয়া পড়িল। কিছুক্ষণ মাটিতে গড়াইয়া শরীরটা উঠিল এবং পায়ের বৃদ্ধাঙ্গুলির উপর খাড়া হইয়া দুইহাত উপর দিকে তুলিয়া ও মাথাটি একেবারে পিছনে পিঠের সঙ্গে লাগাইয়া পলক বিহীন, স্থির, উৎকৃষ্ট দৃষ্টিতে তাকাইয়া রহিলেন। পরে মা এক্রপ অবস্থায় চলিতে লাগিলেন। কি যেন এক অলৌকিক ভাবে পরিপূর্ণ। মাথায়, গায়ে বস্ত্রাদির প্রতি কোন খেয়াল নাই। তাঁহাকে ধরিয়া রাখাও কাহারো সাধ্য ছিল না; তাঁহার শরীর তালে তালে নৃত্য করিতে করিতে কীর্তনের স্থানে গিয়া পড়িয়া গেল। মাটিতে পড়িয়াই শরীর ৩০।৪০ হাত স্থানের উপর দিয়া বায়ুবেগে শুষ্ক পাতার মত গড়াগড়ি দিতে লাগিল।

খানিক পরে শোয়া অবস্থায়ই মুখ হইতে “হরে মুরারে মধুকৈটভারে” ধ্বনি স্তমধুর সুরে বাহির হইতে লাগিল ; নেশার মত ঢলু ঢলু ভাবে শরীরটা উঠিয়া বসিল। আর দুই চোখ দিয়া অশ্রুধারা বহিতে লাগিল। অনেক সময়ের পর তিনি প্রকৃতিস্থ হইলেন। তখন তাঁহার অগূৰ্ব মুখশ্রী, মধুর চাহনি, গদ গদ ভাব দেখিয়া অনেকে বলিতে- ছিলেন—“ঐশ্বাদিতে শ্রীশ্রীগৌরান্ধদেবের যে প্রকার ভাবা-বেশের কথা পড়িয়াছি, তাহাই আজ শ্রীশ্রীমায়ের সঙ্গে প্রত্যক্ষ দেখিলাম”। আবার সন্ধ্যার সময় মা কীৰ্ত্তন-মণ্ডপে প্রবেশ করিলেন, মধ্যাহ্নের মত ভাবাবেশ দেখা দিল। কীৰ্ত্তনীয়াদের সঙ্গে ঘুরিতে লাগিলেন, এক পায়ের উপর উদ্ধাম নৃত্য করিতে করিতে কিছুদূরে গেলেন, পরে তাঁহার শরীর মাটির উপর পড়িয়া গেল ; অনেক সময় এভাবে চলিয়া গেল, তখন মা উঠিয়া বসিলেন। সে সময় তাঁহার আধ আধ জড়ানো কথা সমবেত ভক্তদের হৃদয় যেন অমৃতরসে পূর্ণ করিয়া তুলিল। লুটের পর মা নিজ হস্তে খিচুরী প্রসাদ বিলাইলেন ; বিপুল জনতার মধ্যে তাঁহার প্রসাদ বিতরণের ক্ষিপ্ৰতা এবং অলৌকিক মাতৃভাবের স্ফূরণ দেখিয়া সকলেরই মনে হইতেছিল যেন স্বয়ং মহালক্ষ্মী ধরাধামে বিচরণ করিতেছেন। শ্রীশ্রীমায়ের সেদিনকার লীলা ও লোকাভীত বিলাস-বৈভবপূর্ণ মূর্ত্তি দেখিয়া উপস্থিত অনেকেই দিব্য ভাবে আবিষ্ট হইয়াছিলেন।

নিরঞ্জন কলিকাতা হইতে ঢাকায় ইন্কাম টেক্স বিভাগের এসিষ্ট্যান্ট কমিশনার হইয়া আসিলেন। একদিন সন্ধ্যায় আমরা দুইজন শাহবাগে অমাবস্তার কীৰ্ত্তনে গেলাম। কীৰ্ত্তন আরম্ভ হওয়ার পর সঙ্গে সঙ্গে মার ভাবান্তর হইতে লাগিল। যে অবস্থায় বসিয়াছিলেন, তাহা হইতে ধীরে ধীরে সোজা হইতে লাগিলেন এবং মাথা ক্রমশঃ পিছন দিকে বাঁকিয়া পিঠের সঙ্গে ঠেকিল। তার পর হাত পা মোড়ামোড়ি দিয়া আস্তে আস্তে শরীর মেজের উপর ঢলিয়া পড়িল। পরে প্রত্যেক শ্বাস প্রশ্বাসের সঙ্গে সঙ্গে আপাদ-মস্তক হুলিতে লাগিল এবং চেউয়ের পর চেউয়ের মত তালে তালে সকল শরীর মাটিতে লুটাইয়া গড়াগড়ি দিতে লাগিল। দমকা হাওয়ায় গাছের ঝরা পাতা যেমন ভাবে গড়াইয়া যায় ঠিক সেই ভাবে মায়ের শরীরটাও গড়াইতে লাগিল— যাহা সাধারণ লোক শতচেষ্টায়ও করিতে পারিবে না। সকলেরই মনে হইল যেন ভাবের তরঙ্গে সংজ্ঞাহীন অবশ শরীরটিকে লীলাময়ী মা ভাসাইয়া দিয়াছেন। মাথায় বা গায়ে বস্ত্রাদির প্রতি কোন খেয়ালই নাই। তাঁহাকে ধরিয়া রাখার অনেকবার চেষ্টা করা গেল, কিন্তু বেহই সমর্থ হইল না। শেষে মা অনেকক্ষণ জড়বৎ পড়িয়া রহিলেন; বোধ হইতে লাগিল যেন তিনি এক অখণ্ড রসে জমিয়া গিয়াছেন। মায়ের মুখশ্রী দিব্যজ্যোতিতে ঝলমল; সারাদেহ ভূমানন্দে ঢল ঢল। ৬ নিরঞ্জন মার এই ভাবাবস্থায় প্রথম দর্শন হইতেই

দেবী-স্তোত্র পাঠ করিতেছিলেন। আমাকে বলিলেন,—“আজ সন্ধ্যাৎ দেবী-দর্শন হইল।”

আর একদিন শাহবাগে কীর্তনে বহুলোক সমাগত ; ধীরে ধীরে কীর্তন চলিতেছে। পূর্বোক্ত অমাবস্যা রাত্রির মত মার ভাবাবেশ হইল। কিন্তু এবার বস। অবস্থাতেই মা ধীরে ধীরে মাটিতে পড়িয়া গেলেন এবং শ্বাস প্রশ্বাসের সঙ্গে সঙ্গে হাত পা লম্বা করিয়া উপুড় হইয়া শুইয়া পড়িলেন। অবশেষে চেউয়ের মত মেজের উপর গড়াগড়ি দিতে লাগিলেন। কিছুক্ষণ পরে হঠাৎ উম্মাদিনীর মত উপর দিকে বিনা অবলম্বনে ধীরে ধীরে উঠিতে লাগিলেন এবং অনেকক্ষণ পায়ের দুই গোড়ালির উপর ঈষৎ ভর দিয়া দাঁড়াইয়া রহিলেন। তখন শ্বাস প্রশ্বাসের বেগ স্থগিত বোধ হইল। দুই হাত আকাশের দিকে উর্দ্ধে উঠাইয়া রাখিয়াছেন—মাটির সঙ্গে পায়ের গোড়ালির সামান্য স্পর্শমাত্র রহিয়াছে মাথাটি পশ্চাৎ দিকে বাঁকিয়া পৃষ্ঠলগ্ন হইয়া রহিয়াছে; আর অনিমেঘ দৃষ্টিতে উর্দ্ধপানে চাহিয়া চলিতেছেন,—কাঠের পুতুল অদৃশ্য হাতের চালনায় যেমন করিয়া চলে, ঠিক তেমন ভাবে তিনি বিচরণ করিতেছেন। তাঁহার চোখ দুটি খুব উজ্জ্বল, মুখে হাসি ও প্রসন্নতা। একটু পরেই, কেবল দুই পায়ের দুই বৃদ্ধাস্থর্ষের উপর ভর রাখিয়া কীর্তনের সঙ্গে সঙ্গে অগলক উর্দ্ধদৃষ্টিতে উর্দ্ধবাহ হইয়া শূণ্ঠে চলার মত চলিতে লাগিলেন, যেন সমস্ত

শরীরের গতি উপর দিকে খেঁচিয়া যাইতেছে। এই অবস্থায় বহুক্ষণ কাটিয়া গেল। পরে একস্থানে চোখ বুজিয়া সেই ভাবেই মাটিতে পড়িয়া গেলেন। অন্ত্যান্ত বার মায়ের মাথা সোজা থাকিত কিন্তু সেদিন আর তাহা হইল না। একটি অসাড় মাংসপিণ্ডের মত শরীরটি পড়িয়া রহিল। পর দিন প্রাতে প্রায় ১০টার সময় হইতে একটু একটু প্রকৃতিস্থা হইয়া সন্ধ্যায় তাঁর স্বাভাবিক অবস্থা ফিরিয়া আসিল।

ইহার পরে ৩নিরঞ্জনের বাসায় একদিন কীর্তন হইল। সকলেই, বিশেষতঃ ৩নিরঞ্জনের বুদ্ধামাতা মায়ের মহাভাব দেখিবার জন্য উদ্গ্রীব; মনে মনে মার নিকট প্রার্থনা জানাইতে- ছিলেন যেন ভাববিষ্টা মাতৃমূর্তি তাঁহাদের দর্শন হয়। যে ঘরে কীর্তন হইতেছিল, তৎসংলগ্ন একটি ঘরে মা শুইয়া পড়িয়া- ছিলেন; হঠাৎ কীর্তনের ঘরে শ্রীশ্রীমা ছুটিয়া গিয়া অলৌকিক ভাবে কীর্তনে যোগ দিলেন এবং উর্দ্ধবাহু হইয়া প্রেমাবেশে নৃত্য করিতে করিতে মেজের উপর পড়িয়া গেলেন। সেদিন প্রকৃতিস্থা হইলেন বটে কিন্তু একেবারে মৌন হইয়া রহিলেন।

উক্ত লক্ষণাদি ব্যতীত তাঁহার ভাবদেহের প্রকাশ-বেগ এত বিচিত্ররূপে প্রকাশ পাইত তাহা ভাবায় ব্যস্ত করা সম্ভব নয়। শরীর যখন গড়াইত কখনো তাহা লম্বা কখনো বা খুব বেঁটে, কখনো গোলাকার মাংসপিণ্ডের আকার ধারণ করিত। এক



এক সময় মনে হইত, শরীরে যেন হাড়ই নাই। রবারের বলের মতো মাটির উপর গড়াইয়া নাচিয়া চলিয়াছে। তাঁহার দেহের চলন-ভঙ্গী এত ক্ষিপ্রগতিতে বিচ্যুতমকের মত সম্পন্ন হইত, যে তীক্ষ্ণ, সচকিত দৃষ্টি দ্বারাও তাহার অনুসরণ সম্ভবপর হইত না।

এই সময় মনে হইত এদেহ যেন শ্রীশ্রীমায়ের নয় ; যেন কোন স্বর্গীয় ভাবের প্রবাহ মায়ের শরীরকে বিগলিত করিয়া নৃত্যপর করিয়া তুলিয়াছে। তাঁহার শরীর রোমাঞ্চে কণ্টকিত, দেহ-বর্ণ অরুণ, মুখমণ্ডল উজ্জ্বল হইয়া উঠিত। দৈবীভাবের স্বতঃস্ফূর্ত লক্ষণাদি তাঁহার দেহ-সীমার মধ্যে সীমাতীতের অপরূপ লাভণ্যের ছন্দে লীলায়িত হইয়া যেন চলিয়াছে !

কখন কখন কীর্তনের ছন্দে ললিত নৃত্য-কলা যেন তাঁহার দেহকে অতিক্রম করিয়া চলিত ; কখনো বা অতল সাগরের মহামৌন, স্তব্ধ প্রশান্তি সমবেত ভক্তজনের প্রাণে অপরূপ ভাব জাগাইয়া তুলিত এবং তাহাদের মনের নানাবিধ বহুমুখে বিক্ষিপ্ত গতিকে স্থগিত করিয়া দিত।

তাঁহাকে দেখিয়া তখন মনে হইত তিনি যেন উপরোক্ত সকল বিভূতির অতি উর্ধ্বে নিঃসঙ্গ অবস্থিতা রহিয়াছেন ; ভাববিকার যেন কোন অদৃশ্য ইঙ্গিতে তাঁহার শরীরের ভিতর হইতে আপনিই ফুটিয়া উঠিতেছে।

আমি একদিন মাকে জিজ্ঞাসা করিলাম—“যখন আপনার

ভাবাবেশ হয়, তখন আপনার শরীরে বা চোখের সম্মুখে কোন দেবদেবীর আবির্ভাব হয় কি? মা বলিলেন,—“আমার লক্ষ্য কোথাও আবদ্ধ নাই। ইহার কোন প্রয়োজনও আমার নাই। তোরা ভাবাবেশের লক্ষণ দেখতে চাস, তাই এ শরীরে কখনো কখনো তাহা প্রকাশ হইয়া পড়ে। যখন যে কোন কর্ম পূর্ণভাবে হয় তখন সেই সেই কর্মের তদ্রূপতা প্রকাশ পাইবেই পাইবে। নামে তন্ময়তা আনিতে পারিলেই রূপসাগরে ডুব দেওয়া যায়। নাম ও নামী অভেদ বলিয়া সে সময়ের জগৎ বহির্জগতের ভাব লুপ্ত হয় এবং নামের যে স্বপ্রকাশ শক্তি তাহা আপনা হইতেই ফুটিয়া উঠে।”

কীৰ্ত্তনে যেমন মার শরীরের লোকাভীত অবস্থা আসিয়া পড়িত, মার মুখে শুনিয়াছি যে জল, অগ্নি, মাটি, পশু-পক্ষী বা কোন বিশেষ দৃশ্যাদি দেখিলেও কখনো কখনো তিনি তদ্রূপ হইয়া যাইতেন। ঝটকা বাতাস দেখিলেও, কাপড়ের মত তাঁর শরীরটা উড়িয়া গিয়া বাতাসের সঙ্গে মিশিতে চাহিত। আবার কোন গম্ভীর ধ্বনি (যেমন শব্দের আওয়াজ) শুনিলে তাঁহার শরীর পাথরের মতো স্থির হইয়া যাইত। খ্রীখ্রীমায়ের খেয়ালে যখন যে কোন ভাবের খেলা আসিয়া পড়ে, আপনা হইতেই তখন তাহার অমুরূপ ক্রিয়া তাঁহার সকল দেহে সঞ্চারিত হয়ে ব্যাপকভাবে জীবন্ত হইয়া প্রকাশ পায়।

একবার ছেলেদের সঙ্গে তাহাদের হাসি-খেলায় যোগ দিয়া এমন ভাবে হাসিতে লাগিলেন যে প্রায় এক ঘণ্টা পর্যন্ত অনেক চেষ্টা করিয়াও তাঁহার হাসি থামানো যায় নাই। ২।১ মিনিট চুপ করিয়া থাকেন, আবার হাসিতে আরম্ভ করেন। একাসনে বসিয়া আছেন বটে, কিন্তু মুখ চোখের অসাধারণ ভাব। সকলে এ অবস্থা দেখিয়া ভয় পাইল। পরে ধীরে ধীরে আপনা আপনিই প্রকৃতিস্থ হইলেন।

একবার ঢাকা হইতে কলিকাতায় যাইবেন। ষ্টেশনে ছেলে, মেয়ে, স্ত্রী, পুরুষ অনেকে দর্শন করিতে আসিয়া কান্নাকাটি করিতেছেন। মা ও তাঁহাদের সঙ্গে যোগ দিয়া সর্বদা ওলট পালট করিয়া এমন কান্না জুড়িয়া দিলেন যে তাঁহাকে ধরিয়া রাখা কঠিন। ষ্টেশনে বহু লোক। অনেকে বলাবলি করিতে লাগিল যে বোধ হয় মেয়েটিকে বাপের বাড়ী হইতে লইয়া যাইতেছে; সে কান্নার বেগ বেলা ১২টা হইতে আরম্ভ করিয়া একটু একটু করিয়া কমিতে কমিতে সন্ধ্যা আসিয়া পড়িল।

একদিন আমাকে মা জিজ্ঞাসা করিলেন—“তোদের হাসি-কান্নার কেন্দ্র কোথায়?” আমি বলিলাম, যদিও হাসি কান্নার প্রবাহ মস্তিষ্ক হইতে উদ্গত হয়, তাহার কেন্দ্র হৃৎস্পন্দনে।” মা বলিলেন—“না, যে হাসি কান্নাতে প্রকৃত ভাব থাকে তাহার প্রকাশবেগ সর্বদা হ’তে ফুটে উঠবেই।”

আমি কথাটি বুঝিলাম না, চুপ করিয়া রহিলাম। কিছুদিন পরে ভোরে আশ্রমে গিয়াছি। সাক্ষাৎ হইলে মাকে জিজ্ঞাসা করিলাম--“মা, কেমন আছেন?” মা কিরূপ এক অদ্ভুত সম্মেলনের সহিত বলিয়া উঠিলেন--“খু-ব ভালো আ-ছি।” এই কথার তীব্র স্পন্দনে আমি চলিতে চলিতে থমকিয়া গেলাম, আমার মাথা হইতে পা পর্য্যন্ত সর্বত্র কি এক অদ্ভুত ছন্দে নাচিয়া উঠিল। মা তাহা দেখিয়া বলিলেন--“কেমন বুঝ্‌লি তো হাসির স্থান কোথায়? শরীরের অঙ্গবিশেষে যতক্ষণ কোন ভাব নিবদ্ধ থাকে, ততক্ষণ পূর্ণভাব বলা যায় না।”

শ্রীশ্রীমায়ের মুখেই শুনিয়াছি যখন সাধকের ঈশ্বর-ভাব একমুখী হইতে থাকে, তখন বহির্জগতের প্রতিকূল ভাব-স্পন্দন সাধকের ভাবধারায় প্রতিহত হইয়া তাহার বেদনা জন্মায়। এমন কি, এই সময় কেহ কোন পশুপক্ষী বৃক্ষলতা ইত্যাদিতে আঘাত করিলেও তাহার স্পন্দন আসিয়া সাধকের মনে বিশেষ বেদনের উদ্রেক করে। লোকের কলহ বা আনন্দ-উৎসবদির তরঙ্গ আসিয়া ঈশ্বর-যোগের একতানতায় আঘাত হানিতে থাকে।

যতক্ষণ সাধকের বহির্জগতের সংস্কার বলবান থাকে তখন তাহার মনে হয় তাহার জ্ঞানেন্দ্রিয়ের বিষয়ীভূত সবই তাহার “আমির” অন্তর্গত হইয়া পড়িয়াছে। তাই একটি গাছের পাতা পড়িলেও সে স্পন্দন চিত্তভূমিকে কাঁপাইয়া

তোলে। শ্রীশ্রীমায়ের স্বতঃস্ফূর্ত কৰ্মাদির প্রথম উন্মেষে তাঁর মধ্যেও অনুরূপ ভাবের প্রকাশের কথা শুনা গিয়াছে।

মহাভাবের পর শ্রীশ্রীমা যখন শাস্ত্রভাবে ফিরিয়া আসিতেন তখন তাঁহার শরীরে নানা প্রকার যোগক্রিয়াদি আপনা হইতেই প্রকাশ পাইত। সেই অবস্থায় তাঁহার শরীর হইতে এক অস্পষ্ট ধ্বনির গুঞ্জন প্রথমে শুনা যাইত। তাহার কিছুক্ষণ পরে ঝড়ের অশান্ত আঘাতে সমুদ্রের তরঙ্গ-প্রবাহের মতো ছন্দায়িত দেবভাষায় স্বতোদগত সত্যবাণী অপরূপ মধুরতার সহিত অনর্গল বহিয়া যাইত, মনে হইত যেন মহাব্যোম হইতে নানা রাগ-রাগিনীর অপূর্ব বন্ধার লইয়া সত্যের স্বরূপ বাণীরূপে মূর্তি পরিগ্রহ করিতেছে। এমন বিস্ময় উচ্চারণ, এমন সাবলীল ছন্দের প্রাণস্পর্শী প্রবাহ, তাঁহার মুখের এমন নির্মল-পাবন জ্যোতি পণ্ডিতেরা শত চেষ্টাতেও তপস্যায় আয়ত্ত করিতে পারিতেন কিনা সন্দেহ জাগিত।

এই সকল স্বতোৎসারিত বাণীর অর্থসম্বন্ধিতে বিদ্বৎ-মণ্ডলীও স্তম্ভিত হইয়াছেন; উহার ভাষা সকলের বোধগম্য নয় বলিয়া যথাযথ লিপি করা সম্ভব হয় নাই। এইরূপ চারিটি সূক্ত পরে দেওয়া যাইতেছে।

ইহাদের সংশোধনের জন্ত পরে মাঝে জিজ্ঞাসা করিলে মা বলিতেন,—“যদি হওয়ার হয়, সময়ে হইবে, এখন ত মনে কিছু আসে না।” পরবর্তী চারিটি সূক্তের মধ্যে একটীর অর্থ



সমাধি ভঙ্গের পরে—শ্রীশ্রী মা



কয়েকজন বৈদিক ভাষায় অভিজ্ঞ পণ্ডিতেরা মিলিয়া করিয়া-  
ছিলেন ; তাহা নিয়ে পাদটীকাকারে দেওয়া গিয়াছে ।

এই কয়েকটি সূক্তের অর্থ হইতেই প্রতীতি হইবে যে  
শ্রীশ্রীমায়ের ভাবদেহ জগতের কল্যাণ, শান্তি ও অভ্যুদয়  
উপলক্ষ করিয়া বাণীরূপে আত্মপ্রকাশ করিয়াছে । তাঁহার  
প্রাণের পরিপূত আবেগ, আর্ন্তিহরা অপরূপ করুণা-স্নিগ্ধ জননীর  
বাৎসল্য জীব-হিতের জ্ঞাত বিশ্বময় বিস্তার করিয়া তিনি যেন  
বিশ্বজননীরূপে বিরাজ করিতেছেন ।

এই সকল সূক্তের প্রসঙ্গে মার মুখে শুনিয়াছি—  
“শব্দই জগতের আদি কারণ ; নিত্য শব্দ বা সদ্বাণীর  
ক্রমবিকাশ বা বিবর্তনের সঙ্গে সঙ্গে জাগতিক সৃষ্টিরও বিবর্তন  
বা বিকাশ সমান ধারায় চলিয়াছে ।” এই সময়ে তাঁহার বাণী  
কখনো ক্ষুরধারের মতো নিশিত, তীব্র ; কখনো দিব্যশেষের সমুদ্র  
বায়ুর মতো স্নিগ্ধ ; কখনো পূর্ণিমার মধ্যরাত্রির মতো নিবিড়,  
প্রশান্তিপূর্ণ । সেই সঙ্গে সঙ্গে তাঁহার দৃষ্টি ও মুখের ভঙ্গী ভাব-  
বিকাশের অনুরূপ পরিবর্তিত হইয়া চলিয়াছে ।

কোন কোন দিন সূক্তাদি প্রকাশের সঙ্গে সঙ্গে তাঁহার  
অবিরল অশ্রুধারা, অপরূপ উজ্জল হাস্যের দীপ্তি, অথবা  
মেঘ-রৌদ্রের লুকোচুরি খেলার মতো হাসি-কান্না আসিয়া  
তাঁহার করুণাময়ী মূর্তিকে স্বর্ণীয় বিভূতি দ্বারা কতো প্রদীপ্ত,  
কতো মধুর করিয়া তুলিত ! এই সকল বাণী-প্রকাশের পর  
কখনো কখনো অনেকক্ষণ মৌনী থাকিয়া তিনি ধীরে ধীরে



প্রকৃতিস্থা হইতেন ; কোন কোন দিন নিষ্পন্দ, নিশ্চল ভাবে  
পড়িয়া থাকিতেন !\*

এহি ভাবনায়াং ভায়াং      এহি যং সং তানি তায়ং

ভাবময়াং ভবভয়াং হরং হে ।

যস্মিন্ভুহং ভাগ পোং      হং বাং হ্রীং আং হে

ভাং হাং হিং হোং হং      হ্রীং বং লং যং সং স্বং

তাদরৌ ভাগ সং বং লং হে দেব ভক্তময়াং মম হে ।

স হং হি হং যং বং বায়াং কং ভাবভক্তি.....ভাবময়াং হে ।

মহাআয়াং ভবভয়াং হরং হে ।

দৈবতং ময়াং মে সং তং হ্রীং      মন্ত্ৰম্ ভবোহয়াং

য স্তানি স্বং তারণময়াং      ভবভয়নাশং ভাবয় হে ।

স্বভাবশরণগতং প্রণবজ্ঞাসনং

ভবানীভবং ভবভয়নাশনং হে,

হরশরণাগতং... ....তায়ং

বিভাবতঃ মমায়নং হে ।

যস্তারণং তত্র স্বরূপং ময়াহি সর্বগি স্বরূপময়ানি

ময়াহি সর্বঃ ময়াহি সর্বশরণং হে ।

দাস নিত্যং...প্রণবশ্রুতকারণং

মহামায়া মহাভাবময়ময় হে ।

মম ভো ভক্তৌ তরণং মা । মম সর্বময়াং হে

\* শ্রীশ্রীমায়ের ভাবোন্মাদনায় বিহ্বলতার ছবি এই অধ্যায়ে  
সন্নিবেশিত হইল ।

যশা রুদ্ররুদ্রং প্রণবে রাং ঋং কৃতকারণং রুদ্রং নোমি ।

প্রাং বাং হাং সাং আং হিং অং

ভাবময়ং হে ... ... সংসৃষ্টঃ কেশবঃ \*

\* এই স্তোত্রে ব্যবহৃত কয়েকটি প্রচলিত বীজের প্রধান প্রধান অর্থ দেওয়া হইল :—

লং—পৃথ্বী, বিমলা, বেদার্থসার, নারায়ণ ।

যং—বায়ু, কালী, পুরুষোত্তম চামুণ্ডা, যুগান্তধ্বজন ।

বং—বরুণ, বিষ্ণু ।

ভং—হরি ।

অং—আকাশ, সর্বেশ্বর ।

আং—নারায়ণ, অনন্ত ।

সং—হংস, জগদ্বীজ, সোহং, পরমাত্মা ।

হং—পরমাত্মা, হংস, শিব ।

হৌং—প্রাসাদাখ্য শিববীজ ।

ঋং—রুদ্র, মহারৌদ্রী ।

কং—মহাকালী, কামদেব, বামুদেব, অনন্ত ।

ক্রৌং—শক্তি-বীজ, কালী-বীজ ।

হ্রৌং—তারাবীজ, ভুবনেশ্বরীবীজ, মায়াবীজ ।

ভাং—অনন্ত বিশ্বমূর্ত্তি ।

২০শে বৈশাখ ১৯৩৬ বঙ্গাব্দে শ্রীশ্রীমা আনন্দময়ী নবপ্রতিষ্ঠিত রমণাপ্রান্তরস্থ আশ্রমে ২৪ ঘণ্টাকাল অবস্থানের পর হঠাৎ ভক্তগণের নিকট হইতে বিদায়গ্রহণপূর্বক একবন্ধে বাহির হইয়া পড়েন । ঐ সময়ে ভাবাবেশে স্বভাবতঃই একটি স্তোত্র তাহার শ্রীমুখ হইতে নির্গত

( ২ )

নামঃ স্মরণং সর্বঃ ছন্দম্ !

সবিনয় ময় ভবতঃ ।

য সমেদনামং সর্ব ভূতেশী সমন্বয়েঃ

সর্বং স্বরূপে নিত্যং অনিত্যং মমঃ ।

হয় ; ঐ স্তোত্রটির কিয়দংশ আবৃত্তির পর ঐটি লিখিবার ক্ষণ তিনি ভক্তগণকে অল্পমতি দেন । কিন্তু তাঁহার আবেশজড়িত কণ্ঠ-বিনির্গত এই স্তোত্রটির অতি অল্প অংশই লিপিবদ্ধ করা হইয়াছিল, এবং যাহা লিপিবদ্ধ হইয়াছিল তাহাও যে যথাযথভাবে হইয়াছে এমন বলা যায় না । তবে তিনি এই অসম্পূর্ণ এবং লিপিকরের ভ্রম ও চ্যুতি দ্বারা অঙ্গহীন স্তোত্রটাই কীর্তনের পূর্বে যন্ত্রসংযোগে গান করিতে অল্পমতি দিয়াছিলেন । নিম্নে এই স্তোত্রটির মৰ্গাঙ্কবাদ যথা সম্ভব দেওয়া গেল ।

তুমি জ্যোতিঃস্বরূপ এবং নিখিল ভাবনায়ক ; তুমি আবির্ভূত হও । তোমা হইতে অবিরত সৃষ্টিজাল বিস্তীর্ণ হইতেছে । তুমি ভবভয়হারী, তুমি আবির্ভূত হও । তুমি অখিলবীজস্বরূপ, এবং তুমিই সেইজন্য বাহাতে আমি অবস্থান করিতেছি । এই যে আমার ভক্তগণ তাহাদের মধ্যেও তুমিই বিরাজ করিতেছ । এই যে তোমাকে প্রত্যক্ষ করিতেছি, সেই তুমি ভবভয়হরণ কর । হে সর্বদেবময়, আমা হইতেই তুমি এবং আমিই বিশ্বজগৎ । যে তারণময় এতৎসমস্তের অধিষ্ঠানতুমি সেই ভবভয়নাশকারীকে ভাবনা কর । তুমি নিত্য স্ব-স্বভাব আশ্রয় করিয়া রহিয়াছ । প্রণবজ অর্থাৎ বেদসমূহের তুমিই প্রতিষ্ঠাভূমি । তুমিই সমরসীতুত নাদবিন্দ্বায়ক কামকামেশ্বরীরূপ দিব্যমিথুন, তুমি ভবভয়নাশ কর । আমি তোমার শরণাগত, তুমিই আমার আশ্রয়, তুমি

স্বস্তবয়া নঃ সিহং, শঙ্কর সবিস্ময়ে নমঃ নঃ স্বয়ং ;  
নঃ মিব ভব সিহং সঙ্কিত মাদনে স্বয় শ্রুতি শ্রুতি,  
র বিপরনমং ভবঃ তমাং ।

মায়া বিভিত মাদনে ছরনে মে স্বহং  
ছ পিপাতনে মাতঙ্গং সাহারণং  
রঞ্জিতং শোভিতঃ মিজনে জানং  
র তিন বেত্তঃ বেদনং মিদাহনং স্বপিপ সার নমেঃ  
ছ তিন মাং স্বপিপা সনমং  
রোগ কাস্তি তিন মে স্বহং  
যঃ বিকমাতয়েঃ ।

( ৩ )

যং তারিণী যং স বে সম যৌ তিপারিতং হস্তে সংস্তে জগম্ ।  
রূপাদিত্যং করুণে রৌদ্রশ্চ রূপকারশ্চি ছন্তে নিমিত নমং ॥  
আঃ হৈঃ উঃ হং সং রং লং যং সং হং হং ঋং ক্রীং অং গং গং গং ।  
রাং রাং রাং রোন্ রোন্ রোন্ ॥ জবে দিত্যং শাস্ত শিষ্যেস্তে  
স্থানিত্যং ॥

আমাকে তোমাতে আকর্ষণ করিয়া লও । তুমি যখন তারক—তখন  
তোমার বিবিধরূপ—মোক্ষদাতা ও যুগ্মজীব । আমাচারাই সকলে  
স্বরূপময় । আমাচারাই সকল, আমাতেই সকল ভূতগণের প্রতিষ্ঠাভূমি ।  
আমিই সেই প্রণবোপদিষ্ট কারণ, আমিই একাধারে মহামাত্রা এবং  
মহাভাবময় । আমাতে যে ভক্তি তাহাই মোক্ষের হেতু । সকলই আমার ।  
যে আমা হইতে রুদ্ধের রুদ্ধ, সেই আমি কার্য্যকারণাত্মক রুদ্ধকে স্তুতি  
করি ।

রিপু কারণম্ মহামায়ে আলঙ্কিতলং গাঃ গিঃ সং স্তজস্মি ।  
 অগ্নেপিত কেতুনং আং দং পিং আঃ সঃ বিজ্রদয়ং নঃ সৌঃ  
 রিতীঃ ॥

অং শং সাং রাং রাং ... ... হ্রীং হ্রীং ধনমেদিত্যঃ অহম্  
 স্তে জগম্ ॥

আং আং ইং ... ওঁ স্তেজস্ম্য স্বর বর্গেষু শস্তি সেবতং ইত্ব  
 নিরাহারং ।

সমিদেঃ যং পুরানিতা অশ্রে পে ঋক্ ওম্ অর নিরাত্রিস্তং  
 যশমেদি

পুরাণে লভিদা দনমে দাত্তাং রক্ষক ময়া সিতং জনমে শান্তি  
 স্বরূপিণী

বিজ্ঞা ক্রান্তান্তনমে অন্নপূর্ণা সন্নিদন্তা যশ বেদা বিহ্বলাং স্বরণে  
 স্বরণাশ্রিতং ওঙ্কারস্য সমেশং যত্নান্তনমে ক্রীং রং  
 শান্তি অভবা বিভূষিতং !!!

( ৪ )

ওঁ স্বস্তি, ওঁ স্বস্তি, ওঁ স্বস্তি

শ্রদ্ধার্থনং শঙ্কট উবাচ

নৈস্ফংহ উগ্গতা নমে ।

নরোরূপ ভ্রমস্থয়েঃ

সংস্টিচং ক্রতপাঃ মহৎ ময়ায়াং

ষ্টসনা ক্রত্বং পিয়ার্ষ মেঃ । \*

---

\* যখন আমি আকুলতা ব্যাকুলতার খুব বিপর্যস্ত হইতাম সে সময়ে  
 হঠাৎ একদিন শ্রীশ্রীমাতাজীর শ্রীমুখ হইতে এ শ্লোকটি নিঃসৃত  
 হইয়াছিল। প্রত্যহ সকালে বিকালে ইহা পাঠ করিবার জন্য আমার  
 উপর আদেশ ছিল।

## যোগ-বিভূতি

মা বলিয়াছেন এমন একটা অবস্থা তাঁহার মধ্যে কয়েক দিনের জন্ত আসিয়াছিল যখন তাঁহার শরীরে শাস্ত্র-নির্দিষ্ট নানাবিধ আসন, বন্ধ, মুদ্রাদি স্বতঃস্ফুরিত হইত। এই সকল যৌগিক বিভূতি অনেক সময় লোক-দৃষ্টির অন্তরালে ঘটিত। এ সম্বন্ধে মা বলিয়াছেন—“যেমন বীজটি অঙ্কুরিত হ'বার পূর্বে উহাকে মাটি চাপা দিয়া অন্ধকারে রাখতে হয়, তদ্রূপ জীবের সাধন অবস্থায় প্রত্যক্ষ কর্মাদির পশ্চাতে অপ্রত্যক্ষরূপে অনেক পরিবর্তন সংঘটিত হ'য়ে থাকে।”

সময় সময় তাঁহার হাত, পা, শিরোদেশ এমনি বাঁকিয়া বাইত, বোধ হইত উহা যেন আর সোজা হইবে না। মা বলিয়াছেন, “কখনো কখনো আমার শরীর হ'তে এমন জ্যোতির ছটা বাহির হ'ত, তা'তে চারিদিক জ্যোতির্ময় হ'য়ে উঠত। সেই জ্যোতি ক্রমে বিশ্বময় ছড়িয়ে পড়ছে এমন মনে হ'ত।” ঐ অবস্থায় তিনি সময়ে সময়ে সর্ব শরীর কাপড় দিয়া ঢাকিয়া একান্তে গৃহকোণে পড়িয়া থাকিতেন।

এই সময়ে তাঁহার শরীর হইতে এমন এক দিব্য শক্তির স্ফূরণ হইত যে তাঁহার দৃষ্টিপাতে লোক আত্মহারা হইয়া যাইত কিংবা তাঁহার চরণাদি স্পর্শে কেহ কেহ মূর্ছিত হইয়া পড়িত।

তখন যে যে স্থানে মা বসিতেন বা শুইতেন সেই সেই স্থান আগুনের মতো গরম হইয়া থাকিত ।

ঢাকায় আমি নিজেও খ্রীশ্রীমায়ের অনেক রকম আসনাদি দেখিয়াছি। কোনো কোনো সময় আমি দেখিতে পাইতাম তাঁহার শরীরে শ্বাসের ক্রিয়া এরূপ ঘন ঘন হইত যে আশঙ্কা করিতাম পাছে না দম্ আটকাইয়া যায় ; আবার একেবারে ক্ষীণ শ্বাস বা শ্বাসশূন্যতাও দেখা যাইত। একবার কতগুলি আসনের ছবি মাকে দেখান হয় ; কয়েকটি ছবি লক্ষ্য করিয়া মা বলিয়াছিলেন যে ছবিতে উরু, শির প্রভৃতির যোজনা ঠিক মত দেখানো হয় নাই ।

বঁাহারা তাঁহার সঙ্গ-সৌভাগ্য লাভ করিয়াছেন, অনেকেই বোধ হয় দেখিয়াছেন যে এক আসনে তিনি ঘণ্টার পর ঘণ্টা অমুদ্বিগ্নে কাটাইয়া দিতেছেন ; কখনো কখনো কথা বলিতে বলিতে হঠাৎ চুপ হইয়া যাইতেন। ঘণ্টার পর ঘণ্টা শরীরের নড় চড় নাই, দৃষ্টি স্থির, শাস্ত ও স্নিগ্ধ। তাঁহার সকল অবস্থাতেই ইহা বিশেষরূপে প্রতীয়মান হয় যে তিনি যেন অন্তরে কি এক বিরাট আনন্দে অমুক্ষণ ডুবিয়া থাকিয়া শরীরের দ্বারা বাহিরের কেবল লৌকিক ব্যবহারাদি নিষ্পন্ন করিতেছেন। অনেক সময়েই দেখা গিয়াছে, শীত গ্রীষ্মাদি বোধ বা শরীরের আহার-বিহারাদি স্বাভাবিক কর্ত্ত্রে তাঁহাকে স্মরণ করাইয়া না দিলে সেই দিকে তাঁহার খেয়ালই থাকিত না। স্মরণ করাইয়া দিলেও তৎক্ষণাৎ স্বাভাবিক ভাব তাঁহার সহজে

জাগিত না। কখনো দেখিয়াছি বহুদিন একভাবে চুলিলে, কথা বলা, হাঁটা, হাসা, এমন কি পানাহারেও পর্য্যন্ত ভুল হইয়া যাইত। কেহ কেহ জিজ্ঞাসা করেন শ্রীশ্রীমায়ের কোনও বিভূতির নিদর্শন আছে কি? বাঁহার চিরকল্যাণময়ী জীবনের স্পন্দনে শুষ্কপ্রাণও মঞ্জরিত হইয়া ওঠে, বাঁহার স্বতোদগত ইচ্ছাশক্তির প্রভাবে অলক্ষ্যে অধ্যাত্মপথে জীবের চিস্তগতি নানা দিকে প্রসারিত হয়, তাঁহার কোন বিভূতির পরিচয় না দিয়া আমি তাঁহাদিগকে বলি, কিছুদিন মায়ের সঙ্গলাভ করিয়া নিজেই তাঁহার বিভূতি অনুভব করিয়া কৃতার্থ হউন।

আমি ও ৩ নিরঞ্জন\* একদিন শাহবাগ গিয়াছি। মা ও পিতাজী বসিয়া আছেন; মায়ের সামনে কতগুলি চিত্র মাটির উপর আঁকা রহিয়াছে। পিতাজী বলিলেন, তোমাদের মা ষট্চক্র আঁকিয়াছেন। মা বলিতে লাগিলেন—“আজ ছপূর বেলা হাঁটতে হাঁটতে হঠাৎ এইস্থানে আসনে বসে গেলাম। ব্রহ্মতালু হ’তে নাক বরাবর মেরুদণ্ডের শেষ পর্য্যন্ত নিজের হাতের আঙুল দিয়ে (কোথাও ৩ আঙুল, কোথাও বা ৪ আঙুল অন্তর অন্তর) মাপতে লাগলাম এবং খেয়াল হ’তে লাগল যে ঐ ঐ স্থানে এক একটি গ্রন্থি রয়েছে। আমি দেখতে লাগলাম, মূলাধার হইতে উর্দ্ধদিকে ক্রমে ক্রমে সূক্ষ্ম হ’তে সূক্ষ্মতর অনেকগুলি গ্রন্থি; তার মধ্যে মোটামুটি কয়েকটি প্রধান। সেগুলি এখানে

---

\* ইন্কাম ট্যাক্স এগিটাস্ট কমিশনার।



আঁকা গিয়েছে; আমি ইচ্ছা ক'রে আঁকি নি; আমার হাত আপনা হতে ঘুরে' গিয়ে এই সব ছবি আঁকা হয়েছে। মনে রাখিস্ এই সব গ্রন্থিতে বা নাড়ীগুলিগুলির সংযোগ-ক্ষেত্রে রূপ, রস, গন্ধ, স্পর্শ ইত্যাদি জনিত মানুষের জন্মমৃত্যুর সংস্কার আবদ্ধ রয়েছে। বায়ু ও প্রাণরস এদের ভিতর দিয়ে কোথাও দ্রুত, কোথাও বা ধীরে ধীরে সঞ্চালিত হয়ে মানুষের কৰ্ম ও ভাবের গতিকে নিয়মিত করে। যেমন পৃথিবীর উপর জল, জলের উপর তেজ, তেজের উপর বায়ু এবং বায়ুর উপর মহাব্যোম তেমনি মানুষের শরীরেও এক একটি করিয়া পাঁচটি কেন্দ্র ওতপ্রোত রয়েছে। একটু চিন্তা করিলেই বুঝতে পারবি যে যখন মনের ভাবগুলি অনাবিল ও আনন্দময় থাকে তখন প্রাণবায়ু দেহের উর্দ্ধভাগে বিচরণ করে। যেমন দেখতে পাস্ পুষ্করিণীর তলদেশে জলের আদি প্রস্রবণ, বৃক্ষের মূলদেশে প্রাণরসের আকর্ষণ কেন্দ্র, তদ্রূপ মানুষের মেরু-মজ্জার শেষ প্রান্তে জীবনী শক্তির আদি উৎস একটি মহাশক্তি স্তম্ভ ভাবে রয়েছে। শ্রদ্ধা ও ধৈর্যের বলে বাহ্য এবং আন্তর শুদ্ধক্রিয়ার স্পন্দন বায়ু দ্বারা বাহিত হইয়া যখন প্রধান প্রধান নাড়ী-কেন্দ্রগুলিকে আলোড়িত করে, তখন মূলাধারের বদ্ধশক্তি উন্মুখী হইয়া এক একটি গ্রন্থি ভেদ ক'রে যতই ক্রমশঃ উর্দ্ধে সঞ্চারিত হয়, ততই সাধকের জড়তা ও সংস্কার ক্ষীণ হ'তে থাকে। এই গ্রন্থি-ভেদের সঙ্গে সঙ্গে বহির্জগতের রূপ-রসাদির প্রতি আসক্তির সংস্কার-

গুলিও শিথিল হ'তে থাকে। এই উন্মুখী শক্তি ভ্রুকেন্দ্রে পৌঁছিলে বায়ুর গতি সর্বত্র সরল ও বিশুদ্ধ হয়ে যায় ; তখন সাধক—‘আমি কে ? জগৎ কি ? সৃষ্টি কি ?’ ইত্যাদির স্বরূপ কিছু কিছু অনুভব করতে পারে। এই অবস্থায় প্রতিষ্ঠিত হ'লে সংস্কারের মূলোচ্ছেদ হ'তে থাকে এবং উত্তরোত্তর ধ্যানাদির গতি উর্দ্ধ হইতে উর্দ্ধতর ভূমিতে আরুঢ় হয়। সর্বশেষ স্তরে উপনীত হ'লে সাধক মহাভাবে লীন হয় অর্থাৎ স্বরূপে স্থিতি লাভ করে বা সমাধি-ভূমিতে শান্তি লাভ করে। এই সব গ্রন্থি খোলবার সঙ্গে সঙ্গে প্রথম প্রথম সাধক নানা প্রকার ধ্বনি শুনতে পায়, সময়ে সময়ে তার মনে হয় এই সকল শব্দ-ঘটা-ধ্বনিবৎ শব্দ-তরঙ্গ এক বিশ্বব্যাপী মহাধ্বনির সাগরে মিশে যেতেছে ; তখন বাহিরের কোন ভাব বা বস্তু সহজে তাহার চিত্তকে আকর্ষণ করতে পারে না। সাধক যতই অগ্রসর হ'তে থাকে, ততই সে মহাধ্বনির অমৃত প্রবাহে তলিয়ে যেতে থাকে ; শেষে মহাধ্বনির অতল গভীরতায় তাঁহার চিত্ত অখণ্ড স্থিতি লাভ করে।”

শ্রীশ্রীমায়ের এই উক্তির প্রায় ২১০ বৎসরের পর Justice Woodroffe এর Serpent Power নামক বইখানিতে ঘটচক্রের ছবিগুলি মাকে দেখাইতে নিয়া গেলাম। মা সে দিকে বিশেষ লক্ষ্য না দিয়া হাসিতে হাসিতে আমাকে বলিলেন—“আমি বলি কি শোন।” তিনি প্রত্যেক চক্রে পদ্বের দলসংখ্যা, যন্ত্র, বীজ, বর্ণাদি বলিয়া বাইতে লাগিলেন। দেখিলাম মার

কথাগুলি ছবির সঙ্গে মিলিয়া গেল। মা বলিলেন—“আমি কোনও বইতে বা কারো মুখে এই সব শুনি নি; কথা-প্রসঙ্গে এই সব প্রকাশ হ’য়ে গেল।” মাকে জিজ্ঞাসা করাতে মা আরো বলিলেন,—“ছবিগুলিতে যে সব রঙ, দেখছিস, উহা বাহিরের সাজ মাত্র। আমাদের শরীরের মজ্জাদি যে বস্তুর দ্বারা গঠিত চক্রগুলিও তাই, তবে পার্থক্য এই যে বাহিরের নাভি, চোখ, কান, হাতের রেখা ইত্যাদির যেক্রপ বিশিষ্টতা, সেরূপ চক্রগুলির গঠনও বিভিন্ন; বায়ুর গতি ও প্রাণশক্তিজনিত রসপ্রবাহের দ্বারা নানা বর্ণের খেলা ও বীজাদির মূর্তি ও ধ্বনি তথায় লক্ষিত হয়। শ্বাস-প্রশ্বাসের গতির সঙ্গে সঙ্গে যখন প্রথম প্রথম বীজাদি বাহির হ’ত তখন খেয়ালে আসত,—এ সব কি? অমনি আপন মুখ দিয়ে প্রত্যেকটির সম্বন্ধে জবাব বের হতো এবং পরিষ্কার প্রত্যক্ষ করতাম যে কোন কোন স্থানে কি কি রয়েছে। সে সময়ে প্রতি চক্রের রচনা-বৈচিত্র্য তোর ঐ সব ছবির মত দেখতে পেতাম। উপাসনা, পূজা, কীর্তন, ধ্যান, তত্ত্ববিচার ও যোগাদি ক্রিয়া ঐকান্তিকতার সঙ্গে চলতে থাকলে আপনা হ’তেই চিন্তাশুদ্ধি ও ভাবশুদ্ধি হয়ে গ্রন্থিগুলি খুলে যায়। অন্তথা জীব কামক্রোধাদির ঘূর্ণি হতে সহজে উদ্ধার পেতে পারে না।”

একদিন মা সমবেত জনমণ্ডলীকে সঙ্গে নিয়ে ঢাকা সিদ্বেশ্বরী আসনে গেলেন। ঐ স্থানটি তখন উপেক্ষিত ছিল। সেখানে

এক বিষত উচু ও সওয়া হাত দৈর্ঘ্য ও প্রস্থ বিশিষ্ট চতুষ্কোণ একটি বেদী ছিল। মা তাহার উপর আসনস্থা হইলেন। ভক্তেরা চারিদিকে আপন আপন ভাবে বসিয়া রহিয়াছেন। ইতিমধ্যে দেখা গেল যে মা আসনের স্বল্প জায়গাটুকুর মধ্যে শরীর এরূপ সঙ্কুচিত করিয়া নিলেন যে সকলের মনে হইতে লাগিল, আসনের উপর কেবল মায়ের পরিধেয় বস্ত্রখানিই পড়িয়া আছে। মাকে দেখাই যাইতেছিল না। সবাই উদ্গ্রীব হইয়া রহিল, পরে কি হয়? ক্রমে ক্রমে একটু একটু নড়াচড়া দেখা যাইতে লাগিল এবং আন্তে আন্তে বেদীর উপর মা সোজা হইয়া বসিলেন। প্রায় আধঘণ্টা পর্য্যন্ত অপলক দৃষ্টিতে উর্দ্ধপানে চাহিয়া, বসিয়া উঠিলেন—“তোমাদের কর্মের জন্য এ শরীর তোমরাই নিয়ে এসেছে।”

মা বলেন,—“কাগজের ঘুড়ি যেমন একমাত্র সূতার আশ্রয়ে বাতাসে উড়ে, তেমনই যোগিরা শরীরে শ্বাসের ও সংস্কারের সূত্র ধরে শূণ্ণে উঠা, সূক্ষ্ম হওয়া, বৃহৎ হওয়া, অদৃশ্য হওয়া ইত্যাদি অনেক রকম খেলা করতে পারে।” শুনিয়াছি স্বপ্নেও কেহ মার মুখ হইতে মন্ত্র পাইয়াছেন, কেহ বা মন্ত্রের সঙ্গে ফুলও পাইয়াছেন এবং জাগ্রত হইয়া তাহা দেখিয়াছেন। অথচ কাহাকেও দীক্ষা দিতে মাকে দেখা যায় নাই। অনেকের মুখে শুনিয়াছি মা হয়তঃ ঢাকা কি অল্পত্র

রহিয়াছেন, তাঁহারা বহুদূরে নিজের বাড়ীতে হঠাৎ অল্প সময়ের জন্য মার প্রত্যক্ষ দর্শন পাইয়া চমকিয়া উঠিয়াছেন।

আমার উৎকট রোগের সময় মা কয়েক মাস উত্তর-পশ্চিমাঞ্চলে ছিলেন। ঢাকা ফিরিয়া আসিলে একদিন আমাকে বলিলেন—“আমি দুইদিন মধ্যরাত্ৰিতে তোর ঘরে এ ছয়ার দিয়ে এসে ঐ ছয়ার দিয়ে বাহির হয়ে গেছি, তখন তুই রোগে খুব কাতর ছিলি।” আমার রোগের আতিশয্য হইলে ডাক্তারকে রাত্ৰিতেও ডাকা হইত। খরচের খাতা মিলাইয়া দেখা গেল যে মায়ের নির্দিষ্ট দুই রাত্ৰিই ডাক্তার আসিয়াছিল। এরূপ ঘটনাও ঘটিয়াছে যে বহুলোক বসিয়া আছে, তিনি সকলের চোখের সামনে দিয়া যাওয়া আসা করিলেন, অথচ তাঁহার শরীর কেহই দেখিতে পাইল না। মা বলেন—“আমি ভো, ভোদের সঙ্গে সঙ্গেই আছি, ভোরা দেখতে চাননা, আমি করব কি ? ভোরা জেনে রাখ, ভোরা কি করিস, নিকটেই বা দূরেই হউক, যে কোন সময়ে একটি দৃষ্টি ভোদের উপর সর্বদা জাগ্রত রয়েছে।”

একবার গোয়ালন্দ ষ্টেশনে মা গাড়ীতে উঠিবেন। প্লাটফর্ম হইতে গাড়ীর দরজা অনেক উঁচুতে। অনেকদিন হইতে মার ডান হাত অবশ ছিল। মার আদেশে ব্রহ্মচারিণী গুরুপ্রিয়া মার বাম হাত ধরিয়া মাকে গাড়ীতে টানিয়া তুলিলেন; তিনি বলিলেন—“আমার বোধ হ’ল, আমি যেন একটি ছোট

শিশুকে টেনে তুললাম।” আবার কোন কোন সময় মাকে খুব ভারি হইতেও দেখা গিয়াছে।

মা বলেন,—ভাঁহার চলা বসা সবই সমান, তিনি সকল সময়েই জাগ্রত। ইহা খুব সত্য। কেননা দেখা গিয়াছে যে কোনদিন শয্যাভ্যাগ করিয়া বলিয়া উঠিলেন, “আমি এইমাত্র ঐ স্থান হ’তে আসলাম, সেখানে এই ঘটনা ঘটেছে।” পরে তাহা সত্য বলিয়া প্রমাণ পাওয়া গিয়াছে।

আমি অনেক সময় বিহ্যৎ রেখার মত হঠাৎ একটি আলো বা ছায়ামূর্তির মতো মাকে আমার নিকটে দেখিতে পাইতাম। কখনো কখনো সেই ছায়াদেহ ঘনীভূত হইয়া নানারূপে খেলা করিত; অনেক সময় সেগুলি সত্যে পরিণত হইত।

১৯৩০ খৃষ্টাব্দের শেষভাগে মা ঢাকা হইতে প্রায় ৩০০ মাইল দূরে কল্লবাজারে ছিলেন। আমি ঢাকাতে ভোরে বিছানায় তাঁর চিন্তায় বসিয়া আছি। দেখি কানের কাছে খুব আন্তে আন্তে আওয়াজ আসিল,—“শীঘ্র আশ্রমে মন্দিরের ব্যবস্থা কর।”

শুনিবামাত্রই আমি চমকিয়া উঠিলাম। আমি জানিতাম মা সোজামুজি কাহাকেও কিছু আদেশ করেন না, তবে মনে হইতে লাগিল, এরূপ আদেশ মার ব্যতীত আর কার হইতে পারে? কিন্তু তাহা হইলেও ইহা এত অস্পষ্ট কেন? কল্লবাজারে পত্র লিখিয়া জানিলাম মা কয়েকদিন যাবৎ মৌনী ছিলেন; উক্তদিন প্রাতে ৮ টার সময় ভাঁহার কথা খুলিয়াছে।

পরে মা ঢাকা আসিলে জানিলাম যে সেদিন খুব ভোরেই মার কথা খুলিয়াছিল; কিন্তু কেহ স্পষ্ট বুঝিতে পারে নাই। বাস্তবিক মন্দির নির্মাণের আয়োজন তখন হইতেই আরম্ভ হয়।

মৃত সাধুপুরুষদের এবং অগ্ণাত অনেকের আত্মা শ্রীশ্রীমা প্রায়ই দেখিতে পান বলেন, এবং ইহাও বলেন ‘এই ত আমার সম্মুখে তোরা যেমন বসে আছিস, অশরীরী অনেকে এখানে তেমনিই রয়েছেন।’

মা বলেন, “কোন্ রোগের কি মূর্তি আমি দেখতে পাই। এ শরীরে তারা যখন আসতে চায়, আমি কোন বাধা দিই না। যখন এক আমিই সব, তখন ত্যাগ বা গ্রহণ কোথায়? তোদের নিয়েই আমার যেমন আনন্দ, তাদের সঙ্গেও তেমনি জানিস্।”

১৯২৯ খৃষ্টাব্দে মে মাসে শ্রীশ্রীমা ঢাকা ছাড়িয়া আসেন, কিন্তু নানা কারণে তাঁহার স্বাধীন ভাবে পরিক্রমার পথে বিঘ্ন ঘটে। আগষ্ট মাসে ঢাকা ফিরিয়া আসিলে, একদিন জ্বর দেখা দিল। শরীরের নানারকম অস্বাভাবিক ক্রিয়া হইতে লাগিল। মা আদেশ দিলেন যে শরীরের স্বতঃস্ফূর্তিত্ত বিবিধ গতি অনুসারে একে উঠাও, বসাও এবং শোয়াও। প্রায় এক ঘণ্টা ধরিয়া সেরূপ করা হইয়াছিল। মা বলিয়াছিলেন, ঐ সকল শারীরিক ক্রিয়াগুলি সবই যৌগিক ক্রিয়া ছিল। এ সব দেখিয়া সকলের শঙ্কা হইয়াছিল, পাছে মা

লীলা সম্বরণ করেন। পরে দেখা গিয়াছিল তাঁর সর্বান্ন অবশ, উঠিতে বসিতে কেউ না ধরিলে অঙ্গ প্রত্যঙ্গাদি ঢলিয়া পড়িয়া যায়। সঙ্গে সঙ্গে জ্বর, শোথ, উদরাময়, রক্তদাস্ত, রক্ত প্রস্রাব ইত্যাদি নানা উপসর্গও ছিল। এ ভাবে কিছু দিন গেলে ব্রহ্মচারিণী গুরুপ্রিয়া সকাতরে নিবেদন করিলেন—“মা, তোমার শরীর তো আর চালাতে পারিনে, কৃপা কর।” ইহার পর শরীরের অবশ ভাবের পরিবর্তন হইল, কিন্তু জ্বর তেমনই রহিল। মার আদেশ মত ৫৬ দিন ধরিয়া প্রত্যহ বেলা ১১টা হইতে ৫টা পর্য্যন্ত ৬০৭০ বালতি জল মাথার উপর ঢালা হইত; তবুও জ্বরের তাপ কমে না। ঔষধাদি কিছুই ব্যবহার করেন না। একদিন বিকালে ঢাকার এক বিশিষ্ট কবিরাজ মাকে দেখিয়া বলিলেন,—“আমাদের নিদান মাহুষের রোগের কথা বলে; ইহাদের সবই স্বতন্ত্র।” এত দীর্ঘ দিন একরূপভাবে শয্যাগতা দেখিয়া সকলেই কঁাদ-কঁাদ হইয়া সুস্থ হইবার জন্য মাকে কাতরতা জানাইতে লাগিল। তার পরদিন ভোরেই মা বলিলেন—“ভাতের যোগাড় কর।” যিনি শরীরের শোথাদি ও জ্বরের বেগে নিশ্চল হইয়া প্রায় ১৭১৮ দিন যাবৎ শয্যায় পড়িয়া আছেন, তিনি স্বয়ংই তাঁহার অন্ন পথ্যের ব্যবস্থা করিতেছেন দেখিয়া সকলে অবাক। যা’ হোক, আদেশানুযায়ী ডাল, ভাত, তরকারি তৈয়ার করা হইল; ৩৪ জন চারিদিকে ধরিয়া মাকে বসাইয়া পথ্য করাইল;



কিছু কিছু সবই খাইলেন। অরের পর এরূপ অন্নপথ্য দেখিয়া অনেকেই ভয় পাইয়াছিল। কিন্তু ইহার পর হইতে দিনে দিনে তিনি সুস্থ হইতে লাগিলেন।

এইরূপ শরীরের বিকৃতির প্রসঙ্গে মা বলিয়াছিলেন, —“কোথাও আমার কোন সহজাত কৰ্ম্মে এ শরীরটা বাধা পেয়েছিল; তাই বাধার ফলটা কি রকম হ’তে পারে তাহা তোদের বুঝাবার জন্য ইহার নানা যন্ত্রাদির বিকার দেখেছি। যদি সত্য সত্যই রোগ হতো, তা’ হ’লে এ শরীরটি একেবারে জড়বৎ হয়ে পড়ত, না হয় প্রাণবায়ু এ শরীর ছেড়ে যেতো।

“শয্যায় শায়িত অবস্থায় আমার কোন অসুখ-অসুবিধার বোধ ছিল না। সুস্থাবস্থায় যেমন থাকি বিছানায় প’ড়ে, তেমনই ছিলাম। আমার শরীরের বিকারে ও তোদের সকলের ছুটাছুটি, ব্যতিব্যস্ততার মধ্যে আমার বোধ হ’ত যেন এও এক আনন্দের অপূৰ্ব্ব কীর্ত্তন জমেছে।”

শ্রীশ্রীমায়ের কার্য্যাদিতে প্রতিপন্ন হয় যেন প্রকৃতি তাঁহার করায়ত্ত হইয়া তাঁহার ইচ্ছার অনুকূলেই চালিত হয়। ইহাতে মনে হয় তাঁহার ইচ্ছাময়ী শক্তির স্বাভাবিক স্ফুরণের দিকে লক্ষ্য করিয়া চলিলে, আমাদের ব্যক্তিগত ইচ্ছা অনিচ্ছার স্বন্দেহ তরঙ্গ না তুলিয়া তাঁহার আদেশ অকুণ্ঠিত চিন্তে প্রতিপালন করিলে, শ্রীশ্রীমায়ের বিশ্বময়ী ইচ্ছাশক্তির অপক্লপ সৌন্দর্য্যের খেলায় আমরা কত যে

আনন্দ পাইতাম, এবং উন্নত হইবার কত যে সুযোগ আমাদের অদৃষ্টে ঘটিত তাহার সীমা নাই। ছেলেবেলায় আমরা নিজের খেলালে যেমন পুতুল নিয়ে খেলিয়া, বালি-কাদার ঘর রচনা করিয়া সাময়িক আনন্দলাভের পর আবার নিত্য নূতন খেলায় মত্ত হইয়াছি, তেমনি এখনও মাকে নিয়ে অনুরূপ খেলায় মাতিয়া রহিয়াছি,—এরূপ আশঙ্কা আমার মনের মধ্যে সময় সময় উদয় হয়।

বিদ্যাচল আশ্রমে \* কথাপ্রসঙ্গে শ্রীশ্রীমা একদিন ব্রহ্মচারী শ্রীমান "কমলাকান্তকে বলিয়াছেন—“এতদিনেও আমি যে কি চাই কেহ বুঝল না। বুঝলে ‘তুমি কি চাও বা আপনি কি চান’ এ কথা উঠে না। যা’ক, যার যতটুকু বুঝবার, ততটুকুই সে বুঝবে। বুঝতে হ’লে সেখানে আত্মসন্মান, বশ, প্রতিষ্ঠা, রাগ, দুঃখ, অভিমান, ‘আমি করি’ এই বোধ ও স্বাধীন ভাব একেবারেই পরিত্যাগ করতে হয়।”

যদি আমরা নীরবে তাঁহার বাণী অনুসরণ করিয়া, তাঁহার জীবন্ত প্রভাবে প্রাণের ক্ষেত্র নির্মল করিয়া তুলিতে

---

\* বিদ্যাচল অষ্টভূজা পাহাড়ের উপর মারের একটি আশ্রম আছে। পূজ্যপাদ স্বামী অখণ্ডানন্দ এবং তুরীয়ানন্দের যন্ত্রে ও অর্ধাঙ্গকুল্যে উহা প্রতিষ্ঠিত। সেখানে সম্প্রতি অখণ্ড অগ্নিরকার ভক্ত বঙ্গভূগের ব্যবস্থা হইয়াছে।

পারিতাম, হয়তো আমাদের মধ্যে এই পরমা মাতৃশক্তির চিন্ময়ী বিলাসলীলা দেখিবার সুযোগ পাইয়া আমরাও ধন্য হইতাম, জগৎও ধন্য হইত।

একদিন রমণার মাঠে বেড়াইতে বেড়াইতে দেখিলাম মা আর কোন কথাই কহিতেছেন না। তখন জানিলাম মার মোন ভাব জাগিয়াছে। কতক্ষণ ঘুরিয়া ফিরিয়া মা ফিরিয়া আসিলেন। প্রায় ৮।১০ দিন পর্য্যন্ত নির্বাক ছিলেন। এ সময় ইশারা, ঈঙ্গিত, হাসি প্রভৃতি সকল বাক্য-চেষ্টাও স্থগিত হইয়াছিল। আপন মনে, আপন ভাবে বসিয়া থাকিতেন, কেহ কোন-কথা বলিলে সে দিকে তাঁহার দৃষ্টি বা মনোনিবেশ ঘটিত না। তাঁহাকে একটি বুদ্ধ-প্রতিমার মত দেখাইত। খাওয়ার সময় যতটুকু দরকার হাঁ করিয়া গ্রহণ করিতেন, তারপর মুখ বুজিয়া যাইত। মৌনাবস্থার কয়টি দিন বোধ হইতেছিল যেন বহির্জগতের সহিত তাঁহার সকল সম্বন্ধ বিচ্ছিন্ন হইয়া গিয়াছে। ৮।১০ দিন পরে অস্পষ্টভাবে ছ'একটি কথা বাহির হইতে লাগিল। তখন দেখিয়া মনে হইতে লাগিল যেন মা নিজের বাক্যস্রাবাদি ও শরীরের ব্যবহার নূতন ভাবে আবার শিখিতেছেন। একরূপে তিনদিন যাইবার পর কথার স্বাভাবিক অবস্থায় আসে। মার এইরূপ অবস্থা আমি ২।৩ বার দেখিবার সৌভাগ্য লাভ করিয়াছি। সে সময়কার জড়বৎ প্রশান্ত মূর্তি, সৌম্য দৃষ্টি ও উজ্জল

মুখশ্রী দেখিলে ভক্তিশ্রদ্ধায় হৃদয় বিগলিত হইয়া যাইত।  
অনিমেষ দৃষ্টিতে বহুক্ষণ দেখিলেও প্রাণে তৃপ্তি আসিত  
না। মা যখন প্রথম অবস্থায় ক্রমাগত তিন বৎসর  
মৌনী ছিলেন, তখন অনেকে তাঁহাকে হঠাৎ দেখিয়া  
বোবা মনে করিয়া ছুঃখ করিতেন, আর বলিতেন—“বিধাতার  
কি বিচার! এতো সকল গুণ দিয়াও এমন স্তন্দরী বোটিকে  
বোবা বানাইয়াছেন।”

মা বলেন—“মৌনী হবি তো। মন-প্রাণকে একসঙ্গে  
একচিন্তায় ঘনীভূত করিয়া ভিতরে বাহিরে পাথরের মত  
হয়ে যা’। যদি কেবল বাক্‌সংযম করতে চাস, সে  
অতল্ল কথা।”


## সমাধি-ভাব

সাধনার চরম অবস্থা কিরূপ তাহা জানিতে চাহিলে  
শ্রীশ্রীমা বিভিন্ন স্তরের সাধন অবস্থার কয়েকটি কথা বলিয়া  
ছিলেন :—

চিন্তা-সমাধান কতকটা শুষ্ক কাষ্ঠে আগুন জ্বালানোর মত ।  
ভিজা কাঠ হইতে জল শুকাইয়া গেলে যেমন ধক্ ধক্ করিয়া  
আগুন জ্বলিতে থাকে, তদ্রূপ উপাসনার ঐকান্তিকতায় বাসনা-  
কামনার রস যখন চিন্তা হইতে কমিয়া যায়, তখন চিন্তা হালকা  
হইয়া পড়ে । সেই অবস্থাকে চিন্তা-সমাধান বা ভাবশুদ্ধি  
বলে । এরূপ অবস্থায় কহারো ভাবোন্মাদনা ( বিহ্বলতা,  
আবেশ প্রভৃতি ) জন্মে । এক পরমার্থ সত্যের আশ্রয়ে ইহা  
বিশেষ বিশেষ ভাবাবেগ উপলক্ষ করিয়া উদ্ভিত হয় ।

ইহার পরের ভূমি ভাব-সমাধান । যেমন পোড়ানো  
কাঠকয়লা ; একই সত্যের এক অখণ্ড ভাবের তন্ময়তায় শরীর  
অবশ হইয়া পড়িয়া থাকে ।

ঘণ্টার পর ঘণ্টা সাধক জড়ভাবে কাটাইয়া দেয় অথচ  
অন্তরের গুহায় ভাবপ্রবাহ অক্ষুণ্ণ চলিতে থাকে । ইহার  
পরিণত অবস্থায় কখনো কখনো এক সত্যের আশ্রয়ে একটি  
অখণ্ড ভাবের তরঙ্গ ভিতর বাহির একাকার করিয়া খেলিতে  
থাকে । ইহাকে ভাব-সমাধান বলে । যেমন একটি আধারে



সমাস্থির আবেশে—শ্রীশ্রী মা



আয়তনের অধিক জল ঢালিতে গেলে তাহা পূর্ণ হইয়া অতিরিক্ত জল উপচাইয়া পড়িয়া যায়, তেমনি এক অখণ্ড ভাবের ছোতনায় চিস্ত ছাপিয়া তাহার ভাবাবেগ বিশ্বময় বিরাট স্বরূপে বিগলিত হইয়া পড়ে।

তৃতীয় ভূমিকার নাম ব্যক্ত-সমাধান। যেমন জ্বলন্ত কয়লাগুলি। ভিতরে বাহিরে একাকার অগ্নিদীপ্তি। জীব এই অবস্থায় এক সত্ত্বাতে স্থির ভাবে বিরাজ করে।

পূর্ণ-সমাধান অবস্থায় সাধকের সগুণ নিগুণের দ্বন্দ্ব চলিয়া যায়।

যেমন জ্বলন্ত কয়লার ভস্মের আগুন। সাধক এই অবস্থায় এক অনির্বচনীয় ভাবে স্থির হইয়া যায়। অন্তরে বাহিরে কোনও ভেদাভেদ থাকেনা,—“শাস্তং শিবমবৈভূতম্” অবস্থা। সকল ভাবের স্পন্দন এই অবস্থায় অন্তমিত হইয়া পড়ে।

ত্রীত্রীমায়ের সমাধিভাব এক অপূর্ব দৃশ্য। সৌভাগ্য বশতঃ সেই অবস্থা আমি অনেকবার দেখিয়াছি। এই স্থলে কয়েকটি দৃশ্যের কথা এখানে উল্লেখ করিতেছি।

কোনদিন হয়ত চলাফেরা করিতে করিতে, অতর্কিতে বা অনবহিতভাবে ঘরে আসিয়া বসিতেই, মা হাসিয়া হাসিয়া কাহারো সহিত কোন একটি কথা বলিতে বলিতে তাঁর দৃষ্টি স্থির হইয়া যাইত, এবং লোকাভীত ভাবে সর্বদা শিথিল হইয়া পড়িত ; তিনি তখন চলিয়া পড়িয়া যাইতেন।

তখন দেখা যাইত, পশ্চিমাকাশে অন্তগামী সূর্য্যের মতো



তাঁহার লৌকিক ভাব ও ব্যবহারাদি তিল তিল করিয়া কোথায় যেন অবসিত হইয়া যাইতেছে। ইহার পর দেখা যাইত, শ্বাসের গতি যুহু হইয়া পড়িতেছে, কখনো বা একেবারে স্থগিত হইয়া গিয়াছে, বাকরোধ হইয়া গিয়াছে, চোখ নিম্নলিখিত। সর্বদা শীতল হইয়া পড়িয়াছে; কোন কোন দিন হাত পা কাঠের মত শক্ত, কখনো বা অঙ্গ প্রত্যঙ্গ কাপড়ের মত শিথিল, যে দিকেই ফিরানো যাইতেছে সেদিকেই চলিয়া পড়িয়া যাইতেছে।

মুখখানি প্রাণরসে রক্তাভ হইয়া উঠিত; গগুদ্বয় দিব্য আনন্দের জ্যোতিতে সমুজ্জ্বল;—ললাটে এক বিমল প্রশান্ত স্নিগ্ধতা। দেহের সকল চেষ্টা তখন স্থগিত অথচ সর্ব শরীরে লোপকূপ দিয়া যেন অপূর্ব দীপ্তি ফুরিত হইতেছে। এই সময় সকলে মনে করিত—মা সমাধির গভীরতায় ক্রমশঃ ডুবিয়া যাইতেছেন! এইভাবে ১০।১২ ঘণ্টা কাটিয়া গেলে তাঁহাকে জাগাইবার জন্য নানা চেষ্টা চলিত। কিন্তু সে চেষ্টায় বিশেষ কোন ফল হইত না।

আমি নিজেও মাকে জাগরিত করিবার জন্য বহুবার চেষ্টা করিয়া ব্যর্থ হইয়াছি। হাতে ও পদতলে জোরে ঘর্ষণ করিয়া, আঘাত এবং ক্ষত করিয়াও কোন সাড়া পাইতে পারি নাই। সংজ্ঞা হইবার সময় হইলে আপনা আপনিই সংজ্ঞা ধীরে ধীরে ফিরিয়া আসিত। বাহিরের ব্যাপারের উপর তাহা নির্ভর করিত না।

যখন মা সংসারের জ্ঞানভূমিতে ফিরিয়া আসিতেন, শ্বাসের গতি আরম্ভ হইত ; শ্বাস ক্রমশঃ দীর্ঘ হইয়া উঠিত ; সঙ্গে সঙ্গে অঙ্গপ্রত্যঙ্গাদির সঞ্চালন ধীরে ধীরে শুরু হইত । একটু পরেই কোন কোন দিন আবার যেন অবশ, অসাড়া হইয়া পড়িতেন ; শরীর যেন জমিয়া গিয়া পূর্বাবস্থায় যাইতে চাহিতেছে । চোখ খুলিলে অপলক দৃষ্টিতে অনেকক্ষণ তাকাইয়া থাকিতেন, আবার চোখ আপনা হইতেই বুজিয়া যাইত ।

যখন সংজ্ঞা হওয়ার ধারাবাহিক লক্ষণাদি প্রকাশ পাইত তখন তাঁহাকে তুলিয়া ধরিয়া বসানো হইত, ডাকিয়া বাক্-ক্ষুণ্ণ করাইবার চেষ্টা চলিত । এই অবস্থাতেও সময় সময় দেখা যাইত, তিনি বহির্জগতের আস্থানে একটু সাড়া দিয়া আবার অন্তর্জগতে লীন হইয়া পড়িতেছেন । তখন প্রকৃতিস্থা হইতে তাঁহার বহুসময় লাগিত । শরীর খুব ধীরে ধীরে স্বাভাবিক অবস্থায় ফিরিত ।

একবার এমনও দেখিয়াছি সমাধির পরে তাঁহাকে অতি কষ্টে হাঁটানো হইয়াছে । সামান্য কিছু আহালাদি করাইবার পর সংজ্ঞাহীন অবস্থায় ঘণ্টার পর ঘণ্টা পড়িয়া রহিয়াছেন ।

সমাধির পর স্বাভাবিক অবস্থায় আসিলেও সর্বদা আনন্দের বিশেষ প্রকাশ দেখা যাইত । সংজ্ঞালাভের প্রাক্কালে, কখনো হাসিতেন, কখনো কাঁদিতেন, কখনো বা যুগপৎ হাসি-কান্না দেখা দিত । কখনো বা মৌন প্রসন্নতায় ভরপুর থাকিতেন ।

সমাধি অবস্থায় কোন কোন সময় মায়ের মুখখানি মৃতবৎ শীর্ণ, এবং শরীর দুর্বল দেখা যাইত এবং মূর্তিতে আনন্দ-নিরানন্দের কোন বহিঃপ্রকাশ থাকিত না। সে সকলদিনে দেখা গিয়াছে সমাধিভঙ্গ হইতে এবং শরীরের স্বাভাবিক অবস্থা ফিরিয়া আসিতে অনেক সময় লাগিয়াছে। ১৯৩০ খৃষ্টাব্দে রম্ণা আশ্রমে আসিবার পরে সমাধিতে এরূপ মৃতবৎ অবস্থা অনেক সময় দেখা দিত; এক একবার সমাধিতে ৩৫ দিনও কাটিয়া যাইত। সমাধি আরম্ভ হইতে শেষ পর্য্যন্ত প্রাণের কোন লক্ষণই দেহে দেখা যাইত না এবং এরূপ মৃতকল্প দেহে প্রাণের সঞ্চার হইতে পারে ইহা কেহ ধারণাও করিতে পারিত না। দেহ শীতল হইয়া যাইত এবং প্রকৃতিস্থ হইবার বহুক্ষণ পরেও শরীর শীতল থাকিত।

সমাধিভঙ্গের পরে আভ্যন্তরীণ অবস্থা সম্বন্ধে মাকে কোন কোন দিন জিজ্ঞাসা করিলে মা বলিতেন,—“সর্বপ্রকার কৰ্ম্ম ও ভাবের পূর্ণ সমাধানের নাম সমাধি,—জ্ঞান, অজ্ঞানের অতীত অবস্থা। তোমরা যাকে সবিকল্প বল, তাও ঐ শেষ অবস্থায় পৌঁছিবার জন্ম; উহাও সাধনা জানিবে। প্রথমতঃ রূপ, রস, গন্ধ, স্পর্শ, শব্দাদি পঞ্চতন্মাত্রের যে কোন একটি তত্ত্ব, বস্তু বা বিচার উপলক্ষ হ’য়ে দাঁড়ায়, সেইটিকে নিয়েই দেহটি জন্মিয়া যায়। তারপর এই লক্ষ্যটি সর্বময় হইয়া ‘অহং’ জ্ঞানকে ক্রমশঃ একে লয় করিয়া একই সত্যায় প্রতিষ্ঠিত করে। এরূপ অবস্থা যখন উৎকর্ষ লাভ করে, তখন ইহার

শেষ পরিণতিতে সেই এক সত্ত্বাটিও কোথায় বিলীন হ'য়ে যায় ; তখন কি থাকে বা না থাকে তাহা বুঝাবার কোন ভাষা বা অনুভূতি আর থাকে না ।”

কোন কোন সময় কোনও প্রত্যক্ষ কারণ ব্যতীত মার শরীরে অপ্রাকৃত নানা লক্ষণ প্রকাশ পাইত। কখনো দীর্ঘশ্বাস বহিত, সমস্ত শরীর মোড়ামোড়ি দিত, শরীর ক্রমে ক্রমে এদিক ওদিক বাঁকিয়া বাঁকিয়া যাইত ; সে সময় হয়তো শুইয়া পড়িতেন, কখনো কখনো হাত-পা-মাথা গুটাইয়া কুণ্ডলী পাকাইয়া থাকিতেন। সে সময় সংজ্ঞা থাকিত ; কিছু প্রশ্ন করিলে ধীরে ধীরে আবেশ জড়িতকণ্ঠে ছ'একটি কথা বলিতেন।

এই অবস্থার কথা মাকে জিজ্ঞাসা করিয়া জানা গিয়াছে, যে—তাঁহার মূল্যধার হইতে সহস্রার পর্য্যন্ত মেরুদণ্ডের ভিতর দিয়া এক সূক্ষ্ম প্রাণপ্রবাহ তিনি অনুভব করিতেন ; সেই সঙ্গে সঙ্গেই সর্বদা এমন কি রোমকূপে পর্য্যন্ত এক অনির্বচনীয় অপূর্ব ভাবের সন্বেগ বোধ করিতেন এবং মহানন্দের খেলায় শরীরের প্রতিটি অণুপরমাণু যেন নৃত্যশীল হইয়া উঠিত। যাহা দেখিতেন, যাহা স্পর্শ করিতেন, সবই নিজের এক অবিচ্ছিন্ন সত্ত্বা বলিয়া তাঁহার বোধ হইত। শরীরের আর স্বতন্ত্র কোন ব্যবহার থাকিত না।

এই সময়ে মেরুদণ্ড ভালরূপে ঘর্ষণ করিয়া দিলে এবং দেহগ্রন্থিগুলি টিপিয়া দিলে কিয়ৎক্ষণ চুপ করিয়া থাকিয়া

স্বাভাবিক ভাবে ফিরিয়া আসিতেন। এই অবস্থায় মা মুর্ছিমতী আনন্দরূপিণীরূপে প্রকাশিতা হইতেন, এবং তাঁহার কথায়, দৃষ্টিতে, ব্যবহারে প্রেমবিগলিত ভাবের স্ফোতনা জন্ম জন্ম করিত।

সাধারণ অবস্থার ভিতরেও কোন কোন দিন এমন দেখা গিয়াছে যে মা শুইয়া শুইয়া কথা বলিতেছেন, হাসিতেছেন; কিন্তু হাত পা খুব ঠাণ্ডা, হাতপায়ের নখগুলি নীল হইয়া গিয়াছে, অনেকে মিলিয়া হাত পা ঘষিতে ঘষিতেও হাত পায়ের কঠিন ভাব কমাইতে পারে নাই; যাহারা হাত পা টিপিয়া দিতেছিল তাহাদের হাত ঠাণ্ডা হইয়া গিয়াছিল। একদিন এই অবস্থার পরে স্বাভাবিক অবস্থায় ফিরিয়া আসিতে ১২ ঘণ্টা লাগে।

একদিন আশ্রমে সন্ধ্যা হইতেই মা সমাধিস্থা হইয়া পড়িয়া রহিয়াছেন। দিদিমা (মায়ের মাতৃদেবী) মার পাশে ঘরের মধ্যে শায়িতা। পিতাজীও ঘরের মধ্যে ছিলেন। রাত্রি তখন ২টা; আমি বারান্দায় বসিয়া মার চরণচিন্তা করিতেছি। হঠাৎ যেন প্রাণের ভিতর মার চলার ইঙ্গিত পাইলাম। কিন্তু চোখ মেলিতেই কিছু দেখিতে পাইলাম না। ঘরের ভিতরে কি যেন এক শব্দ হইল শুনিতে পাইলাম। আমি উঠিয়া যাইতে লণ্ঠনের আলোয় ঘরের ছয়দিক মার ছোট ছোট ছুটি জলসিক্ত পায়ের ছাপ রহিয়াছে দেখিলাম।

ভিতরে গিয়া দেখি মা পূর্ববৎ শয্যায় শায়িতা ; দিদি-  
মাকে জিজ্ঞাসা করিলাম, মা বাহিরে গিয়াছিলেন কিনা।  
তিনি বলিলেন—“না, তোমার মা বাহিরে যান নাই।”  
রাত্রি কাটিয়া গেল। পরদিন প্রাতে কিয়ৎক্ষণের জন্য মার  
সংজ্ঞা আসিয়া চলিয়া গেল। তার পরদিন মার সংজ্ঞা  
ফিরিয়া আসিল বটে, কিন্তু স্বাভাবিক অবস্থায় আসিতে ৩৪  
দিন গেল।

এই সম্বন্ধে মাকে কিছুদিন পরে বলিলাম,—“শুনেছি  
সমাধি অবস্থায় অসাড় শরীর নিয়া চলাফেরা সম্ভব নয়,  
অথচ সে রাত্রে আপনার পায়ে ছাপ দেখিলাম কিরূপে?”  
মা বলিলেন—“বই পুস্তকে কি সকল কথা বুঝাতে  
পারে?”

শ্রীশ্রীমাকে একদিন জিজ্ঞাসা করিলাম—“সাধকের  
লক্ষণাদি কিরূপ?” মা বলিতে লাগিলেন—“যখন সাধক  
চিন্তাশুদ্ধির দ্বারা কতকটা উন্নত হয় তখন সে সাময়িকভাবে  
কখনো বালকবৎ, পিশাচ বা জড়বৎ হ’য়ে পড়ে ; কখনো বা সে  
সাধারণ লৌকিক ভাবের উচ্ছ্বাসের ভিতর থাকে। কিন্তু এই  
সকল সাময়িক পরিবর্তনের ভিতরও তার চিন্তের একমুখী  
গতি লক্ষ্যের দিকেই নিবদ্ধ থাকে। এই অবস্থায় লক্ষ্যভ্রষ্ট  
হইলে তার সেইখানেই শেষ হয়।

“কর্মবলে যে ক্রমে অগ্রসর হ’তে থাকে, তার সকল ব্যবহার  
ঐ এক লক্ষ্য আশ্রয়েই প্রকাশ পায়। প্রায় দেখবি যে জড়বৎ

সংজ্ঞাহীন অবস্থায় সে পড়ে রয়েছে; কিন্তু জাগ্রত অবস্থায় সকল ভাবেই সে যেন প্রসন্নতার প্রতিমূর্তি। ক্রমশঃ আরো একটি সময় আসে যখন চলা-ফেরা, শোওয়া-বসা, সকল লোক-ব্যবহারে সে যেন এক মহা আনন্দের পুতুল;— তখন ভিতরে বাহিরে সে এক অপূৰ্ব আনন্দ সত্বায় পরিণত হ'য়ে যায়।

“ইহার পর এমন এক অবস্থা আসে যা'তে প্রতিষ্ঠিত হ'লে তাহার একসত্ত্বা সংস্কারটিও বিগলিত হয়ে পড়ে। তখন তাকে লৌকিক বুদ্ধি-বিচার দ্বারা ধরা যায় না। এইরূপ অবস্থায় তার দেহের সকল স্পন্দন স্থগিত হইয়া পড়ে এবং সে সময় তাহার দেহপাত হওয়ারও সম্ভাবনা থাকে কিন্তু জগতের জ্ঞান বিশেষ কল্যাণ-সংস্কার যাহার জীবনে অবশিষ্ট থাকে সে এই অবস্থায় স্থিত থেকেও নির্দিষ্ট সময়ের জ্ঞান দেহ ধারণ করতে পারে। সৰ্ব্বাবস্থায় তখন সে অপরিবর্তিত থাকে। দেহধারী বলিয়া আমরা তাহাকে দেহীর মত পরিবর্তনশীল মনে করি মাত্র।

“যোগবলে যাহারা দেহত্যাগ করে, তাহাদের সহিত উপরোক্ত অবস্থাপন্ন সাধকের তফাৎ এই যে যোগীদিগের স্বইচ্ছায় প্রাণবায়ুর অবসান হ'য়ে থাকে। দেহ ছাড়বার পূৰ্ব্বক্ষণ পর্য্যন্ত তাহাদের দেহসত্ত্বাবোধ বা দেহসংস্কার থাকে বলিয়া তাহারা ক্রিয়াধীন থাকে। যাহাদের মহাযোগ বা নির্বিকল্প সমাধিতে দেহপাত হয়, তাহাদের স্বকৃত কোন

ক্রিয়ার অপেক্ষা থাকে না। পূর্ব পূর্ব সাধনসম্বিত কর্ম-ফলের অবসানে তাহাদের দেহপাত আপনা আপনিই ঘটে যায়। তাহাদের জন্মমৃত্যুর কোন সংস্কার থাকেই না।”

শ্রীশ্রীমা আর একদিন কথা প্রসঙ্গে বলিয়াছিলেন,—

(১) “স্ব স্ব ভাবানুযায়ী একনিষ্ঠ ধ্যান, ধারণা ইত্যাদির দ্বারা চিন্তাশুদ্ধি ঘটে।

(২) তার পরে একনিষ্ঠ ভাবের সাধনায় খণ্ড খণ্ড ভাবগুলি একসূত্রে গ্রথিত হ’য়ে যায়।

(৩) পরে খণ্ড খণ্ড ভাবদ্বারা এক লক্ষ্যে প্রবাহিত হ’তে থাকে; সাধক ভিতরে বাহিরে জড়বৎ হ’য়ে পড়েন।

(৪) তার পরে একসম্মত আশ্রয়ে একটি অখণ্ডভাবে সাধক স্বপ্রতিষ্ঠিত হয়।”

মা সকল সময় এসব কথা বলেন না, কিংবা কথা কহিতে কহিতে হঠাৎ চুপ হইয়া যান। সর্বদা বহুভক্ত তাঁহাকে ঘিরিয়া থাকেন। ঐ সময় ভক্তদের কল্যাণের জন্য যখন যাহা বলেন, তাহা লিপিবদ্ধ করাও সম্ভব হয় না। অনেক বিষয় সকলের সহজে বোধগম্যও হয় না।

শ্রীশ্রীমা এমন সার্বজনীনভাবে উপদেশাদি দেন, অনেক সময় তাহার যথাযথ মর্ম আমাদের মত লোকের ধারণায় আসে না। তবুও তাঁহার শ্রীমুখ-নিঃসৃত পাবন ভাবদ্বারা যখন যার হৃদয়কে উদ্দীপ্ত করিয়া তোলে, তখন সে তাহার নিজ



নিজ ভাব বা সীমাবদ্ধ জ্ঞানের দ্বারা যাহা বুঝে তাহাই প্রকাশ করে। হিমালয়ের অনন্ত জলরাশি কত ছোট বড় প্রস্রবণ ও নদীপথে প্রবাহিত হইয়া কত উষর ক্ষেত্রে উর্বর করিয়া তুলিতেছে, তাহার ধারণা হওয়া সহজ নয়। এই অজস্র প্রবহমান জলধারায় হিমালয়ের ক্ষতিবৃদ্ধি কিছুই নাই। কিন্তু তাহার দ্বারা জগতের কত অশেষ কল্যাণ অহরহ সাধিত হইতেছে।

শ্রীশ্রীমায়ের স্পর্শে, ইঙ্গিতে, কথায়, হাসিতে আমাদের জীবনের তিল তিল যে কত পরিবর্তন নীরবে হইতেছে তাহা বলিয়া শেষ করা যায় না। আমাদের নিত্য জীবনের ক্ষুদ্র ক্ষুদ্র ঘটনাগুলির মধ্যে তাঁহার আশিস কিভাবে কার্য্য করিয়াছে এবং করিতেছে সে সব কথা প্রকাশ করিলে শ্রীশ্রীমায়ের মহিমাকে খর্ব্ব করা হয় এই ধারণা সম্পূর্ণ অমূলক। তাহা দ্বারা বরং তাঁহার নাম কীর্ত্তন হয় এবং উহা আমাদের সার্থকতার পথে আমাদের অজ্ঞাতে অগ্রসর করাইয়া দেয়।

## লীলা-খেলা

শ্রীশ্রীমার চিরজ্যোতির্ময়ী হস্তমুখর মূর্তি, শিশুর মতো সরল ভাব, আবদার, নানা হস্ত-কৌতুক, তাঁহার পরিপূর্ণ হৃদয়ের অবাধগতি যাঁহারা দেখিয়াছেন তাঁহারা ই মুগ্ধ হইয়াছেন। তাঁহার কথায়, তাঁহার দৃষ্টিতে, তাঁহার প্রত্যেক ভাবভঙ্গীর মধ্যে এমন একটি অপক্লপ মধুরতা রহিয়াছে যে তাহার তুলনা নাই। তাঁহার শরীর হইতে, প্রত্যেক শ্বাস হইতে, তাঁহার পরিধেয় বস্ত্র বা শয্যা হইতে পবিত্রতার এক দিব্য গন্ধ সর্বদাই পাওয়া যায়। তাঁহার গানের সুরে প্রাণের পবিত্র ভাবরাশি নির্বরের শীতল ধারার মতো উৎসারিত হয়।

তিনি নিজে সম্পূর্ণ নিম্মুক্ত, উদাসীন; নীলিম আকাশের মতো নিজে নির্লিপ্ত থাকিয়া সকলকে বুকের মধ্যে টানিয়া নিতেছেন। তিনি সকল ধর্মের, সকল জাতির মানুষ, পশুপক্ষী বৃক্ষলতাদির মধ্যে একই অখণ্ড প্রাণের লীলা দেখিতে পাইয়া সকলকে একই আনন্দের প্রতিক্রম বলিয়া মনে করেন, সকলের প্রতি সমানভাবে অনুরাগ শ্রদ্ধা ও সম্মান প্রদর্শন করেন।

মা বলেন—“নূতন ক’রে আমার কিছু দেখবার বা শুনবার বা বলবার নাই।” অথচ কোন সামান্য সামান্য বস্তু লুইয়া

এমনভাবে মাতিয়া যান যে মনে হইবে যেন শিশুর হাতে পুতুল পড়িয়াছে।

ভক্তদের লইয়া কত ক্রীড়া কোতুক মার দেখিয়াছি তাহা বলিয়া শেষ করা যায় না। একবার সকলের ইচ্ছা হইল শ্রীশ্রীমাকে বালক কৃষ্ণরূপে সবাই দেখিবেন। আবার কিশোর কৃষ্ণরূপেও মাকে সাজাইবেন। মাকে সকলে মিলিয়া তেমন করিয়া সাজানো হইল। একই মা দুইভাবে কি সুন্দর সজ্জিতা হয়েছিলেন! বালভাব ও কিশোরভাবে তাঁহার মুখশ্রী অপরূপ হইয়া উঠিয়াছিল। দৃষ্টির স্নিগ্ধতা, ললাটের প্রশান্ত ঔদার্য্য, মুখের পবিত্র কমনীয়তা, দেহ-ভঙ্গীর নমনীয়তা কোন্ গোপন উৎস হইতে আসিয়া শ্রীশ্রীমায়ের মূর্ত্তিখানিকে দিব্য জ্যোতিতে উজ্জ্বল করিয়া তুলিয়াছে, তাহা ভাবিবার বিষয়। ইহা কেবল অসাধারণ নহে, অলৌকিক, অভূতপূর্ব বলিয়াই মনে হয়।

বালক কৃষ্ণরূপে শ্রীশ্রীমায়ের হাসির একখানি ছবিও তোলা হইয়াছিল। তাঁহার হাসিতে যেন শরীরের প্রতি অণুপরমাণু হাসিতেছে বলিয়া দৃষ্টিমাত্রেই মনে হইত। হাসির আড়ালে পবিত্রতার এক অপূর্ব প্রভাব মায়ের মূর্ত্তিকে কত ওজস্বী করিয়া তুলিয়াছিল ভক্তজন তাহা লক্ষ্য করিয়াছেন। এমন পবিত্র হাসি কোন প্রাকৃত মানুষ হাসিতে পারে বলিয়া মনে হয় না।

যেখানে শ্রীশ্রীমা বিরাজ করেন, সেখানে ভক্তদের বিবিধ ভাব-হিন্দোলনের উপর এক অলৌকিক মাদুর্য্য ফুটিয়া ওঠে।

যার ভাব যেকোন, সে ভাবের মধ্যেও সে এক অপূর্ব নির্মলতা অনুভব করিয়া আনন্দ লাভ করে। শ্রীকৃষ্ণকে যশোদা বালকভাবে দেখিয়া অভিভূত হইতেন, শ্রীদাম সুদামের দৃষ্টিতে শ্রীকৃষ্ণের সখ্য ভাবের মধুরতা ফুটিয়া উঠিত, গোপিনীগণ কান্ত ভাবে বিভোর হইয়া থাকিতেন, তেমনি শ্রীশ্রীমা ভক্তজনের ভাবানুযায়ী এক এক অপেক্ষা মূর্তিতে প্রতিভাত হইয়া থাকেন।

শিশুকাল হইতে মার এই অপূর্ব প্রাণের খেলা চলিয়াছে। তাঁহার সঙ্গ না পাইলে তাঁহার সমবয়সীদের আনন্দ হইত না। পরবর্তী জীবনেও কি বালক, বৃদ্ধ, কি যুবা, তাঁহার পবিত্র সংস্পর্শ একবার পাইলে তাহারা কি এক অনির্বচনীয় ভাবে মুগ্ধ হইয়া বার বার জিজ্ঞাসা করিয়াছে—“আবার করে দেখা হ’বে মা?” মা যখন যেখানে থাকেন তখন সেখানে আনন্দের বাজার বসিয়া যায়; কেমন এক অভিনব ভাবের উদ্দীপনায় শতসহস্র লোক সজীব হইয়া উঠে; দিব্য ভাবের তালে তালে যেন নাচিয়া বেড়ায়। আবার যখনি মা কোন স্থান হইতে চলিয়া যান, তখন তাহা মহাশূন্যে পরিণত হয়। ইহাও দেখা গিয়াছে যে কখনো কখনো মায়ের রুম্ম আলু খালু চুল, এলোমেলো বেশ ও চলাফেরা লক্ষ্য করিয়া ভয়ে ভয়ে কেহ কেহ তাঁহাকে পাগল ভাবিয়া দূরে সরিবার চেষ্টা করিয়াছে, অথচ তাঁহার মাধুর্য্য-প্রতিমা হইতে চোখ ফিরাইয়া নিতে পারে নাই।

সাধারণ হাসি-খেলার ভিতর দিয়া তাঁহার কত অসাধারণ শক্তি অহরহ প্রকাশ পাইতেছে তাহার ইয়ত্তা নাই।

শ্রীশ্রীমাকে এ সব বিষয়ে কেহ কিছু জিজ্ঞাসা করিলে মা বলেন,—“সাধারণ, অসাধারণ সব তাদের কাছে, আমি সকল সময়, সকল অবস্থায় একভাবেই রয়েছি।” আরো বলেন—“সবই তো খেলা; তাদের খেলার সাধ আছে, তাই হাসি-ভাসিমাতেও এই শরীরটাকে ভোর। টেমের নিয়ে বাস। যদি ইহা শির, ধীর, গভীর হ’লে বসে থাকত, তবে ভোর। যে দূরে সরে থাকত। বেশ স্তম্ভের ক’রে আনন্দের খেলা খেলতে দেখ। তা হলে খেলার ভিতর দিয়েই খেলার চরম পাবি,—বুক্‌লি!”

যাহা সাধারণের নিত্য দিনের অভিজ্ঞতার অতীত, তাহাই তাহার পক্ষে অসাধারণ; কিন্তু যিনি নানা ভাবে একই ভাবে অবসিত করিয়া অষ্টম আত্মানন্দ-রসে বিভোর হইয়া রহিয়াছেন, তাহার কখনো জীব-ভাব, কখনো ঈশ্বর-ভাব, কখনো ব্রহ্ম-ভাব এই সব স্বতঃস্ফূর্ত বিহুতি খেলা ছাড়া আর কি বলা যায়? মায়ের স্বকীয় কোন ইচ্ছা বা অনিচ্ছা তাঁর শরীরে দেখা যায় না। কখনো বা ভক্তদের সদ্বুদ্ধি ও শুদ্ধভাবের প্রণোদনার জন্য নানারূপ অলৌকিক বিহুতির প্রকাশাদি হইয়া থাকে, কখনো বা শ্রদ্ধালুর ঐকান্তিক কামনাই মাতাজীর দৈহিক ব্যবহারে ফুটিয়া উঠে। মা বলেন—“এই শরীর ত একটা টোল; ভোর। যে ভালো বাজাবি সেরূপ আওরাজ পাবি। আমি ত দেখতে পাই, সর্বত্রই একেরই তো খেলা চলেছে।”

১৯৫২ খ্রীষ্টাব্দের জুন মাসে যেদিন মা ঢাকা ত্যাগ

করিয়া আসেন, তার পূর্বদিন বেলা ৫টার সময় রম্ণা আশ্রমের ভিতর বহু স্ত্রী, পুরুষ, ছেলে, মেয়ে প্রসাদ নিতে বসিয়াছে, তাদের সঙ্গে মাও বসিয়াছেন। ইতিমধ্যে আকাশ কালো মেঘে ছাইয়া গেল, ঝড় উঠে, উঠে দেখিয়া সকলেই বৃষ্টির আশঙ্কা করিতেছিল। এমন সময় অপর একটি নূতন দলও আসিয়া খাইতে বসিল। যাহাদের খাওয়া শেষ হইয়াছে, মা তাহাদের উঠিতে বলিয়া নিজেই সেখানে বসিয়া রহিলেন। সকলের যখন খাওয়া শেষ হইল, মা বলিলেন,—“আমি স্নান করব।” সন্ধ্যাবেলাতে স্নান করিতে অনেকে বাধা দিল, কিন্তু মা তো কিছুতেই ভুলিবার নন। কথা কাটাকাটি চলিতেছে এমন সময় খুব বৃষ্টি শুরু হইল; বৃষ্টির জলে সমস্ত উঠান ভরিয়া গেল। মা এই জল ও বৃষ্টির মধ্যে অপূর্ব ভাবে ছুটাছুটি করিতে লাগিলেন। সঙ্গে সঙ্গে অনেক স্ত্রীলোক, বালক-বালিকা, যুবা-বৃদ্ধ তাদের সাজ-গোজ পোষাক-পরিচ্ছদসহ মহানন্দে যোগ দিল ও কীৰ্ত্তন আরম্ভ করিল। রাত্রি ৯টার সময় সকলে বাড়ী ফিরিল। ইহাদের ভিতর কেহ কেহ অসুস্থও ছিল, কিন্তু কাহারো কোন অসুখ হয় নাই।

অনেক সময় দেখা গিয়াছে মা হাসিতে হাসিতে ঝড়, বৃষ্টিপাত, বৃন্দ, কলহ দৃষ্টিপাতেই থামাইয়া দিয়াছেন।

মা স্বভাবতঃই স্বপ্নাহারী; এত অল্পাহারী যে কল্পনাতেও

আসে না। শরীরের উপর দিয়া যখন নানারূপ ক্রিয়াদি প্রকাশ পাইত, তখন মা কতদিন নিরম্ব উপবাসেও কাটাইয়াছেন। শুনিয়াছি সে সব ক্রিয়াদি শেষ না হওয়া পর্য্যন্ত তাঁহার খাওয়ার খেয়ালই আসিত না। যখন তিনি স্বপ্নাহারে বা অনাহারে থাকেন, তাঁর মুখশ্রী উজ্জ্বল, শরীর সুস্থ ও চিন্তের প্রসন্নতা অক্ষুণ্ণ থাকে। স্বপ্নাহারের বিভিন্ন বিধান তাঁহার ব্যবহারে পূর্ব্ব পূর্ব্ব প্রকাশ হইয়া গিয়াছে। রাজশিষ্যে প্রতিদিন সামান্য কিছু খাইয়া তিনি ৫ মাস কাটাইয়াছিলেন; সব কিছু মিলাইয়া দিনে তিন গ্রাস ও রাত্রে তিন গ্রাস অন্ন খাইয়া তিনি ৮৯ মাস ছিলেন। ৫৬ মাস খুব সামান্য জল ও ফল দিনে দুই-বার মাত্র গ্রহণ করিয়া কাটাইয়া দিয়াছেন; সপ্তাহে দুই দিন, দিনে রাত্রে - দুইবার মাত্র সামান্য অন্নাহার করিয়া অবশিষ্ট কয়দিন খুব সামান্য ফল খাইতেন। এক্রূপে ৬৭ মাস তাঁর কাটিয়াছে। ১৯২৪ খৃষ্টাব্দ হইতে খাতাদি নিজের হাতে গ্রহণ করিতে পারিতেন না। মুখের কাছে হাত নিলেই হাত খুলিয়া সব পড়িয়া যাইত। হাতের কোন পীড়া ইহার কারণ নয়। সে সময় আর এক নূতন ব্যবস্থা হইল; যে খাওয়াইত তাহার দুই আঙুল দিয়া যতটুকু অন্ন উঠিত, ঐটুকু দিনে একবার, রাত্রে একবার খাইয়া ৪৫ মাস কাটাইলেন। তখন একদিন পড়ে একবার মাত্র সামান্য জল পান করিতেন। ৫৬

মাস পর্য্যন্ত সকালে তিনটি ভাত, রাতে তিনটি ভাত এবং গাছতলায় ঝড়ে পড়া ২।১টি ফল খাইয়া দিন অতিবাহিত করিয়াছিলেন। কোন সময় অন্ন ঠোঁটে ছোয়াইয়া ফেলিয়া দিতেন। আবার এমনও হইয়াছিল যে একজন একখাসে জল ও অন্নাদি যতটুকু খাওয়াইতে পারিত মা তাহা খাইয়া দিনের পর দিন ২।৩ মাস কাটাইয়াছেন। যজ্ঞাগ্নিতে একটি ছোট কোটোতে করিয়া চাল ডাল মিলাইয়া এক ছটাক মাত্র সিদ্ধ করিয়া খাইতেন, এরূপে ৮।৯ মাস কাটাইয়া দিয়াছেন। আবার শাক-সজী সিদ্ধ যুষ সহ অন্ন বা সামান্য পরিমাণ দুধ বা ২।১ খানি রুটি খাইয়া তাঁহার বহুদিন গিয়াছে। অনেক সময় তিনি না খাইয়াও কাটাইয়াছেন।

ভাত খাওয়া যখন একরকম বন্ধ হইল, তখন ভাতও চিনিতে পারিতেন না। শাহবাগে এক কাহাঁর চাকরাণী ছিল, সে খাইতে বসিয়াছে; তাহার খাওয়া দেখিয়া মা হাসিতে হাসিতে বলিতে লাগিলেন—“এ কি খাচ্ছে? কি সুন্দর ভাবে মুখে দিচ্ছে, চিবোচ্ছে ও খাচ্ছে! —আমিও খাবো”, এই বলিয়া তার পাতের কাছে গিয়া বসিলেন। একদিন এক কুকুর ভাত খাইতেছে, সেখানে গিয়া কাঁদ-কাঁদ ভাবে “আমি খাবো, আমি খাবো” বলিতে লাগিলেন। উপরোক্ত ভাবাদিতে বাধা পাইলে দেখা যাইত, ছেলেমানুষের মত মাটিতে পড়িয়া অভিমানাচ্ছলে অনেক



সময় কাটাইয়া দিতেন। শেষে মা নিজেই একদিন বলিলেন—  
 “মামুষ ত্যাগের চেষ্টা করে, আমার কিন্তু সবই বিপরীত ;  
 আমি যাতে ত্যাগ না হয়, তা’র ব্যবস্থা করি। তোমরা  
 স্মরণ ক’রে রোজ তিনটি ভাত আমায় খাওয়াবে, তা  
 না হ’লে হাতে না খাওয়ার মত ভাত খাওয়াও বন্ধ  
 হ’য়ে যাবে।”

যাহারা মাকে খাওয়াইত তাহাদের সতর্ক থাকিতে হইত যে,  
 যাহাতে তাঁকে এক কণাও অতিরিক্ত খাওয়ান না হয়। খুব শুদ্ধ,  
 সংযত হইয়া খাওয়াইতে হইত এবং খালার বাসন ও দ্রব্যাদি  
 পরিষ্কার রাখা দরকার হইত। নতুবা হয়ত মা গিলিতে  
 পারিতেন না, না হয় মুখ আপনা আপনিই ফিরিয়া যাইত,  
 না হয় শরীর আসন হইতে উঠিয়া আসিত। মা বলিতেন—  
 “এ শরীরে আর মাটিতে কোন তফাৎ নেই ; আমি ত মাটিতে  
 বা যে কোন স্থানের উপর রেখে যে ভাবে যা’ দাও তাই খেতে  
 পারি ; তোমাদের শিক্ষার জন্ত, আচার, নিষ্ঠা, পরিচ্ছন্নতা,  
 কর্তব্যপালন ইত্যাদি আবশ্যক ; তাই আমার এরূপ  
 হ’য়ে যায়।”

দীর্ঘকাল এরূপ অল্লাহারের অবস্থাতেও সাংসারিক গৃহ-  
 কর্মাদিতে তাঁহাকে ভিলমাত্র ক্লান্ত বা অবসন্ন দেখায় নাই।  
 পরে আস্তে আস্তে সকল কর্মাদি যেন আপনা হইতেই  
 ছাড়িয়া যাইতে লাগিল, রান্না বা কোন কাজ করিতে গিয়া  
 সেখানেই অবশ ভাবে পড়িয়া থাকিতেন। কোন কোন

দিন আগুনের তাপে হাত, পা পুড়িয়া যাইত, কোন দিন বা অশ্রুরূপ ব্যথা পাইতেন, কিন্তু সে সব দুর্ঘটনা তাহার অমু-  
ভুতিতে কিছুই আসিত না। মা বলেন—” কাহাকে কিছু  
ইচ্ছা ক’রে ছাড়তে হয় না, কৰ্ম্মের পূর্ণাঙ্গতির সঙ্গে সঙ্গে  
ত্যাগ আপনা হ’তে হ’য়ে যায়।”


১৯২৬ খ্রীষ্টাব্দে মে মাস হইতে আহােরের কঠিন নিয়মাদি  
শিথিল হইতে থাকে। কিন্তু যাহাই খাইতেন, খুবই সামান্য,  
যাহাকে শিশুর আহাের বলিলেও চলে। হাতে খাওয়া বন্ধ  
হওয়ার ৪৫ বৎসর পরে মা নিজ হাতে খাইবার জন্ত সকলে  
আগ্রহ প্রকাশ করিলে মারও একবার তদনুরূপ খেয়াল  
হইল। খাওয়ার দ্রব্যাদি নিয়া বসিলেন, একটু মুখে দেন,  
বাকিটা বিলাইয়া দেন বা মাটিতে লেপিয়া দেন—খাওয়া  
মোটাই হইল না। ইহার পর হইতে আর নিজ হাতে  
খাইবার জন্ত কেহ আবদার করে নাই। মা বলেন—“আমি  
দেখি সবই আমার হাত, আমার হাতেই খাই।”

শ্রীশ্রীমায়ের ঘরকন্নার, রন্ধনাদির পারিপাট্যতা ও পবিত্রতা  
এবং অন্নাদি পরিবেশণে আদর অভ্যর্থনার নিশ্চল প্রসন্নতা তাঁর  
অল্প বয়স হইতেই দেখা গিয়াছে। যখন যা’ করিতেন সবই  
গুছানো ও নিখুঁত। তাঁতে কাপড় বোনা, সেলাই, উলের  
কাজ, বেতের কাজ প্রভৃতি নিজে বুদ্ধি খাটাইয়া অতি সুন্দর  
ভাবে করিতে পারিতেন। হয়ত কোন কাজ অন্তেরা চেষ্টা দ্বারা  
যাহা পারিতেছে না তিনি অতি সহজেই তাহা করিয়া দিতেন।

সকলে এসব দেখিয়া অবাক হইত। তাঁহার রান্না ডাল, তরকারির স্বাদ অতি অপূর্ব হইত; এজন্ত নিমন্ত্রণের সময় রান্নাবান্নায় অনেকের অনুরোধে তাঁহাকে উপস্থিত হইতে হইত।

ছোট বড় সকলকে খাওয়াইয়া, পরাইয়া মা বড় আনন্দ পাইতেন; নিজে না খাইয়া, না পরিয়া অপরকে তৃপ্তি দিতেন। একদা গুজরাট অঞ্চলের এক সাধু শাহবাগে উপস্থিত হন। মা নিজ বস্ত্রাঞ্চল দিয়া তাঁহার আসনাদি মুছিয়া দিলেন এবং বিনয়-মধুর ব্যবহারে তাঁহাকে ভোজন করাইলেন। খাবারের থালাটি এমন ভাবে সাজানো হইয়াছিল যে বোধ হইতেছিল যেন খাওয়া জব্যাদি শ্রদ্ধা ও সেবার স্পর্শে ভরপুর হইয়া রহিয়াছে। সে মাহাত্ম্য বালিয়াছিলেন,—“আজ তো জগজ্জননীর হাতে খাইলাম; এমন যত্ন করিয়া কেহ কোনদিন খাওয়ায় নাই।”

যতদিন তিনি পারিয়াছেন নিজ হাতে রান্না করিয়া গৃহস্থ-জননীর মত সন্তানদিগকে প্রসাদ বিতরণ করিয়াছেন। তাঁর হাতের প্রসাদ অনেকের প্রাণে অভাবনীয় আনন্দ সঞ্চারিত করিত। অনেক সময় প্রসাদাদি বিতরণেও অনেক অলৌকিক ঘটনা পরিলক্ষিত হইত। একদিন ৮নিরঞ্জনর স্ত্রী কতকগুলি কমলা নিয়া গেলেন। মা উঠিয়া প্রত্যেকের হাতে এক একটি করিয়া দিতে লাগিলেন; কারণ সকলেই বলে—“মার হাতে নেবো।” লোকের সংখ্যা দেখিয়া কমলা কম পড়িবার আশঙ্কা হইতেছিল। কিন্তু মার এমনই লীলা যে একেবারে



শ্রীশ্রী মা—কুলবধূর বেশে



সমান সমান হইয়া গেল। একবার ৩নিরঞ্জনর বাড়ীতে কীৰ্ত্তনে ৫০।৬০ টি লোকের মত প্রসাদের আয়োজন হয়, কিন্তু প্রায় ১২০ জন উপস্থিত হইল। মা তাহা শুনিয়া যেখানে অন্ন ব্যঞ্জনাদি ছিল, সে কামরার এক কোণায় সকলের প্রসাদ নেওয়া শেষ হওয়া পর্য্যন্ত দাঁড়াইয়া রহিলেন। শেষে দেখা গেল, তবুও কিছু অবশিষ্ট রহিয়াছে।

আশ্রমে কত খাবার ও বস্ত্রাদি মার উপলক্ষে আসিত। নিজে একটুখানি গ্রহণ করিয়া বা কাপড়খানি একবার পরিয়া বা গায়ে ছোঁয়াইয়া বিলাইয়া দিয়া আহ্লাদে প্রাণ খুলিয়া হাসিতেন। অনেকে বহুমূল্য স্বর্ণ রৌপ্যাদির গহনা ও অশ্রাশ্র জিনিসাদি মাকে নিবেদন করিয়াছে। অনেক সময় শাখা, কাঁচের চুড়ি ও সোণার গহনাদিতে মার দুই হাত ভরিয়া যাইত। তিনি সবই সমভাবে গ্রহণ করিতেন,—কে কি দিল বা কে কি নিল বা রাখিয়া দিল, তাহাতে তাঁহার দৃকপাত ছিল না। গহনাদি কিছু বিতরণ করা হইয়াছে, অবশিষ্ট প্রায় হাজার টাকার সোণা রূপা গলাইয়া আশ্রমের দেবমূর্ত্তি উপলক্ষে প্রদত্ত হইয়াছে। তাঁহার নিজের পরিবার মাত্র দুইখানি কাপড় থাকিত। তাহা হইতেই অনেক সময় একখানি দিয়া ফেলিতেন। ইহাও দেখা গিয়াছে যে দিতে না দিতেই আবার বাহির হইতে আসিয়া পড়িত।

আমি ঢাকা হইতে কলিকাতা গেলে আমার জ্যেষ্ঠ-প্রতিম শ্রীযুক্ত জ্ঞানেন্দ্র নাথ সেনের বাসায় থাকিতাম। তাঁহার স্ত্রী

ওহিরগ্নয়ী দেবী আমাকে ছোট ভাইয়ের মত স্নেহ করিতেন। এমন স্নেহশীলা, লোক-রঞ্জে নিদ্ধহস্তা, সরলা, শুদ্ধা, পতি-প্রাণা মহিলা খুব কমই দেখা যায়। তাঁহার ভাবে আকৃষ্ট হইয়া মাও মাঝে মাঝে আপনা হইতে তাঁহাকে দেখিতে যাইতেন। একবার মা কলিকাতায় কালীঘাটে এক বাসায় উঠিয়াছেন; আমি তাঁহার সহিত দেখা করিতে গিয়াছি, ঠিক সে সময় একজন ভক্ত মাকে ভালো একখানি ঢাকাই শাড়ী পরাইয়া দিলেন। মার তখন জ্ঞানবাবুর বাসায় যাইবার কথা। তাঁহারা পথে অশ্রু কোন স্থানে যাইবেন শুনিয়া আমি আগেই চলিয়া আসিলাম। বাসায় ফিরিয়া মাঝারি রকমের একখানি শাড়ী কিনিয়া আনিয়া মার জন্য রাখিয়া দিলাম। আমি ভাবিয়াছিলাম মা আসিলে এটি তাঁকে পরাইলে ঢাকাই শাড়ীখানি জ্ঞানবাবুর স্ত্রী পাইবেন। এ সম্বন্ধে কাহাকেও জানাইলাম না। মা আসিলেন; কিন্তু দেখি কি মার পরণে একখানি সামান্য কাপড়। মা আসিবার পথে যেখানে গিয়াছিলেন, সেখানে ভাল শাড়ীখানি দিয়া আসিয়াছেন। আমি অবাক হইলাম। মা আমার দিকে তাকান আর হাসেন। কেহ কিছু বোঝে না। অবশেষে আমার পাটোয়ারি বুদ্ধির দৌড়ের কথা মাকে খুলিয়া বলিলাম।

উপরে যেসকল অল্লাহ্বরের অলৌকিক ব্যাপারাদি লিপি করিয়াছি সেসকল আবার কয়েকটি অত্যাশ্চর্যের ঘটনাও

দেখিয়াছি। ৮৯ মাস যজ্ঞাগ্নির পাকে এক ছটাক অন্ন গ্রহণের পর যে দিন মা প্রথম সাধারণ ভাবে অন্ন গ্রহণ করেন, সেদিন সকলের আবদারে ৮৯ জনের পরিমাণ আহাৰ্য্য একা তাঁহাকে খাওয়াইতে অনুমতি দিয়াছিলেন। আর একবার হাসি খেলা করিতে করিতে ৬০।৭০ খানি লুচি, তদনুযায়ী ডাল তরকারি ও এক বাটি মিষ্টান্ন খাইয়া ফেলিলেন। আর এক বার প্রায় আধমণ ছধের মিষ্টান্ন খাইলেন, পরে ‘আরো খাবো’, ‘আরো চাই’ বলিয়া ছোট বালিকার মত ইচ্ছাপ্রকাশ ও আবদার করিয়াছিলেন।

লোকের দৃষ্টি-দোষে পাছে মায়ের পেটের অসুখ হয় এই আশঙ্কায় লোকাচারের বশে হাঁড়ি মুছিয়া কয়েক কৌটা মিষ্টান্ন আনিয়া মায়ের মাথার কাপড়ের উপর সে সময় ছিটাইয়া দেওয়া হয়। পরে দেখা গেল যে সে স্থানগুলি আগুনে পোড়ার মত হইয়া গিয়াছে।

এরূপ আহাৰাদির সময়, এবং কখনো কখনো পরেও কিয়ৎকণ পর্য্যন্ত তাঁর একটি অপ্রাকৃত ভাব দেখা যাইত। মা বলিয়াছেন—“আমি যে বেশী খেয়েছি, তোদের মুখেই শুনলাম, খাবার সময় আমি কিন্তু তা’ বুঝি নাই। সে সময় ভাল জিনিষ কেন, ঘাস পাতা যাহাই যত ইচ্ছা দাও না কেন একই ভাবে খেতে পারতাম।” ইহাতে তাঁর শরীরের কোন অসুস্থাবস্থা জন্মাইত না। দেখা যাইত যে শুধু খাওয়ানো কেন, অজ্ঞান কোন কর্ম্মাদি যাহা খেলালে আসিত তাহা করিয়া



যাইতেন। তাহা অস্বাভাবিক হইলেও সে সে কৰ্ম্মাদির ফলে কোন বৈশিষ্ট্য দেখা যাইত না।

যেমন দেবতার পূজার উপচার গুলিতে গন্ধ পুষ্প দ্বারা অর্চনা করিয়া পরে নিবেদন করিতে হয়, সেরূপ মাতৃচরণে জব্যাদি ঐকান্তিক ভাবের দ্বারা যে যত প্রাণময় করিয়া মায়ের অর্চনা করিতে পারিয়াছে, সে তত আনন্দলাভ করিয়াছে। আমরা দেখিয়াছি তিনি সামান্য মুড়ি, খৈ বা বাজের ফল, মিষ্টি খুব আহ্লাদের সহিত গ্রহণ করিতেন। তবকারিতে হয়তঃ মুন মোটেই নাই, মিষ্টান্নে হয়তঃ চিনিই পড়ে নাই, সেগুলি হাসিয়া খেলিয়া যে যাহা দিতেছে তাহাই ভালমন্দ অবিচারে খাইতেছেন এবং “শীগগির খেয়ে দেখ, কেমন জিনিষ” এই বলিয়া অশ্রুকে ডাকিয়া বিলাইয়া দিতেছেন। আবার কাহারও কাহারও বহুকষ্টে সংগৃহীত, মূল্যবান জব্যাদিও একটু মুখে দিয়াই মুখ বন্ধ করিতেন।

ঢাকা গেণ্ডারিয়ার অবসর প্রাপ্ত ডেপুটি ইন্সপেক্টার ৮তমকচন্দ্র চক্রবর্তী শেষ বয়সে আপনার ঘরের ছুধের ছানার সন্দেশ তৈয়ারি করিয়া ৪।৫ মাইল পায়ে হাঁটিয়া এক দিন খুব ভোরে আশ্রমে আসিলেন। মা তখনো বিছানা হইতে উঠেন নাই। বৃদ্ধ আসিয়া ‘মা, মা’, করিয়া ডাকিতে লাগিলেন, আর বলিলেন, “আমি অতি পবিত্র ভাবে তোমার জন্ত সন্দেশ এনেছি, খেতে হবে মা।” মা হাতমুখ না ধুইয়াই বিছানার বলিয়া, শিশুর মত বৃদ্ধের হাতে সন্দেশ

খাইতে খাইতে হাত তালি দিতে লাগিলেন। তারকবাবুর দুই চোখ দিয়া আনন্দাশ্রু বহিতে লাগিল। একদিন বেবী মধ্যাহ্নে বাড়ী হইতে মার জন্ত কিছু মিষ্টি তৈয়ারি করিয়া আশ্রমে আসিতেছিলেন। মা আশ্রমে সকলের সহিত কথা-বার্তা করিতেছিলেন। বেবী তখনো প্রায় আধ মাইল দূরে। মা হঠাৎ হাসিতে হাসিতে বলিয়া উঠিলেন,—“আমার খাবার আসছে”। তখন ছেলে পিলের মত খাওয়ার জন্ত ব্যস্ত হইয়া গুচ্ছাইয়া বসিলেন। কোন, কোন দিন কেউ ঘরে না উঠিতেই মা শিশুর মত আবদার করিয়া বলিয়া উঠিতেন,—“আমার জন্ত কি এনেছো, শীঘ্র বাহির করো” ; আর তাহাকে নিয়া কত হাসি তামাসা করিতেন। আবার এমনও দেখা গিয়াছে কেউ খাবার নিয়া বসিয়াই আছে,—মার ঘুমই ভাঙে না।

আমি রোগে শয্যাশায়ী। হঠাৎ মনে হইল মার জন্ত কিছু ক্ষীর পাঠাইয়া দি। ক্ষীর তৈয়ারি হইলে, আমি আল্গা ভাবে এক কোঁটা মুখে দিয়া দেখিলাম, ভাল হইয়াছে কিনা। আমার বড়দিদি তখন নিকটে ছিলেন, বলিলেন—“ওই ক্ষীর মার কাছে পাঠানো যায় না। খাওয়া জিনিষ দেবতার ভোগে লাগে না।” আমি বলিলাম—“উহা পাঠাইয়া দাও।” শুনিলাম সব ক্ষীর সেদিন মা একাই গ্রহণ করিয়াছিলেন।

আর একদিনের কথা। আমি বলিলাম, “আজ মার নিকট শটির পালো তৈয়ার করিয়া পাঠাইয়া দাও।”

বাড়ীতে সবাই অনিচ্ছার সহিত উহা পাঠাইয়া দিয়াছিল ; শেষে শোনা গেল মা তাহার একবিন্দুও গ্রহণ করেন নাই ।

এমনও দেখা গিয়াছে যে কেহ শূন্য হাতে আসিয়া বহুদূরে দাঁড়াইয়া নীরবে মাকে ভাব-উপহার দিতেছে, সে মায়ের কৃপা মর্মে মর্মে যত অনুভব করিয়াছে, ভোগাদি সহকারে কাতরতা বা অশ্রুবিসর্জন করিয়াও অনেকে মায়ের সেরূপ উপদেশ বা কৰুণা লাভ করিতে সমর্থ হয় নাই । যার যেরূপ ভাব সেইরূপই লাভ হইয়াছে ; তাঁর কৃপা বাহিরের কোন দ্রব্যাদি আদান প্রদানের অপেক্ষা রাখে না ।

মার নিকট আন্তিক-নাস্তিক, ধনী-দরিদ্র, শিশু, যুবা, বৃদ্ধ, স্ত্রী কিংবা পুরুষ সকলেরই সকল সময় অব্যাহত দ্বার । মা হাসিতে হাসিতে অনেক সময় বলেন—“আমার সঙ্গে দেখা করার জন্ত সময় জানতে চাও কেন ? দেখনা আমার ছয়ার সর্বক্ষণ খোলা । তোমরা বরং তোমাদের সংসারের খেয়ালে এ মেয়েটির কথা মনেই রাখোনা ; জানো তোমাদের কথা আমার সর্বক্ষণ মনে থাকে ।” যিনি না দেখিয়াও দেখিতে পান, আবার দেখিয়াও দেখেন না, না শুনিয়াও শুনিতে পান আবার শুনিয়াও শুনে না, তাহার পক্ষে ইহা আর বিচিত্র কি ? দিন-রাত্রি, সুখ-অসুখ, ক্লান্তি-অক্লান্তি অবিচ্ছেদ্যে মা যেন সকলেরই জন্ত প্রতীক্ষা করিয়া রহিয়াছেন ।

প্রত্যহ লোকজন প্রায় সব সময়, বিশেষতঃ সকাল হইতে অনেক রাত্রি পর্য্যন্ত মাকে ঘিরিয়া থাকে । কেউ হয়ত সিঁদুর

পরাইতেছে, কেউ বা হয়ত চুল আঁচড়াইয়া দিতেছে, কেউ হয়ত বলিতেছে ‘চল যাই স্নান করাইয়া দিব’, কেউ হয়ত বলিতেছে, ‘দাঁত মাজিয়া দিব, চল’, কেউ বা হয়ত কাপড় পরাইয়া দিতেছে, আবার কেউ জামা বদলাইয়া দিতেছে, কেউ হয়ত মুখে এক টুকরা মিষ্টি বা ফল দিতেছে, কেউ হয়ত বলিতেছে ‘মা, একটি গান কর’, কেউ হয়ত কানে কানে কিছু বলিতেছে, আবার কেউ হয়ত সে আসন হইতে অশ্রুত গিয়া নিজের গোপন কথা বলিবার জন্য ব্যস্ত হইয়া আছে, আবার কেউ আসিয়া বলিতেছে,—“সর, সর, মাকে ঐ রকম ভাবে বিরক্ত করো না”। এরূপ অবিরাম নানা অনুরোধ, আব্দার এবং শত শত লোক-কোলাহলের ভিতর মা অচল অটল ভাবে একই আসনে প্রসন্ন বদনে বসিয়া ঘণ্টার পর ঘণ্টা কাটাইয়া দেন, আর চারিদিকে আনন্দের ঢেউ উছলিয়া পড়িতে থাকে। সকলে সমান ভাবে আকৃষ্ট না হইলেও মাতাজীর স্নেহমধুর করুণ দৃষ্টি প্রত্যেকের উপর উবার স্বর্ণালোকের মতো একই ধারায় পতিত হয়। কাহাকেও কোন দিন হতাশ বা মলিন বদনে ফিরিতে দেখা যায় নাই। মা বলেন—“বুঝ, অবুঝ নিয়াইতো ভগবানের সংসার, যার যেমন খেলনা দরকার, তাকে তাই দিয়ে শাস্ত রাখতে হয়।” এইসব কারণে কেহ কোমলদিন বলিতে পারে নাই যে “মা আমার নয়, তোমার।” যাঁহারা নিবিড়ভাবে জননীর সঙ্গ লাভ করিয়াছে, প্রত্যেকেই মনে করিয়াছে, “মা, একান্তই আমার।” সকলেই

প্রাণের অন্তরতম আবেগ তাঁহার নিকট সাগ্রহে নিঃসঙ্কোচে নিবেদন করিয়া তাঁহার অভয় বাণী লাভে সন্তুষ্ট হইয়াছে।

মা নিজেও ভক্তদের নিয়া কত খেলা খেলিয়া থাকেন, তাহা বোধগম্য করা আমাদের শক্তির অতীত। কাহারো পুত্রের জন্মোৎসব বা কাহারো পুত্রশোক এ দুইটি বিরুদ্ধ চিন্তা-গতিকে একই ভাবে গ্রহণ করিতে মাকে দেখা গিয়াছে। আবার কখনো শোকাতুরকে দেখিয়া হাসিতেছেন, কখনো বা উল্লসিতকে দেখিয়া কাঁদিয়া আকুল হইতেছেন। কেউ হয়ত মায়ের পায়ের উপর পড়িয়া কাঁদিতে লাগিলে তাহাকে মধুর প্রবোধ বাক্যে—“এরূপ ক’রোনা” বলিতে বলিতে ধীরে ধীরে পা সরাইয়া লইতেছেন। আবার হয়ত কেউ বহুকণ পা ধরিয়া রহিয়াছেন, তাহাকে কিছু না বলিয়া চুপ করিয়া বসিয়া আছেন। একদিন একটি স্ত্রীলোক পুত্রশোকে কাতর হইয়া মার চরণে পড়িয়া কাঁদিতে লাগিল। মা এত জোরে কান্না শুরু করিয়া দিলেন যে স্ত্রীলোকটির শোক দুঃখ কোথায় যেন ভাসিয়া গেল। সে মার হাসিমুখ দেখিবার জন্ত ব্যস্ত হইয়া বলিতে লাগিল, “মা আমি আর কাঁদবো না ; তুমি শান্ত হও।”

অনেকেই ইহা বিশেষ ভাবে প্রত্যক্ষ করিয়াছেন যে মাতাজীর স্ত্রীচরণ দর্শনে, তাঁর সুকোমল বাক্য শ্রবণে, তাঁর পদধূলি গ্রহণে, প্রাণের ভিতর শুদ্ধ ভাবের ব্যঞ্জনায় তাঁহারা কৃতার্থ হইয়াছেন। একদিন এক বাঙ্গালী বিলাতক্ষেত্রে

আধুনিক ভাবাপন্ন আমার বন্ধু,—আমার অনুরোধে মার দর্শনে আসিলেন। তিনি বলিয়াছিলেন,—মাতাজীর সহিত সাক্ষাৎ হইলে বহুদিনের বিশ্বৃত গুরুদত্ত মন্ত্র তাঁহার চিত্তপটে জাগিয়া উঠিয়াছিল। এরূপ বহু দৃষ্টান্ত আছে যে অনেকে তাঁহার শ্রীচরণপ্রাপ্তে পূজা, জপ, ধ্যানাদি রূপ ভগবদ্ভজনে নিরত হইয়া তৎ তৎ কৰ্ম্মে শক্তি ও ঐক্যতানতা অনুভব করিয়াছে। শ্রদ্ধার সহিত তাঁহাকে আদর্শরূপে বরণ করিয়া, তাঁহার উপর সর্বতোভাবে লক্ষ্য রাখিয়া অনেকে শ্রেয়োলাভ করিয়াছেন। সিদ্ধেশ্বরী বাড়ীতে একবার কীৰ্ত্তনে মার সহিত ভাবাবিষ্ট, অবস্থায় ১৬১৭ বছরের একটি মেয়ে বিশ্বয়ে ও আনন্দে উৎফুল্ল হইয়া মাকে জড়াইয়া ধরিল। ইহাতে তাহার শরীরের এমন পরিবর্তন হইল যে সে ‘হরিবোল’ ‘হরিবোল’ করিতে করিতে মাটিতে লুটাইয়া পড়িল। ৩৪ দিন তাহার ঢল ঢল ভাব ও হরিনাম মুখে লাগিয়া রহিয়াছিল।

ইহাও শুনা গিয়াছে যে কেহ কেহ মার দর্শনে বা স্পর্শে পূর্বকৃত অশুভ কৰ্ম্মাদি জনিত অনুতাপে মৰ্ম্মপীড়িত হইয়া আত্মোন্নতির পথে অগ্রসর হইয়াছে। এমনও অনেক স্থানে দেখা গিয়াছে যে সকলে যাহাকে পাণী বা হেয় বলিয়া দূরে সরাইয়া রাখিতে চায়, সেও আসিয়া মায়ের সঙ্গলাভে কৃতার্থ হইয়াছে। মা বলেন—“যারা কিছু করিতে অক্ষম, যাদের ধৰ্ম্মজীবনের কোম সহায় নাই, তাহাদিগকেই আমার বিশেষ প্রয়োজন।” এরূপ দৃষ্টান্তও বিরল নয় যে

যাহারা ধর্মজীবনের বর্ণপরিচয় মাত্র ধরিয়াকে, তাহারাও মার কাছে শরণাগতি দিয়া উন্নতি লাভ করিয়াকে। আবার যাহারা শাস্ত্রজ্ঞানী বা কর্মনিষ্ঠ লোক তাহারা দু'দশদিন তাঁহার সঙ্গলাভ করিয়া সরিয়া পড়িয়াকে। মা বলেন—“সময় না হ'লে কিছুই হয় না, যার যতটুকু পাবার ছিল পেয়ে গেল।”

কীৰ্ত্তনের সময় দেখা যাইত, কুকুর ও ছাগল প্রভৃতি মার গা ঘেসিয়া বসিয়া থাকিত ; তাঁহার হাঁটুর উপর মাথা রাখিত, কখনো বা তাঁহার সঙ্গে সঙ্গে ঘুরিয়া বেড়াইত ও লুটের বাতাসাদি মানুষের মত খুঁজিয়া খুঁজিয়া খাইত। দ্রুত বিবধন সর্পকেও মার সঙ্গ নিতে দেখা গিয়াছে। একদিন সিদ্ধেশ্বরীর গাছ তলায় মা বসিয়াছিলেন। শ্রীমান গিরিজা-প্রসন্ন সরকার দেখিতে পাইয়াছিল যে হঠাৎ একটি সাপ মায়ের পিঠে ফণা ধরিয়া উঠিতেছে অথচ চারিদিক পরিষ্কার ছিল। নিরঞ্জনর বাড়ীতেও এক রাত্রিতে ঘরের মধ্যে বৈদ্যতিক আলোর ভিতর একটি সাপ মার পিছু পিছু চলিয়াছিল। অন্ত্রও মার সঙ্গে সঙ্গে সর্পের উপস্থিতি অনেকবার দেখা গিয়াছে।

শ্রীশ্রীমার উপদেশাদি এত সার্বজনীন, সরল ও প্রাণ-স্পর্শী যে শুনিলে মনে হয় যেন অন্তরাখ্যা বাণীরূপে আত্ম-প্রকাশ করিতেছেন। তাঁহার প্রতিটি বাক্য শাস্ত্রত রাজ্যের আভাস স্বতঃই জাগাইয়া দেয়। তিনি কোন তর্ক, যুক্তি

বা মীমাংসার ভিতর নাই; ইচ্ছা করিয়া কাহাকেও কোন উপদেশ বা আদেশ দেন না। আপনাপন প্রাণের ভাবে যে যতটুকু পাইবার পাইয়া যায়।

ইহাও দেখা গিয়াছে যে কেহ কেহ অনেক প্রশ্ন জিজ্ঞাসা করিবে মনস্থ করিয়া মায়ের কাছে গিয়াছে, কিন্তু অপরের সহিত মায়ের কথাবার্তায় তাহার সকল প্রশ্নের সমাধান হইয়া গিয়াছে। মা একবার দেওঘর বৈজ্ঞান্য গেলেন শ্রীমদ্ স্বামী বালানন্দজী বলিয়াছিলেন—“মা, তোমার গাঁটরী খোল।” মা জবাব দিয়াছিলেন—“গাঁটরী তো বাবা, খোলাই রয়েছে।”

মার কতগুলি উপদেশের সারাংশ “সদ্বাণী”তে ছাপানো হইয়াছে। আরো কয়েকটি এখানেও উল্লিখিত হইল। প্রতিদিন হাসি ও গল্পের ভিতর দিয়া যে সমস্ত ধর্ম ও নীতির কথা শোনা যায়, সে গুলি সংগ্রহ করিয়া রাখিতে পারিলে একটি অপূর্ব জ্ঞানগ্রন্থ হয়। সামান্য বস্তুকে আশ্রয় করিয়া অনেক বড় বড় তত্ত্বের অবতারণা করিতে শ্রীশ্রীমাকে দেখা যায়। আমাদের ক্ষুদ্র ক্ষুদ্র পরিবার গুলি যে এক বিরাট সংসারের অন্তর্ভুক্ত, সীমাবদ্ধ জীবমণ্ডলী যে নানা ঘট-প্রতিঘাতের ভিতর দিয়া এক অসীম লীলা-ময়ের সন্ধানে চলিয়াছে, ইহাই তাঁহার ভাষা, হাসি, গান, কীর্তন, স্তোত্র, হাব-ভাব, চাল-চলনে বিকাশ পায়। তাঁহার বাচিক বা কায়িক সকল ব্যবহারই উপদেশ-পূর্ণ,



সাংসারিক ও ধর্ম-জীবন উভয় ক্ষেত্রেই প্রযোজ্য। তাঁহার গুণাবলির যে কোন একটিকে আদর্শ করিয়া চলিতে পারিলে মানব জীবন ধন্য হয়। পিপাসুর চোখে অনেক সময় প্রতিভাত হয় যে দ্বন্দ্ব-দৈন্ত্য ঘুচাইবার জন্য তিনি যেন সর্ব-মঙ্গল-কারণস্বরূপ এই মর্ত্যদেহ ধারণ করিয়াছেন।

মার উপদেশের মূল তত্ত্ব এই,—ধর্মের প্রাণ কোন জটিল বাঁধা আচারের কাঠামোর মধ্যে আবদ্ধ নয়। জীবন রক্ষা মানাই ধর্ম রক্ষা এই ধারণা দৃঢ়ভাবে মনে রাখিয়া নিত্য দিনের আহার বিহার, অর্থার্জন ইত্যাদির ভিতর দিয়া আন্তরিকতা ও সরসতার সহিত সহজ ধারায় ধর্ম-সাধনাকে মানুষের স্বাভাবিক অনুষ্ঠানরূপে প্রতিষ্ঠা করা আবশ্যক। মা বলেন—“শুভ মতি দিবে কর্ম করো, কর্মের ভিতর দিবেই ধাপে ধাপে উঠতে চেষ্টা করো। সব কাজেই তাঁকে ধ’রে থাক, তা হ’লে আর কিছুই ছাড়তে হবে না। তোমার কাজগুলিও সুচারুরূপে সম্পন্ন হবে, লক্ষপতির সন্ধানও সহজ হবে। মা যেমন শিশুকে যত্নের দ্বারা বড় করেন, দেখবে তুমিও তেমন বড় হয়ে উঠবে। যখন যে কোন কাজ করবে, কান-মনো-বাক্যে সরলতা ও সন্তোষের সহিত তাহা করবে, তাহলে কর্মে আসবে পূর্ণতা। সময় হ’লে শুকনো পাতা-গুলি আপনা হতে বের গিয়ে নুতন পাতা দেখা দিবে।” মা যখন সংসারের কাজ কর্ম করিতেন, শুনিয়াছি তখন নাকি তাঁহার খাওয়া-দাওয়া বেশ-ভূষা এমন কি শরীর রক্ষা—

কোনদিকেই তাঁহার খেয়াল থাকিত না। সারাদিন সংসারের কাজ-কর্মেই লাগিয়া থাকিতেন, কেবল ওপরওয়ালাদের হুকুম তামিল করিতেন। পাড়া-পড়শীরা তাঁকে দেখে বলত,—‘এ বোটির বুদ্ধি শুদ্ধি নেহাৎ কম।’

মা বলেন—“প্রত্যেকের নিজ নিজ কাজের জন্ত, যেমন স্কুল, আফিস, দোকান ইত্যাদির এক একটির নির্দিষ্ট সময় থাকে, সেরূপ ২৪ ঘণ্টার মধ্যে কোন একটি সময় যার যথা-সাধ্য নির্দিষ্ট ক’রে রাখবে। সঙ্কল্প করতে হ’বে যে উহা চির জীবনের জন্ত পরম-দেবতাকে উৎসর্গ ক’রে দিলাম; সে সময় কেবল তাঁহার চিন্তা ভিন্ন অজ্ঞ কোন কর্ম করবো না। পরিবারস্থ সকলের এমন কি ভৃত্যাদির জন্তও এইরূপ একটি নির্দিষ্ট সময় ক’রে দেবে। দীর্ঘ দিন এরূপ অভ্যাসের ফলে ঈশ্বর-চিন্তা তোমাদের স্বাভাবিক হ’য়ে পড়বে। তার পর আর কোন ভাবনা নাই। দেখবে যে এক অজ্ঞাত কুপার ধারা সকল সময় অমুভূতিতে এসে ভাবে ও কর্মে উৎসাহ ও বল দিতেছে। যেমন চাকরী করিলে পেন্সনের ব্যবস্থা হয়, পরে আর পরিশ্রমের দরকার হয় না, ইহাও তদ্রূপ। বরং তদপেক্ষাও ধর্মরাজ্যের পারিতোষিক অধিক। অধিকন্তু উহা সহজ লভ্য।

“চাকরীর পেন্সন মৃত্যুর পরে থাকে না, কিন্তু সেই পেন্সনের আর লয়, ক্ষয় নাই। যারা অর্থসঞ্চয় করে, তারা ঘরের কোন জায়গায় একটি “চোর-কুঠরী” রাখে,

তাতে যখন যা পারে জমায়, তার রক্ষণাবেক্ষণে সর্বদা খেয়াল রাখে। তেমনি ভগবানের জন্য যে ভাবে যার ভাল লাগে, হৃদয়ের এক নিভৃত কোণায় একটু জায়গা করে। যখন একটু অবসর পাও তখনই সেখানে তাঁর নাম বা ভাবের সঞ্চয় করতে থাকে।”

একদিন নানা রকম প্রণামের প্রণালী দেখাইতে দেখাইতে বলিলেন,—“যে যত আত্মহারা হ’য়ে একনিষ্ঠার সহিত প্রণাম করিতে পারে, সে তত শক্তি পায় ও আনন্দ লাভ করে। আর কিছু যদি না পারিস, সকালে বিকালে দেহ-মন-প্রাণ ঢালিয়া দিয়া একটি কাতর প্রণাম দিবি। তাঁকে একটু স্মরণ করবার চেষ্টা করবি।” এই প্রসঙ্গে তিনি বলেন—“তুই রকমের প্রণাম আছে, জানিস? পূর্ণ ঘট উপুড় করিয়া জল ঢালার মতো নিজের হৃদয়-মনের সকল ভাব উজাড় করিয়া নমস্তুকে সমর্পণ করিয়া দেওয়া। আর এক রকমের প্রণাম হচ্ছে তোদের পাউডার বাক্স হইতে ছোট ছোট ছিদ্রপথে পাউডার ছড়ানোর মত। তোদের মনের অধিকাংশ ভাব মনের কোটরেই প’ড়ে থাকে; এখানে ওখানে এক-আধ ফোঁটা প্রহ্লাবের হয়ে আসে।”

৩ প্রমথবাবু পোষ্টমাষ্টার জেনারেল হইয়া ঢাকা হইতে বদলী হইয়াছেন। বিদায়কালীন আর চরণে প্রণাম করিলেন। মা বলিলেন—“কে কাকে প্রণাম করে? তুমি

ত নিজেকেই নিজে প্রণাম করলে।” তিনি এ কথা শুনিয়া বিস্ময়ে ও আনন্দে রোমাঙ্কিত হইলেন।

একবার শ্রীমান অটলবিহারী ভট্টাচার্য্য শারদীয়া পূজা উপলক্ষে শাহবাগে গিয়া অশুস্থ হইয়া পড়েন। তাহার প্রবল ইচ্ছা হইল মা আসিয়া সংসারী মায়ের মতো তাহার মাথা টিপিয়া দেন। মা গিয়া অটলের মাথা হইতে পা পর্য্যন্ত হাত বুলাইয়া দিলেন। সে শুস্থ হইয়া রাজসাহী তাহার কৰ্ম্মস্থলে চলিয়া গেল। কিছুদিন পরে শাহবাগে এ প্রসঙ্গ উঠিয়াছে। আমি বলিলাম,— “সে যেমন, তার’ বুদ্ধিও তেমন; মাকে দিয়া তার একরূপ সেবা পাওয়ার কি উদ্দেশ্য ছিল তা’ও বুঝি না।” এ কথা শোনা মাত্রই মার চেহারা বদলাইয়া গেল। “তোমার পাও টিপে দেবো নাকি?” এই কথা বলিতে বলিতে আমার দিকে আসিতে লাগিলেন। আমি ছুটিতে লাগিলাম। মা আমার পিছু পিছু আসিতেই পিতাজী তাঁহাকে ধরিয়া রাখিলেন। বালিকার মত মার সেই তেজোময়ী মূর্ত্তি এখনও আমার স্মরণে আছে। সে সময় শ্রীযুক্ত শশাঙ্ক-মোহন মুখার্জী (পূজ্যপাদ স্বামী অখণ্ডানন্দজী) “মা, মা”, চীৎকার করিয়া মায়ের পায়ে লুটাইয়া পড়িয়াছিলেন। এ উপলক্ষে মা বলিয়াছিলেন—“যে রূপ মাথা হাত পা ইত্যাদি সব নিয়াই একটি মানুষ, সেরূপ আমি দেখি তোরাই তো সব এ শরীরের অঙ্গ-প্রত্যঙ্গ বিশেষ।”

একদিন বেনারসের স্বর্গীয় নির্মলচন্দ্র চট্টোপাধ্যায় মায়ের ক্রী-পাদপদ্মে কতকগুলি ফুল উৎসর্গ করিলেন। একটি লোক সে সময় দেব-পূজার জন্য ফুলের সাজি নিয়া মার পাশ দিয়া বাইতেছিল; মা নিবেদিত ফুলগুলি সাজিতে রাখিয়া দিলেন। কেন এমন করিলেন নির্মলবাবু জিজ্ঞাসা করিতে মা বলিলেন—  
“ধীর মাথা তাঁরই তো পা। সকলে সকল ভাবে একেরই তো পূজা করছে।”

একদিন দেখি মা বাঁশের ছোট একটি কঞ্চি নিয়া মাটির উপর ঘা দিতেছেন। একটি মাছির গায়ে ঘা লাগিতেই উহা মরিয়া গেল। মা মৃত মাছিটি তাড়াতাড়ি হাতে করিয়া লইলেন। বহুলোক। নানা প্রসঙ্গে ৪৫ ঘণ্টা চলিয়া গেল। তারপর মা হাতের মুঠা হইতে মাছিটিকে বাহির করিয়া আমাকে বলিলেন,—“এই যে মাছিটা মরে গেছে, ইহার একটা সদগতি করতে পারিস্ কি?” আমি বলিলাম—“শুনিয়াছি, মানুষের দেহের মধ্যেই স্বর্গ আছে,” এই বলিয়া মার হাত হইতে মাছিটি লইয়া আমি গিলিয়া ফেলিলাম।

মা হাসিতে হাসিতে বলিলেন,—“করিলি কি? মাছি খেলে না ভেদ বমি হয়?” আমি বলিলাম,—“যদি আপনার আদেশে আমার ভিতর দিয়া ইহার একটা সদগতি হইয়া যায়, তবে আমার কিছুই হইবে না।” সত্যই আমার কোন অসুখ হয় নাই।

মা এই সম্বন্ধে বলিয়াছিলেন—“পোকা, মাকড় মাছি,

কোট, পতঙ্গ, মানুষ, সবাই তো এক পরিবার, কার সহিত কার  
অন্য-অন্যাস্তরের কিরূপ সম্বন্ধ রয়েছে কে বলিবে ?”

আমার এক ধর্মপ্রাণ মুসলমান বন্ধু ( ৬ মৌলবী জৈনোদ্দি  
হোসেন ) ছিলেন। তিনি প্রায় সকল সময়ই ঈশ্বর-চিন্তায়  
কাটাইতেন। এক বৃহস্পতিবার সন্ধ্যায় আমি ও নিরঞ্জন  
তাঁহাকে লইয়া শাহবাগে গেলাম। দেখিলাম তখন নাট-  
মণ্ডপে কীর্তন জমিয়াছে। আমরা তিনজনে কিছুদূরে এক  
গাছের তলায় এমন ভাবে দাঁড়াইলাম যে, যেন কীর্তনের স্থান  
হইতে আমাদের কেহ দেখিতে না পায়। প্রায় আধ ঘণ্টার  
পর দেখি, হঠাৎ মা'নাটমণ্ডপ হইতে বাহির হইলেন এবং  
সঙ্গে সঙ্গে ভক্তেরাও আলো নিয়া আসিলেন। মা' হেলিতে  
তুলিতে ক্ষুণ্ণপদে চলিয়া ঠিক আমরা যেখানে ছিলাম  
সেখানে আসিয়া তাঁহার ডান হাতে মুসলমান বন্ধুটির গা স্পর্শ  
করিয়া হাঁটিতে লাগিলেন। আমরা তিনজনও মার পিছু  
পিছু চলিলাম। শাহবাগের এক কোনায় এক মুসলমান  
ফকিরের স্মৃতিস্তম্ভ কবর আছে। মা' সে কবরে গিয়া  
নামাজের নিয়মানুযায়ী অঙ্গপ্রত্যঙ্গ পরিচালনা করিয়া, উঠা,  
বসা, এবং নামাজের পঠনীয় বচনাদি উচ্চারণের দ্বারা নামাজ  
পড়িলেন। তাঁহার সঙ্গে মুসলমান বন্ধুটিও যোগ দিলেন।  
নাটমণ্ডপে ফিরিয়া পুনরায় কীর্তন আরম্ভ হইল। মুসলমান  
বন্ধুটিও সকলের সঙ্গে সঙ্গে হাত তালি দিয়া ঘুরিতে লাগিলেন।  
ঘটনাচক্রে যে লোকটির উপর বৃহস্পতিবারে কবরে বাতি

ও বাতাসা দিবার ভার ছিল, সে দিন সে আসে নাই। মার কথায় মুসলমান বন্ধুটি সেখানে বাতাসা উৎসর্গ করিয়া দিলেন। কবরে নিবেদিত বাতাসা মাকে খাওয়াতে তাঁহার ইচ্ছা হইল; মার নিকট তিনি বাতাসার থালা লইয়া যাইতেই মা হাঁ করিয়া রহিলেন এবং কিছু বাতাসা তিনি মাকে খাওয়াইয়া দিলেন। তিনিও হরিনুটের প্রসাদ গ্রহণ করিলেন। তিনি খুব গোড়া মুসলমান ছিলেন এবং মাকে দেখিবার পূর্বে তাঁর ভাব অশ্রুতকম ছিল। কিন্তু দেখিলাম উক্ত ঘটনাটির পর হইতে মার উপর তাঁহার অটল শ্রদ্ধা ও বিশ্বাস জাগ্রত হইয়াছিল।

মা আরও একদিন এক মুসলমান বেগমের আবদারে সে কবরে নামাজ পড়িয়াছিলেন। তিনি শিক্ষিতা স্ত্রীলোক ছিলেন। তিনি বলিয়াছিলেন মার নামাজের পাঠগুলির সহিত তাঁহাদের ধর্মপুস্তকের মিল আছে। মা বলিয়াছিলেন,—“যে ফকিরের সমাধি ঐ কবরে আছে তাঁর সূক্ষ্ম শরীর আমি ৪।৫ বৎসর পূর্বে মৈমনসিং বাজিতপুর থাকতে দেখেছিলাম। ঢাকা শাহ-বাগে আসবার পরও তাঁর এবং তাঁর এক শিষ্যের সহিত এ বাগানে আমার সাক্ষাৎ হয়েছিল। ফকির সাহেব খুব দীর্ঘকায় ছিলেন; তাঁহার শরীর আরব দেশীয়”। অনুসন্ধানে এইরূপই জানা গিয়াছিল।

একবার মা বিক্রমপুর রায়বাহাদুর যোগেশচন্দ্র ঘোষের বাড়ী গিয়াছেন। সেখানে সেইদিন হরিনাম কীর্তন হইতেছে।

মার ভাবান্তর দেখা দিল। প্রায় ১৫০।২০০ হাত দূরে অন্ধকারে হিন্দুর মত কাপড় পরিয়া একটি মুসলমান ছেলে গোপনে বসিয়াছিল। মা ভিড় ঠেলিয়া উহার নিকট গিয়া ‘আল্লা, আল্লাহো আকবর’ ইত্যাদি বলিতে লাগিলেন। ছেলেটি কাঁদিতে কাঁদিতে মার সঙ্গে যোগ দিল। সে বলিয়াছিল,— “যে রূপ সহজ ও পরিষ্কার ভাবে মার মুখ হইতে আল্লার নাম বাহির হইয়াছিল, আমরা চেষ্টা করিয়াও তাহা পারিব না। মার সঙ্গে আল্লার নাম করিয়া আমি যে রূপ আনন্দ পাইয়াছি, আমার জীবনে এরূপ কোনদিন হয় নাই।”

এক বিশিষ্ট মুসলমান পরিবারে মা হরিনাম প্রবর্তন করিয়াছিলেন। হরিনাম করিতে করিতে কখনো কখনো তাঁহাদের চোখ দিয়া জল পড়িত। হিন্দু দেবদেবীকেও তাঁহারা সম্মান করিত ও মাকে বিশেষভাবে শ্রদ্ধা করিত। এ সব প্রসঙ্গে মা বলিয়াছিলেন “হিন্দু মুসলমান বা অন্যান্য জাতি সবাই তো এক, একজনাকেই তো সবাই চায়, সবাই ডাকে; নামাজ বা কীর্তনও তা’।”

শ্রীযুক্ত কালীপ্রসন্ন কুশারী ও তাঁহার স্ত্রী শ্রীযুক্তা মোক্ষদা সুন্দরী দেবী (পিতাজীর ভগ্নী); মাকে বড় ভালবাসেন, মাকে কাছে পাইলে, মার বর্তমান লীলাবিলাসে বিশ্বাস ও শ্রদ্ধা সহকারে যোগ দিয়া আনন্দ করেন। একবার কুশারী মহাশয় ঢাকা আসিয়াছেন। একদিন শাহবাগে মার সঙ্গে ধর্ম বিষয়ে অনেকক্ষণ আলাপ আলোচনা করার



পর যাইবার জন্য উঠিলেন, আর হাসিতে হাসিতে বলিলেন—  
 “আপনার যদি শক্তি থাকে, আমাকে ভস্ম করেন তো?” এই  
 বলিতে বলিতে কয়েকটি আগর বাতি জ্বালাইয়া হাতে করিয়া  
 রওনা হইলেন। পিতাজী ও মা বাহিরে কোথাও যাইবার কথা  
 ছিল, তাঁহারাও তাঁহার সঙ্গ নিলেন। খুব রোজ; কুশারী  
 মহাশয় তাঁহার ছাতাখানি নিয়া মায়ের মাথার উপর ধরিয়া  
 একসঙ্গে চলিতেছেন। ইহার মধ্যে হঠাৎ কুশারী মহাশয়  
 চমকিয়া উঠিয়া বলিলেন—“আরে, আগুন কোথা হ’তে মাথার  
 উপর পড়ছে? আমাকে ভস্ম করছেন নাকি? ভস্ম করছেন  
 নাকি? সত্যই, আপনার শক্তির পরিচয় খুব পেয়েছি, আর ভস্ম  
 করবেন না।” ব্যস্ত ভাবে এইরূপ বলিতে বলিতে ছাতাখানির  
 দিকে চাহিয়া দেখেন যে ছাতাটি এরই মধ্যে কতটুকু  
 পুড়িয়া গিয়াছে।

একদিন একটি লোক কতগুলি ফুল তাঁহার পায়ে ছড়াইয়া  
 দিয়া গেল। মা কয়েকটি কুড়াইয়া লইয়া এক একটি ফুলের  
 পাঁপড়ি, কেশর ইত্যাদি লক্ষ্য করিয়া স্থূল, সূক্ষ্ম, বহিজ্জগৎ  
 প্রভৃতি, প্রসঙ্গের অবতারণা করিয়া ভগবানের অনন্তলীলা  
 বুঝাইয়া দিলেন।

দেশ-বিদেশে ঘোরা সম্বন্ধে একদিন মা বলিয়াছিলেন—  
 “আমি দেখি অগৎভরা একটি বাগান। জীব জন্তু উদ্ভিদাদি  
 যতকিছু আছে সবই এই বাগানে নানা রকমে  
 খেলছে—প্রত্যেকেরই এক একটি বিশিষ্টতা আছে, তাই

দেখে আমার আনন্দ হয়। তোরা সবাই মিলে বাগানের ঐশ্বর্য বাড়িয়ে দিয়েছিল। আমি বাগানের এক স্থান হ'তে অল্পস্থানে যাই, তাতে তোরা কেন এত আকুল হয়ে পড়িস্ ?”

১৯৩১ খ্রীষ্টাব্দের মাঝামাঝি মাঠে বেড়াইতে বেড়াইতে একদিন মা বলিলেন,—“প্রার্থনা সাধনার বিশেষ অঙ্গ, প্রার্থনার শক্তি অমোঘ এবং প্রার্থনার জীব ও জগতের প্রাণ অবস্থিত। যখন যা' প্রাণে আসে, তাঁকে জানাবি, আর সরল ও ব্যাকুল হ'য়ে তাঁর প্রতি শরণাগতি প্রার্থনা করবি।” সে সময়ে আমি খবর কাগজে পড়িয়াছিলাম যে লর্ড আরউইন্ ভারতের বড় লাট নিযুক্ত হইয়া এখানে আসিবার পূর্বে তিনি তাঁহার পিতার মতামত জিজ্ঞাসা করিলে পিতা বলিয়াছিলেন—“তুমি ফলাফলের কথা ভাবিও না, কিছুই আমাদের হাতে নাই ; তবে প্রার্থনাদির দ্বারা ভবিষ্যতের কিছু আভাস পাওয়া যায়। পরে পিতাপুত্র উভয়ে গির্জায় গিয়া উপাসনা করেন। বাহির হইয়া পিতা বলিলেন—“তোমাকে ভারতে যাইতেই হইবে।” লর্ড আরউইন্ বলিলেন—“আমিও সেইরূপ বুঝিয়াছি।” মা এই কথা শুনিয়া বলিলেন—“বেশ ভাল কথা। কেবল শিশুর মত বিশ্বাস চাই। অভ্যাসের দ্বারা বিশ্বাসের ভিত্তি গড়ে উঠে, শুদ্ধ বিশ্বাস উদয় হ'লে সরল প্রার্থনা আসে। প্রার্থনার সত্যিকার ভাব আগলে কৃপা ক'রে তিনি ফলস্বরূপে প্রকাশ পান।”

আর একদিন মা বলিয়াছিলেন—“কৃপা বলিলেই অহৈতুকী কৃপা বুঝায়। যখন কৃপা হবার তখন তাঁর ইচ্ছাতেই কৃপা অবতীর্ণ হয়। যেমন দেখ, শিশু খেলা করতে করতে মাকে ভুলে গেছে, মা হঠাৎ গিয়ে তাঁকে কোলে নিলেন। শিশু না ডাকতেই মার স্নেহ প্রকাশ হলো। তোরা বলবি, সকল কৃপা পূর্বজন্মের স্মৃতির ফল। তা’ এক হিসাবে সত্য হলেও, অশ্রু পক্ষে তিনি স্বাধীন ব’লে তাঁহার কৃপার কারণ কি এই প্রশ্ন মনে জাগলেও তাহা জিজ্ঞাস্ত বা আলোচ্য নয়। তাঁর কৃপা তো সকলের উপর সমান ভাবে রয়েছে। যখন কাহারো উহা ঠিক ঠিক উপলব্ধি করার সময় বা যোগ্যতা আসে, তখন সে দেখতে পায় যে সে কৃপালাভ করেছে। একটা কিছু আশ্রয় কর, তাঁহার সহিত অবিচ্ছিন্ন থাকার চেষ্টা কর, তা’হলে দেখতে পাবি বাঁশ-সংলগ্ন বালতিটি কুয়োয় ফেলে দিলে যে রূপ জলপূর্ণ হ’য়ে উপরে অনায়াসে চলে আসে, তদ্রূপ তাঁর কৃপা অজ্ঞপ্ত পেতে পারবি।” এ কথার প্রসঙ্গে মাকে জিজ্ঞাসা করা হইল যে যিনি ভগবানকে দেখিয়াছেন তিনি অশ্রু কাহাকে ভগবদর্শন করাইয়া দিতে পারেন কি না? মা বলিয়াছিলেন “বাহার দেখবার সময় হয় সেই দেখতে পাবে বই কি। তবে যে তাঁকে দর্শন করেছে সেই প্রথম পথ দেখাবার উপলক্ষ হ’তে পারে।”

একদিন মার নিকট জন্মান্তর সম্বন্ধে কথাবার্তা হইতেছিল। মা বলিলেন—“জন্মান্তর সত্য বই কি?

চোখের উপর ছানি পড়লে উহা কাটিয়ে দিলে যেরূপ দৃষ্টি শক্তি ফিরে পাওয়া যায় তদ্রূপ ধ্যানযোগে বিশুদ্ধ বুদ্ধি স্বরূপে অবস্থিতি করতে পারলে মন্ব ও দেব-তত্ত্বের বিকাশ লাভ ঘটে ; পূর্বজন্মাদির সংস্কার চিন্তে ভাসিয়া উঠে । যেমন ঢাকায় বসে কলিকাতার চিত্র অন্তরে ধারণা করতে পারিস, তদপেক্ষাও পরিষ্কাররূপে পূর্বজন্মের ছবি চিন্তে প্রতিফলিত হ'তে পারে ।” মা বলিয়াছেন—“তোদের দেখলে কখনো তোদের জন্মজন্মান্তরের ছবি আমার চোখে ভেসে উঠে ।” একবার মা কলিকাতা গেলে একজন ভদ্রলোক, তাহার স্ত্রী ও ৭৮ বছরের একটি ছেলেকে নিয়া মাকে দেখিতে আসে । মা ছেলেটিকে দেখিয়াই বলিলেন, “পূর্বজন্মে সে এ শরীরের ভাই ছিল” । মার এক ভাই ছেলে বয়সে মারা যায়, মৃত্যুর পূর্বে চোট পাইয়া তাহার এক হাত বাঁকিয়া গিয়াছিল । এ ছেলেটিরও হাত একখানা বাঁকা ছিল ।

কোন কোন সময় স্ত্রীস্রীমার অতি আশ্চর্য্য তেজ ও সাহস পরিলক্ষিত হয় ; ভয়-ভীতির লেশমাত্রও দেখা যায় না । যখন যা' তাঁর চিন্তে আসে বা তাঁর মুখ হইতে বাহির হয়, তাহা কার্য্যে পরিণত হওয়া চাইই চাই । তাঁহার ভাব ও কর্ম্ম অবাধ গতিতে চলিতে পারিলে জীবের কল্যাণের হেতু হয় ; বাধা পাইলে অনেক স্থলে অশুভ ফল প্রসব করে । ছেলেবেলায়ও মার এরূপ লীলা প্রকাশ পাইত । ৪।৫ বৎসর বয়সে মা প্রত্যহ

সকালে তাঁর ‘বড়মার’ নিকট হইতে ঘোল আনিতে যাইতেন। একদিন ঘোল আনিবার পাত্রটি নিয়া মা ‘বড়মার’ কাছে যান। বড়মা তিনি সেদিন বিরক্ত হইয়া বলেন—“রোজ ঘোল খাস্, যা, আজ ঘোল পাবি না।” একথা বলিতে না বলিতেই বড়মা দেখিতে পাইলেন যে তাঁহার দধি-মস্থনের ভাঁড়টি ফুটা হইয়া সমস্ত দই পড়িয়া যাইতেছে। এ কি হইল বলিয়া তিনি অবাক হইয়া মার মুখের দিকে চাহিয়া রহিলেন। ইহার পর হইতে মার কোনদিন যাইতে দেৱী হইলেও তাঁহার জন্ত ঘোল রাখিয়া দিতেন।

মা ফুলের মত কোমল হইলেও কখনও কখনও আমাদের কর্মবশতঃ বজ্রের মত কঠিন হইয়াছেন, এরূপ দেখা গিয়াছে। এক বার আমার কোন অযৌক্তিক কথায় আমাকে বলিয়া ছিলেন,—“যা’ যা’ দূর হয়ে যা।” একবার মার আদেশ লঙ্ঘন করিয়াছিলাম, তাহাতে মার কথা বন্ধ হইয়া গিয়াছিল। এমন অনেক ঘটনা আছে, যাহাতে তাঁহার শাসনের চূড়ান্ত আমার সৌভাগ্যে ঘটিয়াছে। কোন অশ্রায় করিয়া হুঃখিত হইলেই মার অমৃতবর্ষী দৃষ্টির করুণায় চিত্ত শুদ্ধ ও শান্ত হইয়া ওঠে। কিন্তু মনে যদি রাগ-অভিমানের উদয় হয়, তবে অনুতপ্ত না হওয়া পর্য্যন্ত—মর্মভেদী যন্ত্রণায় হৃদয় জর্জরিত হইত। একবার পিতাজী আমার হইয়া মাকে বুঝাইতেছিলেন, তাহাতে মা বলিয়াছিলেন—“যাহার উপর কঠোর ব্যবস্থা করিলে খাটে এবং যে সহ্য করিতে

পারে, তাহার উপরই কঠোর ব্যবস্থা হ'য়ে থাকে। গাছ কাটতে গেলে প্রথমে কুড়ুলের দরকার, তারপর কাটারী, তারপর ছোট ছোট ডাল পালা হাতের সাহায্যেও ভেঙে ফেলা যায়। তেমনি শাসন কঠোর ও কোমল দুইই দরকার।”

আর্ত ও পীড়িতের কল্যাণ-কল্লে মার অমিত কৃপা নানা-রূপে, নানা ক্ষেত্রে প্রকাশ পাইয়াছে। মা বলেন—“আমি ত ইচ্ছা ক’রে কিছু করিনা বা বলিনা,—তোমাদের ভাবে তোমরা যা করাও বা বলাও, তাই করি বা বলি। অনেক সময় কার কি হবঁ না হবে আমি দেখতে পাই, কিন্তু সে কথা মুখে প্রকাশ পায় না”। কত ছেলেমেয়ে পরীক্ষা-পাশ, কত লোক চাকরী, ব্যবসা, কন্যার বিবাহ, পুত্রলাভ, ব্যাধি-মুক্তি ইত্যাদি ব্যাপারে পরোক্ষে বা অপরোক্ষে মায়ের কৃপালাভ করিয়াছে তাহার সংখ্যা নাই। কত লোককে রোগমুক্ত করিবার উদ্দেশ্যে নিজের অঙ্গপ্রত্যঙ্গাদি ক্ষত করিয়াছেন বা তাদের উপলক্ষে ভুগিয়াছেন তাহার ইয়ত্তা নাই। এমনও দেখা গিয়াছে যে যাহাদের সহিত কখনো সাক্ষাৎ হয় নাই, তাহার অশুখ বা অশান্তির খবর অপরের মুখে মার কাছে আসিয়াছে, অথবা মার মনে স্বতঃই সে চিত্র উদয় হইয়াছে, সে লোক সুস্থ হইয়া গিয়াছে বা বিপদ হইতে উদ্ধার পাইয়াছে। মার কাছে শুনিয়াছি যে বিষয় দেখিলে বা শুনিলে তাহার স্মরণে থাকে, তাহার কোন না কোন

একটি সুব্যবস্থা হইয়া যায়। অনেকে আবার রোগে, শোকে, স্বপ্নে মার দর্শন পাইয়া কৃতকৃত্য হইয়াছে।

একবার পক্ষাঘাতগ্রস্তা একটী ১২ বৎসরের মেয়ে লইয়া তাহার পিতামাতা মার শরণাপন্ন হয়। মা মেয়েটিকে গড়াগড়ি দিতে বলিলেন। সে নড়িতে চড়িতে পারেনা, এ পাশও পাশ ফিরিবে কি? মা ঠাকুর পূজার জন্য সুপারি কাটিতেছিলেন, তাহার কয়েক টুকরা হাত হইতে ছুঁড়িয়া দিয়া বলিলেন—“ধর, এ গুলি হাত বাড়ায়ে নে।” সে অতি কষ্টে তাহা নিল। তারপর তাহারা বিদায় হইল। বাড়ীতে গিয়া মেয়েটি শুইয়া আছে, বিকালে বাহিরে রাস্তায় একটি গাড়ীর শব্দ শুনিয়া সে হঠাৎ লাফ দিয়া বিছানা হইতে উঠিয়া দৌড়াইয়া গাড়ী দেখিতে গেল। তার পর হইতে ধীরে ধীরে রীতিমত চলা ফেরা করিতে লাগিল।

একদিন ঢাকায় মাঠে বেড়াইতে বেড়াইতে মা বলিলেন—“রাস্তা দিয়ে যে গাড়ীখানা যাচ্ছে, ঐটিকে রাখ্”; গাড়ী রাখা হইল, মা গাড়ীতে উঠিলেন। গাড়োয়ান জিজ্ঞাসা করে—“কোথায় যাইবেন”? মা হাসিতে হাসিতে বলিলেন—“তোমার বাড়ী।” সে জাতিতে মুসলমান ছিল। মার এ কথা শুনিয়া সে আর কোন দ্বিধা না করিয়া মাঝে তাহার বাড়ী নিয়া গেল। সেখানে গিয়া দেখা গেল যে একটি বৃদ্ধ মুমূর্ষু অবস্থায় পড়িয়া আছে, আশে পাশে আত্মীয়

স্বজনেরা কান্নাকাটি করিতেছে। মা আমাকে বলিলেন, “কিছু মিষ্টি নিয়ে আয়।” মিষ্টি আনিয়া সকলকে বিতরণ করা হইল, পরে মা চলিয়া আসিলেন। তারপর শুনা গিয়াছিল—সে লোকটি সেইবার সারিয়া উঠিয়াছিল। কোন রোগীকে হয়ত বলিয়াছেন, চোখ বুজিয়া সন্ধ্যাবেলা মাটিতে যা কিছু পাও, তাহাই ব্যবহার করিও। তদনুরূপ করিয়া সে ভাল হইয়া গিয়াছে। কখনো রোগীকে নিজের জন্ম তৈয়ারি ডাল, ভাত, তরকারি সব খাইতে বলিলেন ও তাহার পথ্য সাণ্ড, বার্লি নিজে গ্রহণ করিলেন। বিষম জ্বরে বা পেটের কঠিন পীড়ায় মার আদেশে বিরুদ্ধ ভোজনাদি করিয়াও অনেকে প্রতিকার পাইয়াছে।

আমার ছেলে রামানন্দের বয়স যখন ১৫।১৬ বৎসর, সে রক্তামাশয়ে ১০।১২ দিন যাবৎ ভুগিতেছিল। মা এক রাত্রি তাহাকে দেখিতে আসিলেন। সে সময় হইতে তার সুস্থ হওয়ার লক্ষণ ক্রমশঃ দেখা দিল, কিন্তু মা তার পর দিন ১২ ঘণ্টা রক্তামাশয়ে কষ্ট পাইলেন। কখনো আবার ইহাও দেখা গিয়াছে যে রোগী সুস্থ হইবার নয়, সে হয়ত কোন আদেশ পাইয়াও রক্ষা করে নাই বা পালন করিতে চেষ্টা করিয়াও কোন ঘটনাচক্রে শেষ পর্য্যন্ত পালন করিতে পারে নাই। এ সব ক্ষেত্রে মার হাবভাবে অনেক সময় প্রথমেই নিষ্ফলতার আভাস পাওয়া যাইত। শাস্ত্রও স্বীকার করিয়াছেন যে উৎকট শুভ কর্মাদির দ্বারা কুপার আমুক্যে প্রারম্ভ হুণ্ডন



করা যায়, কিন্তু সে কৃপা-আকর্ষণকারী কর্ম নিষ্পন্ন করা কঠিন, যদি অহৈতুকী কৃপা না হয়।

মা বলেন—“দৃষ্টি যতক্ষণ, শ্রুতি ততক্ষণ। আমি তুমি, সুখ দুঃখ, আলো অন্ধকারে স্বন্দ। স্বভাবের কাজ বা স্বধর্মের জোর দাও, অভাবের বা ইন্দ্রিয়াদির কাজ ত্যাগ হয়ে গেলে অন্তরাত্মা জাগ্রত হবেন। তখন তাঁহাতে দৃষ্টি নিবদ্ধ করতে পারলেই দৃষ্টি-শ্রুতির ধাঁধার সমাধান হয়ে যাবে।”

শৈশবে মার লেখাপড়ার তেমন সুবিধা ছিল না, এবং তিনিও সে সম্বন্ধে বিশেষ মনোযোগ দিতেন না। কিন্তু আশ্চর্য্য দেখা যাইত যে পুস্তকের যে যে স্থানে তাঁহার একবার দৃষ্টি পড়িত, স্কুল মাষ্টার কি স্কুল ইনস্পেক্টার সে সে পাঠ হইতে প্রশ্নাদি করিতেন। এই কারণে স্কুলে তিনি একজন ভাল ছাত্রী বলিয়া পরিগণিত হইতেন। নিজে কোন বই পড়া বা নিজের হাতে কিছু লেখা বালিকা বয়স হইতে তাঁহার বিশেষ অভ্যাস ছিল না। তবুও তাঁহাকে অপরূপ জ্ঞানভূমিতে অবস্থিত দেখা যায়। যখন তিনি যে বিষয়টি খরিতেন, তখন তাহাতে তাঁহার অসীম নিপুণতা প্রকাশ পাইত।

একদিন মা কথায় কথায় হঠাৎ বলিয়া উঠিলেন—‘ইটালী কি?’ কয়েকদিন পর সকালবেলা ইটালীয়ান্ প্রোফেসর মিষ্টার টুসী শাহবাগে উপস্থিত হইলেন। তিনি ঢাকা ইউনিভারসিটিতে আসিয়াছিলেন। সাহেব ইংরাজীতে একটি বিষয় জিজ্ঞাসা করিলে, তাহা অনুবাদিত হইয়া মাকে বুঝাইবার পূর্বেই মা সংস্কৃতে সাহেবের প্রশ্নের যথাযথ উত্তর দিলেন।

তাঁহার একটুখানি হস্তলিপির জন্ত অনেক প্রার্থনা করা হইয়াছিল। তিনি তাহাতে বলেন—“আমি তো ইচ্ছা করিয়া কিছু করিতে পারি না, যদি সময় হয় পাইবি।”

সৌভাগ্য বশতঃ ১৩৩৭ বঙ্গাব্দের ৪টা আষাড় যে লিপি করেন তাহা এখানে সন্নিবেশিত হইল।

১৩৩৭

হে সারস মুকুট! অসং পতি পত্নি পিতা  
মাতা মন্ত্রণ ওর; মন্ত্রণ ওর; মন্ত্রণ ওর;  
দেখিওঁ মন্ত্রণ ওর; মন্ত্রণ ওর;  
হস্তস্ব হস্তস্ব হস্তস্ব ও মন্ত্রণ ওর;  
দেখিওঁ ওর ওর ওর ওর -  
ওর ওর ওর ওর ওর ওর ওর;  
ওর ওর ওর ওর ওর ওর ওর;  
ওর ওর ওর ওর ওর ওর ওর;

শ্রীমন্ত মুকুট দেবী

শ্রীশ্রীমায়ের অনেক স্থানে অনেক ফটো তোলা হইয়াছে।  
 বোধ হয় এ পর্য্যন্ত ৪০০ রকমের ফটোর কম হইবেনা।\*  
 কিন্তু বিশ্বয়ের বিষয় এই, এক ছবির মূর্তির সহিত অল্প ছবির  
 মুখের সম্পূর্ণ মিল হয় না। ঢাকার শ্রীমান সুবোধ চন্দ্র দাসগুপ্ত  
 ও চট্টগ্রামের শ্রীযুত শশীভূষণ দাসগুপ্ত ও অগাধ্য অনেক  
 শ্রীশ্রীমায়ের বহু ফটো তুলিয়াছেন। ১৯২৬ খ্রীষ্টাব্দে অক্টোবর  
 মাসে শারদীয় উৎসবে শশীবাবু ঢাকায় আসিলেন এবং আমরা  
 কয়েকজন মিলিয়া একদিন ভোরে মার ফটো তুলিতে  
 শাহবাগ গেলাম।

সেখানে শুনিতে পাইলাম, মা কোথায়, কেহ বলিতে পারেনা।

অনুসন্ধানে জানা গেল তিনি একটি অন্ধকার ঘরে  
 অসাড় অবস্থায় পড়িয়া রহিয়াছেন। শশীবাবুর সেদিন  
 বিকালে ঢাকা হইতে দেশে ফিরিয়া যাওয়ার কথা। সেজ্ঞ  
 তখনই মার একটি ফটো তুলিবার জ্ঞ তিনি উদ্গ্রীব।  
 পিতাজীকে বিশেষ করিয়া বলা হইলে তিনি এবং আমি  
 আমরা দুইজনে গিয়া মাকে ধরিয়া আনিলাম এবং ফটো  
 তুলিবার জ্ঞ তাঁহাকে বসাইয়া আমরা ক্যামেরার সম্মুখ  
 হইতে দূরে সরিয়া গেলাম। মার তখন ঢলু ঢলু ভাব।  
 ছবি নড়িয়া গিয়াছে। এ আশঙ্কায় শশীবাবু ১৮ খানি প্রেট  
 ব্যবহার করিলেন। পরে চট্টগ্রাম হইতে খবর আসিল

---

\* ইহা ১৯৩৮ সনের কথা। এই দশ বৎসরে আরো বহু শত  
 ফোটা তোলা হইয়াছে।

যে ১৮ খানি প্লেটের মধ্যে শেষ ছবিটিই ভালো বাহির হইয়াছে এবং মার ললাটে চন্দ্রের মত গোলাকার একটি আলোক পিণ্ডের প্রতিকৃতি দেখা যাইতেছে। আরও বিশেষত্ব এই, মার পিছনে আমার ছবিও উঠিয়াছে। এ সম্বন্ধে তাঁহার একটি পত্রের কিয়দংশ নিম্নে উদ্ধৃত করিলাম।

ফটো তৈয়ারি হইয়া আসিলে চিত্রকরের কৌশল বলিয়া কেহ কেহ মন্তব্য প্রকাশ করিল। এ সম্বন্ধে পরে মা কথায় কথায় বলিয়াছিলেন—“যখন অন্ধকার ঘরে এ শরীরটা প’ড়ে ছিল, তখন চারদিকে এক জ্যোতিতে ঘরটি ভরে গিয়েছিল। ফটো তুলবার জন্ত এ শরীর বাহিরে আনিয়া বসাইলেও সে আলোটি ছিল। ক্রমশঃ তাহা সঙ্কুচিত হ’য়ে কপালের উপর যায়। আমার খেয়ালে জাগল জ্যোতিশও যেন পিছনে রয়েছে। এখন কিসে কি হয়েছে তোমরাই বোঝ।” সে ছবিখানি এই অধ্যায়ে সন্নিবেশিত হইল। শশীবাবু এ প্রসঙ্গে আমাকে লিখেছিলেন,

“উক্ত ফটো তোলার সময় এক একবার Slide এ ৬খানি করিয়া তিনবারে মোট আঠারোখানি প্লেট রাখা হয় এবং সবগুলিই ব্যবহার করি। প্রথম কয়খানিতে কিছুই উঠে নাই। পরের দিকে আবছায়ার মত একটি ছায়াপাত হইতেছিল। কেবল শেষটিতেই পূর্ণরূপে মায়ের ছবি পাওয়া গিয়েছিল। আপনি কামেরার পাল্লার বহুদূরে

ছিলেন এবং মার দিকে তাকাইয়া সময় মত আমাকে ফটো দিবার জন্ত ইঙ্গিত করিতেছিলেন। প্রথম হইতেই প্রত্যেকটি ফটো নেবার সময় আমার বুক কাঁপিয়া উঠিয়াছিল, এবং খারাপ হইয়া গিয়াছে এই আশঙ্কায় দুঃখ আসিয়াছিল। সর্ব শেষের প্লেট খানি expose হইলে এক অপূর্ব আনন্দে আমার মন প্রাণ ভরিয়া উঠিয়াছিল। তখন সবেমাত্র আমি মার চরণে প্রথম আশ্রয় লইয়াছি। আজকালের দিনে যদি সে রকম একটি ঘটনা হ'ত তাহা হইলে আমার অবস্থা কিরূপ দাঁড়াইত বলিতে পারিনা।”\*



শ্রীশ্রীমায়ের পশ্চাতে ভাইজীর ছায়ামূর্তি ( ১৯২৬ )



## আশ্রম

ঢাকায় শ্রীশ্রীমায়ের একটি আশ্রমের অভাব সকলেই অনুভব করিতেছিলেন। একদিন জ্যোৎস্না রাত্রি। আমি শাহবাগে গিয়াছি। মা বলিলেন, “চল, মাঠে যাই।” পিতাজী, মা ও আমি রম্ণা মাঠে যেখানে ভগ্ন দেবালয়টি (বর্তমান আশ্রম) ছিল, তাহার কিছুদূরে গিয়া বসিলাম। আমি মার চরণে নিবেদন করিলাম—“শাহবাগে তো আগে পরে কীৰ্ত্তনাদি চলিবে না, একটি আশ্রমের বিশেষ দরকার।” মা বলিলেন—“জগৎ ভরাই তো আশ্রম, নৃতন করিয়া আশ্রম করিবি কি?” আমি বলিলাম—“আমরা তো বেশী কিছু চাহি না, কেবল এমন একটি স্থান চাই—যেখানে আপনার চরণের চারিধারে আমরা সবাই মিলে কীৰ্ত্তন করতে পারি।” পিতাজীও আমার কথায় সায় দিলেন। মা তখন বলিয়া উঠিলেন—“যদি এ রকম কিছু করিস্, তবে ঐ যে ভাড়া বাড়ীখানি দেখছিস্, ঐ স্থানই প্রশস্ত, উহা তোদের পুরোণো বাড়ী।” এই বলিয়া হাসিতে হাসিতে চুপ করিয়া গেলেন। ঐ জায়গাটিতে সে সময় একটি ভাড়া শিব মন্দির ছিল; তাহার চারিধার ইট পাথর ও জঙ্গলে পরিপূর্ণ ছিল। উহাতে নানারকমের সাপ দেখা যাইত। আশ্রম প্রতিষ্ঠার



পন্নও ওখানে বড় বড় সাপ দেখা গিয়াছে। মা তখন কোন কোন সোমবারে ঐ ভগ্ন শিবালায়ে দুধকলা দেওয়াইতেন। এক সোমবার একটি নূতন হাঁড়িতে ৫৭টি কলা ও কিছু কাঁচা দুধ দেওয়া হইল। সাতদিন পরে রাত্রি প্রায় ৯।১০টার সময় মা গিয়া দেখেন দুধকলা যেমন দেওয়া গিয়াছিল ঠিক তেমনই আছে একটি পিপড়াও ধরে নাই। মা নিজে সে দুধ খাইবেন বলাতে অনেকে উহা বিযাক্ত হইয়াছে বলিয়া খাইতে নিষেধ করিল। কিন্তু মার যে কথা সে কাজ, তিনি এক চুমুক খাইতেই সকলে ব্যগ্র হইয়া প্রসাদ নিল; অবশিষ্ট তথায় রাখিয়া আসা হইল। পরদিন সকাল বেলা গিয়া দেখা গেল, সমস্ত হাঁড়িটির দুধ কেহ যেন চাটিয়া খাইয়াছে।

অনুসন্ধানে জানা গেল যে পূর্বোক্ত স্থানটি রমণা কালীর সম্পত্তি। তথাকার ঠাকুর শ্রীযুত নিত্যানন্দ গিরিকে বলাতে তিনি বলিলেন যে ৬০০০ টাকার কমে ঐ জমি ছাড়িবেন না। কয়েক মাস পরে স্বর্গীয় ৩নিরঞ্জন ডাকায় আসিলে অর্থ সংগ্রহের চেষ্টা করিতে লাগিলাম। কিছুই করিয়া উঠিতে পারিলাম না। ১৯২৭ খৃষ্টাব্দের প্রথমে আমি উৎকট রোগে শয্যাশায়ী হইলাম। একদিন ৩নিরঞ্জন বলিলেন—“মৈমনসিং গৌরীপুরের জমিদার শ্রীযুত ব্রজেন্দ্রকিশোর রায় চৌধুরী হইতে ১০০০ টাকা সাহায্য আসিয়াছে, তুমি ভাল হও, পরে যাহা হয় করা যাইবে।” ৩নিরঞ্জন ক্রমে ক্রমে আরো অর্থ সংগ্রহ করিল, কিন্তু ৬০০০ টাকার কমে উক্ত

ঠাকুর জমিটি কিছুতেই হস্তান্তর করিতে রাজি হয় না। প্রায় দেড় বৎসর রোগ ভোগের পর পুনরায় ঢাকায় গিয়া কাজে হাজির হইলাম। অগ্ন্যাগ্ন জায়গা ও আশ্রমের জগ্ন ঘুরিয়া দেখা হইল কিন্তু মার নির্দিষ্ট স্থানটি ব্যতীত কোনটিই আর মনে ধরে না। কিং-কর্তব্য-বিমূঢ় হইয়া বসিয়া আছি। ১৯২৯ ইংরাজী অব্দের প্রথমে মা কলিকাতায় ছিলেন। শ্রীমান বিনয়ভূষণ বন্দ্যোপাধ্যায় ঢাকা হইতে কলিকাতা গেলে মার সহিত আশ্রম সম্বন্ধে আলাপ হইল। সে আসিয়া এ খবর আমাকে দিল। প্রাণে যেন এক নবীন উৎসাহ জাগিল। আমি একদিন স্থির করিলাম আজই ঠাকুরের সঙ্গে দেখা করিয়া যা' হয় শেষ করিব। এই ভাবিয়া বাড়ীর বাহির হইতেই দেখি সঙ্গে সঙ্গে মা যেন ছায়ামূর্তির মত চলিয়াছেন, তখন মনে হইল কার্য্য সুসম্পন্ন হইবে। ঠাকুর বলিলেন “যখন এতটাকা আপনারা দিতে পারিতেছেন না, তখন উপস্থিত অস্থায়ী বন্দোবস্ত করুন; অগ্ন্য কোনরকম স্থায়ী ব্যবস্থা পরেও হইতে পারে। কালীমন্দিরও ত আপনাদের, যা' ভাল হয় তাই করুন।” নানা বাগ্-বিতণ্ডার পর ৫০০ টাকা নজর ও বাষিক ৩০০ টাকা খাজানায় উক্ত স্থান অস্থায়ীভাবে গ্রহণ করার সর্ভ ঠিক হইয়া গেল। এরূপ বন্দোবস্ত অনেকের মনঃপুত হইল না, হইতেও পারে না; কিন্তু আশ্রম করিতে হইলে ইহাই একমাত্র উপযুক্ত স্থান; মার আশ্রম, মাই যখন যা' দরকার করিবেন এবং

আমাদের ভবিষ্যৎ-চিন্তা বৃথা, ইত্যাদি মনে করিয়া জমিটি হস্তগত করা হইল। ত্রীযুত মথুরা নাথ বসু, ত্রীযুত নিশিকান্ত মিত্র ও ৩ বৃন্দাবন চন্দ্র বসাক এ বিষয়ে বিশেষ উদ্যোক্তা ছিলেন। ১৩৩৫ বঙ্গাব্দের ৩১শে চৈত্র ( ১৯২৯ ইংরেজীর ১০ই এপ্রিল ) সেই “পুরাণো বাড়ী”র ভগ্নাবস্থায় মায়ের পাদস্পর্শ করানো হইল। ৩নিরঞ্জন তখন স্ত্রী বিয়োগে ব্যথিত। সে দিন সে তথায় উপস্থিত ছিল। ২ মাস পরে তাহার মৃত্যু হয়। তাহার ভিকালরূ অর্থেই আশ্রমের ভিত্তি গড়িয়া উঠিয়াছে ; কাজেই তাহারা স্বামী-স্ত্রী যে লোকেই থাকুক না কেন, মার চরণ-রেণুর সহিত তাহাদের সম্বন্ধ চলিতেছে। আশ্রম সম্বন্ধে মা বলিয়াছিলেন,— “আশ্রম মানেই শুদ্ধ পবিত্র স্থান, যেখানে আসা মাত্রই ধর্মভাবের উন্মেষ হয়। সকলেই চেষ্টা করিবে যেন দিন-রাত্রি ইহার বায়ুমণ্ডল সাধন ভজন, সৎচিন্তা, সদালাচিনা প্রভৃতির প্রভাবে বিশুদ্ধ থাকে ; এখানে মাথা গুঁজিবার ছ’ একটি ছোট ছোট ঘর থাকিলেই যথেষ্ট। তাই সর্বপ্রথমে মায়ের জন্ম একখানি ছোট কুঁড়ে ঘর করা হইয়াছিল।

শ্রীশ্রীমায়ের চলাফেরা বা ভাবের খেলা অভাবনীয় রূপে বিচিত্র। কখন কি করেন, কেন করেন, তা’ বুঝিবার বা তাহাতে বাধা জন্মাইবার চেষ্টা করা বৃথা। ১৯শে বৈশাখ ১৩৩৬ বঙ্গাব্দে ( ১৯২৯ ইংরেজীর ২রা মে ) শ্রীশ্রীমা নূতন রম্ণা আশ্রমে প্রবেশ করেন। চতুর্দিকে আনন্দের রোল।

শ্রীযুত বাউলচন্দ্র বসাক আসিয়া ফুলের মালায়, ফুলের মুকুটে ও বলয়ের দ্বারা মাকে কৃষ্ণের মতো সাজাইলেন। মাও সকলের সঙ্গে হাসিয়া খেলিয়া আছেন। আমি দেখিলাম এত আনন্দের ভিতরেও যেন সব নিরানন্দ। আমি একান্তে দাঁড়াইয়া মায়ের হাবভাব লক্ষ্য করিতেছিলাম। বোধ হইতে লাগিল তাঁর দৃষ্টি ও মন কোথায় যেন উদাস হইয়া ঘুরিয়া বেড়াইতেছে। রাত্রি ২টায় আমি বাড়ীতে ফিরিলাম। পরদিন সন্ধ্যায় পিতাজী আমাদের পাড়ায় আসিয়াছিলেন, কে আসিয়া সংবাদ দিল তিনি যেন শীঘ্র আশ্রমে ফিরিয়া যান। পিতাজীর সহিত আমিও সেখানে গেলাম। রাত্রি তখন প্রায় ১০।১০।২। দেখিলাম সকলে উৎকণ্ঠিত ও বিষণ্ণ। শ্রীশ্রীমা আশ্রমের সীমা হইতে বাহির হইয়া ময়দানে বসিয়া রহিয়াছেন। শুনিলাম সেদিন ভোরে যে মা ঘর হইতে বাহির হইয়া আসিয়াছেন, এতক্ষণ দিন রাত্রি পর্য্যন্ত ঘুরিয়া ঘুরিয়া কাটাইয়াছেন। পিতাজীকে দেখিয়াই মা বলিলেন—“এ শরীরের বাবার সহিত কিছুদিন বেড়াইয়া আসি, তুমি আশ্রমে থাক।” পিতাজী অনেক প্রতিবাদের পর হঠাৎ “আচ্ছা” বলিয়া সম্মতি দিলেন। অনেকে মার সহিত রেল ষ্টেশনে গেল। আমিও পিতাজী আশ্রমে রহিলাম। পরে আমরাও ষ্টেশনে গেলাম। পিতাজী অনেক বিরক্তির সহিত মার সঙ্কল্প ফিরাইতে চেষ্টা করিলেন। মা কিন্তু একেবারে স্থির।

তখন মৈমনসিংহের গাড়ী ছাড়িবার বেশী দেরি নাই। মা গাড়ীতে উঠিয়া বসিলেন; পিতাজী আমাকে মার সঙ্গে যাইতে আদেশ দিলেন এবং বলিলেন, মা যদি নিষেধ করেন, আমি যেন গাড়ীর অন্ত্র কামরায় উঠিয়া পড়ি। তদনুযায়ী আমিও মার সঙ্গে রওনা হইলাম। রাত্রিতে যখন হঠাৎ এরূপ ভাবে এক বস্ত্রে আমি মৈমনসিং যাত্রা করিলাম, তখন প্রাণের ভিতর কি দ্বন্দ্ব চলিতেছিল তা বলিবার নয়। সূর্য্য যে কৰ্ম্মদেব ইহা খুব সত্য; প্রভাতের আলোর সঙ্গে সঙ্গে আফিসের ও পারিবারিক কত কর্তব্যের ঝঙ্কার মনে উঠিতে লাগিল তাহার ইয়ত্তা নাই। মানুষের কি দুর্গতি! সংসার শৃঙ্খলের কি অটুট নিগড় বন্ধন! বাঁর পদধূলির ঈষৎ স্পর্শের জন্ত বৎসরের পর বৎসর প্রাণ অহরহ আকুল, যিনি যমের হাত হইতে আমাকে ছিনাইয়া লইয়াছেন, আজ তাঁহার শ্রীচরণতলে বসিবার সুযোগ পাইয়াও মন নিরানন্দে ভারাক্রান্ত। বোধ হইতে লাগিল, আমাদের ভক্তি শ্রদ্ধা কেবল সাময়িক উচ্ছ্বাসের খেলা মাত্র, আমরা প্রকৃতপক্ষে ভোগ-বাসনারই সেবক। মাও তাই বলিয়া থাকেন,—“তোদের ভক্তি, ভালবাসা তো শরীরের উপর বাতাসের মত খেলিয়া বেড়ায়; অন্তরের অমৃত কোষাগার খুলতে না পারলে আসল জিনিষ কোথা হ’তে দিবি?” মৈমনসিং ষ্টেশনে পৌছিয়া মাকে জিজ্ঞাসা করিলাম—“কোথায় যাইবেন?” মা বলিলেন,—“পাহাড়ের

দিকে।” আমি বলিলাম—“সামনে বিষম বর্ষা আসিতেছে, বৃদ্ধ পিতাকে সঙ্গে নিয়া পাহাড়ে যাওয়া কি ঠিক হইবে? আপনি একান্তে থাকিতে চান, চলুন কল্পবাজার সমুদ্রতীরে যাই।” মা নীরব রহিলেন। সাধারণতঃ দেখা যায়, মা কোন কথাই একবারের বেশী বলেন না। যখন যা আদেশ বা ইঙ্গিত আসে তখন তাহা বিনা প্রতিবাদে, অবনত মস্তকে অক্ষরে অক্ষরে আমাদের মানিয়া নেওয়া উচিত। নতুবা ভাবিফল অনেক সময় খারাপ হয়। নিজেদের ভিতর নানা বুদ্ধি বিবেচনার পর বিকালের গাড়ীতে কল্পবাজার যাত্রা করিলাম। আশুগঞ্জ স্টেশনে গাড়ী আসিলে হঠাৎ বৃষ্টি বাতাস কতক্ষণ ধরিয়া চলিল। মা বলিলেন, “এ কি দেখিতে-ছিস্? কাল আরও দেখবি।” পরদিন চট্টগ্রাম পৌঁছিয়াই কল্পবাজারের ষ্টীমারে উঠিলাম। ষ্টীমার নদীমুখে সমুদ্রে যখন পড়িল, খুব ঝড় উঠিল; জাহাজ খুব ছলিতে লাগিল; জাহাজের উপর দিয়া ঢেউয়ের জল গড়াইয়া যাইতে লাগিল। যাত্রীরা ভয়ে চীৎকার করিতেছে, কান্নাকাটি করিতেছে। কিন্তু মায়ের আনন্দ দেখে কে?

সমুদ্রের খেলা দেখিয়া মা বলিলেন,—“দেখ, কেমন অবিরাম কৌর্ডন চলছে, ভক্তি ও সাধনার দ্বারা যদি মানুষ উন্নত হ’তে চায় তবে এরূপ অখণ্ডভাবে শ্রবণ, স্মরণ ও কৌর্ডন চাই।”

কল্পবাজার হইতে আদিনাথ গেলাম। আমি ঢাকা

ফিরিয়া আসি। মা তথায় রহিলেন। কিছুদিন পরে পিতাজী আসিয়া আদিনাথ হইতে মাকে কলিকাতা নিয়া গেলেন। সেখান হইতে মা তাঁহার বাবার সহিত হরিদ্বার চলিয়া যান।

পরে সহস্রধারা (দেরাহন), অযোধ্যা, বেনারস, বিষ্ণাচল, নবদ্বীপ প্রভৃতি নানাস্থান ঘুরিয়া কলিকাতা আসিয়া পিতাজীর সহিত একত্র হইয়া মা চাঁদপুর আসিলেন। মার সহিত কলিকাতায় আমার সাক্ষাৎ হয়। শুনলাম, মা অনেকদিন পর্য্যন্ত নিজের ভাবে মাটিতে চুপ করিয়া পড়িয়া থাকেন, সামান্য কিছু ফল ও সরবৎ খান। আমিও দেখিলাম তিনি যেন কলের পুতুলের মত কোনরূপে নিস্তেজ জড়পিণ্ডবৎ দেহটি নিয়া চলাফেরা করিতেছেন। মার তখনকার অবস্থা দেখিয়া আমার মনে হইয়াছিল যে ভগবান যখন দেহধারী হন, তখন তাঁহাকেও মানুষের জায় মায়া-জগতের খেলার অধীন হইয়া চলিতে হয়।

কিছুদিন পরে মা ও পিতাজী চাঁদপুর হইতে ঢাকা আসিয়া সিদ্ধেশ্বরী আসনে রহিলেন। পিতাজী অতিশয় পীড়িত হইয়া পড়িলেন। তিনি অনেক ভুগিয়া একটু সুস্থ হইতে না হইতেই মা একেবারে মারাত্মক ভাবে শয্যাশায়িনী হইলেন। মার এ পীড়া সন্থকে পূর্বেই উল্লেখ করা গিয়াছে।

১৯২৯ খ্রীষ্টাব্দের অক্টোবর মাসে রম্ণা আশ্রমে টিনের

একটি একচালা করিয়া ৩কালীমূর্তি তথায় স্থানান্তরিত করা হয়। ১৯৩০ খৃষ্টাব্দে নভেম্বর মাসে এক রাত্রিতে চোর প্রবেশ করিয়া বিগ্রহের হাত মোচড়াইয়া সোনার গহনাদি খুলিয়া লইয়া যায়। ভগ্নমূর্তি পূজা হইতে পারে না এই কথা উঠিলে, পণ্ডিতবর শ্রীযুক্ত পঞ্চানন তর্করত্ন মহাশয় বলিলেন, ভগ্ন-বিগ্রহের পূজা শাস্ত্রে নিষেধ আছে বটে, কিন্তু এস্থলে দেখা যাইতেছে যে কোন এক বিশিষ্ট মহাপুরুষের অনুজ্ঞায় নৈমিত্তিক পূজার পরও ৩কালীমূর্তি বিসর্জন না করিয়া, ইহার নিত্যপূজার ব্যবস্থা করা হইয়াছে, কাজেই তিনি যেরূপ বিধান করেন তদনুযায়ী চলা আবশ্যক। মার আদেশে সে মূর্তিরই সংস্কার করিয়া পূজা হইতে লাগিল।\*

ইহার পূর্বে মাকে আমি প্রায় নিবেদন করিতাম যে আশ্রমে কালীমূর্তির জন্ত একটি মন্দির চাই। তাহাতে মা হঠাৎ একদিন বলিয়াছিলেন—“এক বৎসর অপেক্ষা কর। ঠিক ঐ সময়ের ভিতর ১৯৩১ খৃষ্টাব্দের জানুয়ারীর প্রথমে শ্রীযুত নগেন্দ্রনাথ রায় ও শ্রীমান ভূপতিনাথ মিত্রের বিশেষ উৎসাহে ও পরিশ্রমে মন্দিরের ভিত্তি স্থাপিত হয়। মন্দিরের ভিত্তি খুঁড়িতে দেখা গেল যে বসা এবং শোয়া অবস্থায় ৪।৫টি বড় ও ছোট সমাধি রহিয়াছে। এ সমাধিগুলির সম্বন্ধে মা একদিন বলিয়াছিলেন—“এখানকার সারা জায়গাটি অতি পবিত্র; পূর্বে ইহা সন্ন্যাসীদের স্থান ছিল। তুইও

---

\* সেই মূর্তি আশ্রমস্থ মন্দির-গল্বরে এখন সমাহিত।



তীহাদের মধ্যে একজন। আমি ইহাদের মধ্যে কয়েকজন মহাপুরুষকে রমণার মাঠে বিচরণ করিতে দেখিয়াছি। সাধুদের নিশ্চয়ই আকাঙ্ক্ষা ছিল যে তীহাদের সমাধিতে মন্দিরাদি স্থাপিত হউক এবং তাহাতে দেবতার নিত্যপূজা, সাধন ভজনাতির দ্বারা এই স্থানটি জনসাধারণের ধর্মভাবের সহায়ক হইয়া পবিত্রতা রক্ষা করুক। তাই আজ এখানে এ সমুদয় কাজ হইতেছে। যাহারা এই অনুষ্ঠানের সম্পর্কে আসিয়াছে এবং আসিবে সকলেরই এ সকল মহাপুরুষদের সঙ্গে কোন না কোন বন্ধন ছিল জানিস্।” মাকে আমি জিজ্ঞাসা করিয়াছিলাম,—“যদি কোন জন্মে সন্ন্যাসী হইয়া থাকি তবে আজ এ অবস্থা কেন ?” মা তাহাতে বলিয়াছিলেন—“যা’কে দিয়ে যে কাজ করান আবশ্যক, কর্মক্ষয় না হওয়া পর্য্যন্ত তা’কে তজ্রপ কর্মে লিপ্ত থাকতেই হয়।”

আশ্রম হইবার পূর্বে শাহবাগে মার থাকাকালীন প্রায় সন্ধ্যায়ই কীর্তন হইত এবং উহা পূর্ণিমা ও অমাবস্তা রাত্রিতে দীর্ঘ সময় ব্যাপিয়া চলিত। একদিন পূর্ণিমা রাত্রিতে নিজের ঘরে শুইয়া আছি, তখন প্রায় ১১টা; আমি বেশ জাগ্রত। অনেকক্ষণ ধরিয়া কানের কাছে ‘হরে মুরারে মধুকৈটভারে’ এই মধুর ধ্বনি আসিতে লাগিল। আমার মনে হইতে লাগিল আজ বোধ হয় কীর্তনে মা ঐ পদটি গাহিতেছেন। তারপরদিন খবর নিয়া জানিলাম যে সেদিন সত্যসত্যই মা— “হরে মুরারে মধুকৈটভারে, গোপাল গোবিন্দ মুকুন্দ সৌরে”—

এ পদটির কেবল প্রথম অংশটুকু গাহিয়াছিলেন। কিন্তু কি ছরদৃষ্ট! ঈদৃশ কৃপাময় আকর্ষণ সত্ত্বেও কীর্তনের জ্ঞাত প্রীতি আসিত না। একদিন সন্ধ্যার সময় আমি ও ঔনিরঞ্জন শাহবাগে গিয়াছি। কীর্তন হইল। মা আদেশ করিলেন—“আজ যাহারা কীর্তনে যোগদান কর নাই, তাহারা সকলে নাম কর।” আমি ও ঔনিরঞ্জন অগ্ৰাণ্ড সকলের সঙ্গে লজ্জা ও সঙ্কোচের সহিত অম্পষ্ট সুরে নাম করিলাম, কিন্তু মার আদেশ যথাযথ ভাবে প্রতিপালন করিতে সমর্থ হইলাম না বলিয়া আমার বিশেষ অমুতাপ হইতে লাগিল। ইঠাৎ মা বলিয়া উঠিলেন—“আজ ত শনিবার, কাল রবিবার, তোমরা সকলে বসিয়া রাত্রে কীর্তন করনা কেন?” ঔনিরঞ্জন বাড়ীতে ফিরিয়া গেলে, আমি তথায় সারারাত্রি কীর্তনে কাটাইলাম। শেষ রাত্রিতে মা প্রভাতী সুরে গাহিলেন—“হরি হরি হরি হরি হরি হরি হরি হরি-বোল।” আমার প্রাণে এক অপূর্ব উদ্দীপনা জাগিল। সেদিন হইতে আমার প্রতীতি জন্মিল যে সাধন ভঞ্জে কীর্তনের স্থান কোন অংশে অগ্ৰাণ্ড সাধন হইতে কম নয়। বর্তমানে আশ্রমে যে শনিবারের কীর্তন হয়, উক্ত রাত্রিতেই ১৯২৬ সনের নবেম্বর মাসে উহার প্রথম আরম্ভ। সেদিন রাত্রে হরিনামের সঙ্গে মা-নামও যুক্ত হয়। তার কিছুদিন পরে সপ্তাহের প্রতিদিন এক একজনের বাড়ীতে কীর্তনের ব্যবস্থা হইয়াছিল।

শাহবাগে কীর্তনের সময় ‘হরিবোল’ কীর্তনই বেশী হইত। অনেক সময় আমার মনে আসিত যে সকলের সকল ভাবে এখানে ‘মা’ই যখন লক্ষ্য, মা’ নামে কীর্তনই তো সঙ্গত। কাহাকেও কাহাকেও ইহা বলিলাম, কিন্তু কেহই এ কথায় মনোযোগ দিলেন না। আমি নিজে কীর্তন করিতে পারি না। কাজেই চুপ করিয়া রহিলাম। শ্রীমান্ অনাথবন্ধু, ব্রহ্মচারী কমলাকান্ত প্রভৃতি আশ্রমে যোগ দিলে তাহাদিগকে বলিলাম,—“ধীরে ধীরে কীর্তনে মা নাম আনিবার চেষ্টা কর।” শ্রীযুক্ত কুলদাকান্ত বন্দ্যোপাধ্যায় তখন শাহবাগে নূতন আসিয়াছেন, ধর্ম কর্ম, পূজা যোগাদি অমুষ্ঠানে তাঁহার প্রগাঢ় নিষ্ঠা; তিনিও মা নাম কীর্তন সঙ্গত হইবে কিনা ইত্যন্ততঃ করিতেছিলেন। যা’ হোক হরি ও মা নাম মিলাইয়া কীর্তন চলিতে লাগিল। মাহুষের সংস্কারজ অভ্যাস ত্যাগ সহজ নয়। বিশেষতঃ ধর্ম্মানুশীলনে দশ জনের সঙ্গে স্রোতে গা ঢালিয়া দিয়া চলা আমাদের অধিকাংশেরই স্বভাব। যাহা বহুদিন হইতে চলিয়াছে তাহার ব্যতিক্রম করিতে মনে আশঙ্কাও হয়।

তখন আমি ভাবিতাম ধ্যানে রহিল মায়ের ছবি। দেহ ও মন মায়ের পদরেণু স্পর্শ করিবার জন্ত উদগ্র, চোখের উপর মায়ের মূর্তি ভাসিয়া বেড়াইতেছে। মার কথা শুনিবার জন্ত প্রাণ আকুল। অন্তরের অন্ধাভক্তির দ্বারা তাঁর শ্রীচরণ-মুখে প্রবহমান, আর কীর্তনের সময় যদি “প্রাণগোঁরাঙ্গ

নিত্যানন্দ” কিংবা “এস হে গৌর, বস হে গৌর, আমার হৃদয় প্রাঙ্গণে,” এইরূপ কীর্তনে গড়াগড়ি দিই, তবে আমাদের চিত্তগতির সহিত কীর্তনের কথার সঙ্গতি হইতেই পারে না।

পূজা বা ধ্যান-ধারণার মত কীর্তনাদিরও একমাত্র উদ্দেশ্য ভাবে ডুবিয়া চিত্তবৃত্তিকে একমুখী করা ;—সকল বহুমুখী বাসনা কামনাকে একতানে আরাধ্য দেবতার দিকে উদগ্ৰ করিয়া তোলা। তখন আমার প্রায়ই মনে হইত বিবিধ পদাবলির বিচিত্র ভাব ও সুরের বিলাসে মন প্রাণকে সরস করিয়া তোলার চেষ্টা না করিয়া যে ইষ্ট মূর্তির দিকে চিত্ত স্বতঃই আকৃষ্ট হইতেছে গানের<sup>\*</sup> ভাব ও সুরের গতি যদি সেই এক লক্ষ্যে প্রবাহিত করিয়া দেওয়া যায়, ভজনকীর্তনের মধ্যে প্রাণ আসিবে এবং আমাদের চিত্ত একটি পরম আশ্রয়স্থান লাভ করিতে পারিবে।

যদি আমরা একনিষ্ঠ মাতৃসেবক হইতে পারি তবে এক মা নামের কীর্তনের সুরেই সব সাধু সজ্জনের পদাবলীর ভাব ও সুরের সকল ঐশ্বর্য্য ফুটিয়া উঠিতে পারে। মা শব্দ তো সকল মানবের আদি নিত্যশব্দ। জন্মের সঙ্গে এই বাণী প্রথম মানব-মুখে উদগত হইয়া থাকে এবং যতদিন জীব বাঁচিয়া থাকে স্বাসে ওঁম্ ( ওঁয়া বা মা শব্দেরই রূপান্তর ) এবং প্রশ্বাসে “মা” সকলে আমরা উচ্চারণ করিয়া থাকি। বিশেষত এই “মা” নাম সকল জাতির, সকল সম্প্রদায়ের সহজাত ধ্বনি, পরম সম্পদ।

যদি আমরা মাকে জগৎ-জননী বলিয়া সত্যই মনে

করিয়া থাকি তবে “মা” নামের কীর্তনই আমাদের স্বাভাবিক সহজ সাধনা হওয়া উচিত ।

এই সময় কীর্তনের মধ্যে প্রথম “মা” নাম যুক্ত করিয়া দিয়া আমি একটি গান রচনা করি । তাহা এইখানে উদ্ধৃত হইল :—

হরিষে বিষাদে কিবা সুখে দুঃখে  
ডাক মা, মা, মা, মা, মা,  
মা মা মা মা মা মা মা মা মা মা মা ;  
মাতৃ-গর্ভ হ’তে যখনি পড়িয়া,  
নিল তুলি কোলে জননী আসিয়া,  
করিল দীক্ষিত মস্ত্রে ওঁয়া

ডাকিতে শিখিলে মা, মা, মা ;  
আপনাতে ভর করিয়া আপনি  
গিয়াছ ভুলিয়া সেই আদি ধনি,  
তাই বেদতন্ত্রে বেড়াও খুঁজিয়া  
অসীম অনন্ত সীমা ।

যদি ছদি-তত্ত্ব বুঝিবারে চাও,  
নামরূপ সুর মা বীজে ডুবাও ;  
ভাস আঁখিজলে মা, মা, মা বলে

কর পথের সম্মল শ্রীআনন্দময়ী মা ।

১৯২৮ খ্রীষ্টাব্দের প্রথমে, আমি গিরিডিতে ছিলাম,  
পিতাজী ও মা হঠাৎ একদিন তথায় পদার্পণ করিলেন ।

আমি তাঁহাদিগকে নিবেদন করিলাম সকল আশ্রমের মতো আমাদের আশ্রমেও কীর্তনের একটি বিশেষ বাঁধা নাম থাকা প্রয়োজন। আশ্রমের সকল চিন্তা ও কর্মধারা যাঁকে কেন্দ্র করিয়া চলিতেছে, সাধনের, কীর্তনের সুরও তাঁর নামের সঙ্গে সঙ্গত হইয়া গেলে সাধন-প্রচেষ্টায় জোর বেশী হইবে। হরি ও মা নাম সংযোজিত করিয়া নানা রকম পদ তৈয়ারি হইল, উহার একটি ঢাকায় কুলদা দাদার নিকট পাঠানো স্থির হইল। মা চলিয়া গেলে উহা ঢাকায় পাঠাইব, এমন সময়, আমার প্রাণে কি এক প্রবল ভাবের উদয় হইল, কেবল মা নাম দিয়া এক নূতন পদ তৈয়ারি হইয়া গেল :—

মা মা মা মা মা মা মা,

ডাক মা মা মা মা,

বল মা মা মা মা,

গাও মা মা মা মা,

ভজ মা মা মা মা,

জপ মা মা মা মা,

ডাক, বল, গাও, ভজ, জপ মা মা মা ॥\*

---

\* যেমন এক সুর হইতেই সা, রে, গা, মা, ইত্যাদি সপ্ত বিভাগ তজ্জপ এক মাঝেই লক্ষ্য করিয়া মা, মা মা, মা, মা, মা মা, এই সাত শব্দে কীর্তনের পদ রচিত হইয়াছে। অভ্যাসে প্রতিষ্ঠিত হইতে হইলে একই লক্ষ্যে, এক ধ্বনির আশ্রয়ে চিন্তকে সমাহিত করিতে হয়। তখন ভাবোন্মাদনা সহজ হয়; সেই একই ধ্বনির স্পন্দনে সমগ্র দেহের ও মনের স্পন্দনের ঐক্যতানতা জন্মে।

ইহা ঢাকায় কুলদা দাদার নিকট পাঠানো হইলে তিনি লিখিলেন যে পদটি সকলের চিত্ত আকর্ষণ করিয়াছে এবং তদ্রূপ কীর্তনের ব্যবস্থা করা হইয়াছে।

ইহাই হইল মা কীর্তনের প্রথম সূত্রপাত। অভাব না হইলে মানুষ প্রকৃতভাবে আসিতে পারে না। যখন উপরোক্ত কীর্তনের পদ প্রবর্তিত হইয়াছিল, তখন কয়েক মাস ধরিয়াই মা ঢাকার বাহিরে ছিলেন, কাজেই বিয়োগ-বিধুর ভক্তের প্রাণে মধুর মা ডাকের মধুরতা প্রাণের অন্তঃস্থল পর্য্যন্ত সাড়া দিয়াছিল।

যখন রমণা আশ্রম তৈয়ার হইল মার মুখ নিঃসৃত পূর্বোক্ত সূক্তের পদগুলি প্রত্যহ কীর্তনের পূর্বে ভক্তনের মত গান করা হইত। ১৩৩৬ বঙ্গাব্দের ( ১৯৩১ খ্রীষ্টাব্দের ) অগ্রহায়ণ মাসের শেষাংশে মা একদিন আমাকে ডাকিয়া বলিলেন—“এ স্তোত্রটি অসম্পূর্ণ, আর কোন ভক্তনের ব্যবস্থা করিতে পারিস্ না কি?” আদেশ শিরোধার্য্য করিলাম; ভাবিতে লাগিলাম সংস্কৃতে কতই না স্তব, স্ততি আছে, কিন্তু বাঙ্গালীর ভজন বাঙ্গালা ভাষাতেই শুনাইবে ভাল। কয়েকদিন পরে শ্রীশ্রীমায়ের কল্যাণময় ঈজিতে হঠাৎ শেষ-রাত্রি ৩টার সময় এক প্রেরণা আসিল—অমনি নিম্ন-লিখিত ভজনটি মায়ের কৃপায় রচিত হইয়া গেল। ”

( ১ )

ভজন

(জয়) হৃদয়-বাসিনী শুদ্ধা সনাতনী ( স্ত্রী ) আনন্দময়ী মা ।

ভুবনউজ্জ্বলা জননী নির্মলা পুণ্যবিস্তারিণী মা ॥

রাজরাজেশ্বরী স্বাহা স্বধা গৌরী প্রণবরূপিণী মা ॥

সৌম্যাসৌম্যতরা সত্য মনোহরা পূর্ণাপরাংপরী মা ॥

রবিশশিকুণ্ডলা মহাব্যোমকুন্তলা বিশ্বরূপিণী মা ।

ঐশ্বর্য্যভাতিমা মাধুর্য্যপ্রতিমা মহিমামণ্ডিতা মা ॥

রমা মনোরমা শান্তি শাস্তা ক্ষমা সর্বদেবময়ী মা ॥

সুখদা বরদা ভকতিজ্ঞানদা কৈবল্যদায়িনী মা ॥

বিশ্বপ্রসবিনী বিশ্বপালিনী বিশ্বসংহারিণী মা ।

ভক্তপ্রাণরূপা মূর্ত্তিমতী কুপা ত্রিলোকতারিণী মা ॥

কার্য্যকারণভূতা ভেদাভেদাতীতা পরম দেবতা মা ।

বিজ্ঞাবিনোদিনী যোগিজনরঞ্জিনী ভবভয়ভঞ্জিনী মা ॥

মঙ্গলবীজাঙ্ঘ্রিকা বেদপ্রকাশিকা নিখিলব্যাপিকা মা ।

সগুণা স্বরূপা নিগুণা নিরূপা মহাভাবময়ী মা ॥

মুগ্ধ চরাচর গাহে নিরন্তর তব গুণ মধুরিমা ।

(মোরা) মিলি প্রাণে প্রাণে প্রণমি (স্ত্রী) চরণে জয় জয় জয় মা ॥

ভাক মা মা মা মা মা মা মা,

বল মা মা মা মা মা মা মা,

গাও মা মা মা মা মা মা মা,

ভজ মা মা মা মা মা মা মা,

জপ মা মা মা মা মা মা মা,

\* ভাক মা মা মা মা মা মা মা,

মা মা মা\*



## নবজীবনের পথে

শ্রীশ্রীমায়ের প্রথম দর্শন-সৌভাগ্যের পর হইতেই সংসারের অগণ্য বিক্ষেপ ও বিক্ষোভের মধ্যেও নিত্যানন্দময়ী মাতৃমূর্তির সরল স্নিগ্ধদৃষ্টি আমাকে পাগলের মত সর্বদা আকুল করিয়া রাখিত। তাঁহার কৃপাবিন্দুর জন্ম হৃদয়ে অবিরাম উৎকণ্ঠা জাগ্রত থাকিত। আকাশের দিকে উৎক্ষিপ্ত মহাসাগরের তরঙ্গ-কোলাহলের মত আমার প্রাণের মধ্যেও মায়ের শ্রীচরণ লক্ষ্য করিয়া গভীর উচ্ছ্বাস দিনরাত্রি শেঁ। শেঁ। রবে ধ্বনিত হইত। কখনও কখনও মা মা রবে কিছুক্ষণ চীৎকার করিতে পারিলে প্রাণে কতকটা শান্তি বোধ করিতাম। কিন্তু প্রথমে আমার সেরূপ সুযোগও কম ছিল।

শ্রীশ্রীমায়ের স্থূলমূর্তিতে নানাবিধ ভাব দেখিয়াছি বলিয়া তাঁহার সম্মুখে উপস্থিত হইলে আমি বিস্ময়ে ও হর্ষে কুঞ্চিত হইয়া পড়িতাম। আমার তখন মনে হইত আমি একটি শিশু বা দীনাতিদীন ভিখারী, তাঁহার শ্রীচরণতলে বসিবার সম্পূর্ণ অযোগ্য। তখন আমি প্রথমে কখনো মায়ের পদতলে বসিতে পারি নাই, কিছু দূরে দাঁড়াইয়াই থাকিতাম। প্রায়ই প্রত্যহ প্রাতে তাঁহার শ্রীচরণদর্শন লাভ জনিত সৌভাগ্য সর্বপ্রথমে আমারই ঘটিত, কেননা অত প্রত্যুষে খুব কম লোকেই আশ্রমে যাতায়াত করিত। কোন কোন দিন দেখিয়াছি,



ভাইজীর শিরে শ্রীশ্রীমা ও বাবার অভয়-স্পর্শ



ঘুমন্ত চোখে তুলুতুলুভাবে মা বিছানার একপাশে নির্জালস ভাবে বসিয়া আছেন, কখনো বা তাঁহার চিরহাস্যমধুর চোখ মুখ হঠাতে বাৎসল্য ও করুণার ধারা যেন অজস্র চারিদিকে ছড়াইয়া যাইতেছে, কখনো কখনো উদার প্রসন্নতার অনাবিল প্রসারে তিনি শরতের আকাশের মতো নিশ্চল হইয়া বিরাজ করিতেছেন। তাঁহার ভাবের পরিবর্তনের সঙ্গে সঙ্গে তাঁহার রূপের পার্থক্য সর্বদা লক্ষিত হইত। কখনো বা বুদ্ধার মত তাঁহাকে দেখাইত। কখনো বা অজস্র হাসিখেলার প্রাচুর্যের মধ্যে হঠাৎ অচল, অটল গাভীর্ধ্যপূর্ণ ভীতিকর মূর্তির প্রকাশ হইয়া পড়িত। শেষোক্ত অবস্থার সময় দেখা যাইত মায়ের শরীর বিপুল স্ফীত হইয়া পড়িয়াছে এবং রুজাণীর মতো এক দেবীমূর্তির আবির্ভাব হইয়াছে। সে সময় তাঁহার সেই স্বতোদগত অট্টহাসি, ঘূর্ণিত চক্ষু, হস্তপদাদির চালনাভঙ্গী যে দেখিয়াছে সেই ভয়ে আড়ষ্ট হইয়াছে। কিন্তু কিয়ৎক্ষণের মধ্যেই তাঁহার সহজ স্বতোদগত প্রশান্তি ফিরিয়া আসিত।

কিন্তু সকল সময়েই মায়ের আকর্ষণ আমি এমন নিবিড় ভাবে অনুভব করিতাম যে তাঁহার নিকটে আসিতে না পারিলে আমার কিছুই ভাল লাগিত না; কেবল কতক্ষণে ছুটিয়া গিয়া মায়ের পদতলে আশ্রয় নিতে পারিব মনের ভিতর এই ঐকতান ধ্যান চলিত। আমার বোধ হইত তিনি যেন সকল সময়ে—“আয়, আয়,” বলিয়া আমার অন্তরাত্মাকে আহ্বান করিতেছেন, সকল সময় যেন তিনি আমার মুখের

দিকে নির্নিমেষ-নয়নে তাকাইয়া রহিয়াছেন। অনেকদিন ক্লান্ত দৃঢ়তার সহিত তাঁহার চিন্তা চিন্তপট হইতে সরাইবার চেষ্টা করিয়াছি। কিন্তু তিনি আমার সকল বিরুদ্ধ ইচ্ছা-শক্তিকে উপহাস করিয়া মন-বুদ্ধিকে অনায়াসে আয়ত্ত করিয়া ফেলিতেন। আমি হয়রান হইয়া জড়পিণ্ডবৎ পড়িয়া থাকিতাম। মাতৃভাবের এই প্রাণগ্রাসী ক্ষুধা নিবৃত্ত করিবার জন্য কোন উপায় খুঁজিয়া পাইতাম না। এইরূপে দুর্বল শরীর ক্রমশঃ ক্ষয় হইতে লাগিল।

অবশেষে ১৯২৭ খ্রীষ্টাব্দের ৪ঠা জানুয়ারী “আমি আর পারি না” বলিয়া শরীর শয্যা গ্রহণ করিল। রোগের প্রারম্ভে বুকের মধ্যে ছুঁর্বিসহ যন্ত্রণা অনুভব করিতেছিলাম। কোন ঔষধেই তাহার উপশম হইল না। মা একদিন দেখিতে আসিয়া, আমার বুকে তাঁহার হাতখানি রাখিলেন, সকল জ্বালা যেন নির্বাপিত হইয়া গেল। ক্রমে ক্রমে রোগের তীব্রতা বাড়িতে লাগিল। ডাক্তারেরা বলিল, আমার যক্ষ্মা রোগ দাঁড়াইয়াছে। পরে মা এক রাত্রিতে আসিলেন, আমার শয্যার নিকট বসিয়া আপন মনে কি কি বলিলেন। বহুদিন পরে শুনিয়াছিলাম তিনি রোগের মূর্ত্তিটিকে বলিয়াছিলেন,— “যা’ করবার তো করেছিস্, এইখানেই এখন থেমে যা’।” তখন হইতে মা আমাকে দর্শনদান বন্ধ করিলেন। নিতান্ত শোচনীয় মুমূর্ষু অবস্থাতেও কয়েক মাস তাঁহার ত্রীচরণ সাক্ষাতের সৌভাগ্য আমার অদৃষ্টে ঘটে নাই।

ইহারও দরকার ছিল। কারণ তাঁহার অভাবজনিত নিদারুণ ব্যাকুলতা আমার দারুণ রোগযন্ত্রণাকে অনেক প্রশমিত করিয়া রাখিয়াছিল। আমার লক্ষ্য সর্বদা মার চরণে ঘুরিয়া ফিরিয়া থাকিত বলিয়া, তিনি সর্বময়ী হইয়া আমার ভিতরে বাহিরে বিরাজিতা ছিলেন। একদিন শাহ-বাগে বসিয়া মা দেখিলেন, সকলের মুখেই যেন রক্ত। পিতাজী একথা শুনিবামাত্রই রাত্রে আমাকে দেখিতে আসিলেন; তখন আমার রক্তবমন হইতেছে, আমি নিতান্ত কাতর হইয়া পড়িয়াছি। এমন অনেকদিন গিয়াছে যখন মা শাহ-বাগে বসিয়া কোন খবর পাইবার পূর্বে আমার তখনকার অবস্থানুযায়ী ব্যবস্থা জানাইয়া দিতেন।

এক রাতে আমার অবস্থা খুব খারাপ হইয়া পড়িল। ডাক্তারেরা বলিল, আমার জীবনের আশা কম। রাত্রি তখন প্রায় দুইটা; বাহিরে ঝম্ ঝম্ বৃষ্টি নামিয়াছে, চারিদিকে কুকুরগুলি চীৎকার করিতেছে। বিষম বিভীষিকায় আমার শরীর কাঁটা দিয়া উঠিতেছে। আমি দেখিতেছি প্রত্যক্ষ মা যেন আমার শিয়রের ডান দিকে বসিয়া রহিয়াছেন, আমি মাকে ঐ সময় দেখিয়া বিস্মিত হইতেই মা যেন আমার মাথায় হাত রাখিলেন। তখন হইতে ৮।১০ মাস পর্যন্ত যতদিন আমি শয্যাগত ছিলাম সর্বক্ষণই বোধ করিয়াছি যে মা আমার শিয়রে ধীর স্থির ভাবে বসিয়া রহিয়াছেন এবং তিনি আমাকে যত্নের হাতে ছাড়িয়া দিবেন না। কখনো কখনো স্বপ্নের

পর ঘণ্টা কাসির বেগ সহ্য করিতে না পারিয়া যখন যন্ত্রণায় ছটফট করিতাম, তখন মার নাম জপ করিতে করিতে সকল উপজ্বব দূরীভূত হইয়া যাইত। ইহার ভিতর মার এক খেলাল হইল, আমাকে উপলক্ষ করিয়া ব্রহ্মচারী শ্রীমান যোগেশচন্দ্রকে এক বৎসরের জন্ত অনিকেত অবস্থায় ভিক্ষায় অতিবাহিত করিবার জন্ত পশ্চিমাঞ্চলে পাঠাইয়া দিলেন।

কয়েক মাস পরে আমি শাহবাগের নিকট গবর্ণমেন্টের এক বাড়ীতে আসি। মা তখন কুস্তুর মেলায় হরিদ্বার চলিয়া আসেন। আমার অবস্থা আবার খারাপ হইলে মার নিকট হৃষিকেশে এক টেলিগ্রাম যায়। মা আসিলেন না। পরে শুনিয়াছি টেলিগ্রাম পাইয়া পিতাজী যখন ব্যস্ত হইলেন, মা তাঁহাকে বলিয়াছিলেন—“আমি তো দেখতে পাচ্ছি সে আমার কোলে নিশ্চিন্তে শুয়ে রয়েছে।”

রোগের প্রায় পাঁচ মাস পরে ইনজেকশান ইত্যাদিতে কিরূপ শক্তিশাল্য করিয়াছি দেখিতে গিয়া দেওয়াল ধরিয়া ঘরের মধ্যে ছ’ এক মিনিট চলিতে চেষ্টা করি। তাতে সন্ধ্যায় মুখ দিয়া রক্ত পড়ে। ডাক্তার ইহা শুনিয়া আমাকে একেবারে বিছানায় শুইয়া থাকিবার জন্ত বলিয়া যায়, এবং এই নিয়ম যাহাতে রক্ষা হয় সে বিষয়ে সকলকে সতর্ক করিয়া যায়।

উক্ত ঘটনার ৪৫ দিন পরে মা ঢাকায় ফিরিলেন এবং আমাকে দেখিতে আসিয়া জিজ্ঞাসা করিলেন—“কেমন

আছিল?" আমি বলিলাম—"অন্য কোন উপদ্রব বিশেষ বোধ করি না, তবে অনেকদিন ধরে স্নান না করাতে বড় অস্বস্তি লাগছে" তখন বৈশাখ মাস। খুব গরম। মা কিছুক্ষণ বসিয়া চলিয়া গেলেন। পরদিন বেলা একটার সময় আসিলেন। তখন বাড়ীর সবাই নিদ্রিত। আমার ১১।১২ বৎসর বয়স্কা মেয়েটি আমার বিছানার নিকট ঘুমাইতেছিল। মা আসিয়া বলিলেন,—“তুই স্নান করতে চেয়েছিলি,—যদি স্নান করতে হয় তবে ঐ যে পুকুরটি আছে, তাতে স্নান ক’রে আয়।”

ঐ পুকুরটি আমার বাড়ী হইতে প্রায় ৬০৮০ গজ দূরে। মার কথা কাণে পৌঁছিবামাত্রই শ্রদ্ধায় ও আত্মগত্যে আমার শরীরে এক অভিনব শক্তি জাগিয়া উঠিল। শরীরে ত হাড় কয়খানি ছাড়া আর কিছুই ছিল না, তার উপরে ডাক্তারের আদেশ শয্যাভ্যাগ না করা। এই অবস্থায় আমি বিছানা হইতে তৎক্ষণাৎ নামিয়া কাপড় হাতে করিয়া স্নানের জন্ত চলিতেই পিতাজী আমাকে ধরিলেন এবং সঙ্গে সঙ্গে পুকুর পর্য্যন্ত লইয়া গেলেন। ঘরের ভিটি প্রায় ৩৪ হাত উঁচু ছিল। খাপ দিয়া নামিয়া সমস্ত পথ হাঁটিয়া গেলাম। পুকুরটি রিজার্ভ পুকুর ছিল, ইহার এক পাড়ে ইউনিভারসিটির মুসলমান বোর্ডিং। কিছুদিন পূর্বে পি, ডব্লিউ, ডি এক নোটিশ দিয়াছিল যেন ঐ পুকুরে স্নান ও কাপড় কাচা না হয়। সেদিন সে বোর্ডিংয়েও কাহাকেও দেখা গেল না, বাড়ীতেও



সকলেই নিজামগ্ন। পুকুরে নামিয়া খুব আনন্দে স্নান করিলাম ; বাড়ীতে ফিরিয়া ভিজ্জা কাপড়খানি দড়ির উপর মেলিয়া দিয়া বিছানায় শুইয়া পড়িলাম। আমি শুইতে না শুইতেই মেয়েটি জাগিয়া দেখিতে পাইল, মা তাহার গায়ের কাছে বসিয়া আছেন। স্নান করিবার জন্ত যাইতে মাঠে অনেক চোরকাঁটা কাপড়ে লাগিয়াছিল ; কাপড় তুলিবার সময় খগা তা' দেখিতে পাইয়া আমার স্ত্রীকে বলে। তিনি কাপড়খানি হাতে করিয়া মাকে বলিলেন যে ডাক্তারের নিষেধ উপেক্ষা করিয়া নিশ্চয়ই আমি ছপুরে মাঠে মাঠে ঘুরি। মা হাসিতে লাগিলেন, কিছুই ভাল মন্দ বুলিলেন না। কি এক অনির্বচনীয় অলক্ষ্য শক্তিতে পরিচালিত হইয়া আমি পুকুরে যাওয়া আসা ও ডুব দিয়া স্নান করিলাম এবং দিনে ছপুরে লোক-চক্ষুর অন্তরালে কি অচিন্ত্যনীয়রূপে এ ঘটনা ঘটয়া গেল, আমি ভাবিয়া বিস্মিত হইলাম। ৩৪ মাস পরে যখন হাওয়া পরিবর্তন উপলক্ষে ঢাকা ত্যাগ করি ৷নিরঞ্জনের নিকট এই কথা প্রথম প্রকাশ করি। পরে চাকরীতে হাজির হইয়া ডাক্তারদের এই কথা বলাতে তাঁহারা বলিলেন—‘এ হ’তেই পারে না।’ জ্বরও অমুরূপ ধারণা হয়। আমার কাপড়ে চোরকাঁটার প্রসঙ্গ করাইয়া দেওয়াতে তাঁহারা বিশ্বাস জন্মে।

রোগের কঠিন অবস্থায় আমার একবার ভাত খাইবার প্রবল ইচ্ছা জন্মে। ডাক্তারেরা নিষেধ করেন। ৷নিরঞ্জন

গিয়া মাকে বলে—“মা, জ্যোতিষ ভ ভাত খেতে চায়, ডাক্তারেরা নিষেধ করে, যদি তাহার দেহত্যাগ হয়, তবে বড় দুঃখ থেকে যাবে যে তার মুখে ছুটি অন্ন দেওয়া গেল না।” মা হাসিয়া বলিলেন,—“তোমার যখন এরূপ ইচ্ছা, তাকে ভাত খাওয়ানো হইবে।” ইহার পরে একদিন পিতাজী শাহবাগ হইতে আসিয়া সকলের আড়ালে আমাকে ডাল, ভাত খাওয়াইলেন।

একদিন প্রাতে ব্রহ্মচারী কমলাকান্ত আমাকে কতকগুলি চাঁপাফুল আনিয়া দিল। তখন মা প্রত্যহ আমাকে একবার দেখিয়া যাইতেন। সেদিন খুব ভোরে আসিয়া চলিয়া গিয়াছেন। চাঁপা ফুলগুলি দেখিয়া আমার দুঃখ হইল যে উহা মায়ের চরণে অর্পণ করিতে পারিলাম না। বিকালে কুলদা দাদা একটি সুন্দর গোলাপ লইয়া উপস্থিত। এই ফুলটিও মাকে দিতে পারিলাম না বলিয়া মনে বড় দুঃখ বোধ হইতে লাগিল। টেবিলে চাঁপাফুলের উপর গোলাপটি রাখিয়া দেওয়া হইল। এমন সুন্দর ফুলগুলি মায়ের ত্রীচরণে পড়িল না, এই ব্যথায় মর্মে মর্মে স্পীড়িত হইতেছি, ঠিক এমন সময় মা হঠাৎ বাহির হইতে ব্যস্ত-ত্রস্তভাবে ঘরে প্রবেশ করিয়া সোজাসুজি টেবিলের নিকট গিয়া ত্রিভঙ্গ মূর্তিতে দাঁড়াইলেন; বড় উন্নয়নভাবে ৩৪ মিনিট আমার দিকে একদৃষ্টে তাকাইয়া চলিয়া গেলেন। আমার মনে হইল, টেবিলের উপর ফুলগুলি মা গ্রহণ

করিয়াছেন। দেখি কি গোলাপ ফুলটি নাই। পরদিন মা আসিলে ফুলের কথা তাঁহাকে জিজ্ঞাসা করিলাম। তিনি বলিলেন—“কি নিয়াছি, না নিয়াছি, জানিনা; তবে কিছু নিয়াছিলাম। প্রথমতঃ এখান হ’তে ধান-কোড়ার জমিদার বাড়ী যাই, তথায় একটি স্ত্রীলোক হাত পাতে তাকে কিছু দিই, সেখানে কীৰ্ত্তন হ’য়ে গেলে ফিরবার পথে এক ডেপুটির বাড়ী যাই; তথায় এক রোগিনী ছিল তাহার বিছানার উপর হাত হ’তে আর কিছু ফেলিয়া আসি।” পরে অনুসন্ধানে জানা গিয়াছিল যে প্রথম বাড়ীতে গোলাপ ফুলটি ‘দিয়াছিলেন। দ্বিতীয় স্থানে একটি চাঁপাফুল পাওয়া গিয়াছিল এবং সে রোগিনী ব্যাধিমুক্ত হইয়াছিলেন।

এ প্রসঙ্গে মা বলিয়াছিলেন—“আকুল ভাবই পূজা, অর্চনার আশ্রয়। অন্তরেই মহাশক্তির প্রস্রবণ এবং সকল চেষ্টাতেই সৃষ্টি, স্থিতি ও প্রলয়ের মূল বিদ্যমান।”

আর একদিনের কথা মনে পড়িতেছে। আমার রোগের সময় পিতাজী আদেশ করিলেন যে শাহবাগ হইতে প্রত্যহ আমার জন্ম অন্তপ্রসাদ আসিবে। সেখানে ভোগ হইতে প্রায় মধ্যাহ্ন ১২টা হইত। তারপর আমার বাড়ীতে ভোগ পৌছিতে আরো দেড়ী হইত। প্রসাদের অপেক্ষায় রোজ বেলা শেষ পর্যন্ত বসিয়া থাকা

সবাই বিরক্তির ব্যাপার মনে করিত। পূর্ণিমার ভোগ রাত্রিতে হয়। সেদিন প্রসাদের বিষয়ে আমার বাড়ীতে নানা বিরুদ্ধ আলোচনা হয়। বড় দুঃখে আমার মনে হইতে লাগিল যে এত গোলমালের ভিতর প্রসাদ আনার প্রয়োজন নাই। সে রাত্রে ২টা বাজিয়া গেল, প্রসাদ আর শাহবাগ হইতে আসেনা। আমি ভাবিলাম, সন্ধ্যার সময় প্রসাদ বাড়ীতে না আনার জন্য যে বিরুদ্ধভাব আমার ভিতর উদয় হইয়াছিল, তাহাতেই প্রসাদ বুঝি বন্ধ হইল। আমি খুব কাদিতে লাগিলাম। দেখি আধ ঘণ্টার ভিতরই প্রসাদ আসিয়া উপস্থিত। শুনিলাম ১১টার সময় প্রসাদ আনিবার জন্য মায়ের অনুরোধ চাহিলে তিনি নিষেধ করেন। এইমাত্র মা বিছানা হইতে উঠিয়া আদেশ দিলেন, “শীঘ্র গিয়ে জ্যোতিষকে প্রসাদ দিয়ে আস”। তখন রাত্রি ৩টা। এ প্রসঙ্গে মা বলিয়াছিলেন—“আমি তো আর ইচ্ছা ক’রে কিছু করি না, তোরা তোদের ভাবেই হাসি কান্নার সৃষ্টি করিস্।”

আমি অনুস্থাবস্থায় পরিবর্তনের জন্য বিদ্যাচল গেলাম। কলিকাতায় মার দেখা পাইয়া বিদ্যাচল বাইবার জন্য প্রার্থনা করিয়াছিলাম, মা স্বীকৃতি হইলেন না। আমি বিদ্যাচলে গিয়া একরাত্রি কাঁদিয়া কাঁদিয়া ভোর করিলাম। একদিন পরেই দেখি মা ও পিতাজী সেখানে উপস্থিত হইয়াছেন।

এই উপলক্ষে মা বলিয়াছেন—“আমাকে’ সরাইতে

পারলে 'ভোমাকে' পাওয়া যায়। সাধন-ভজনের লক্ষ্যই হচ্ছে অহঙ্কার চুরমার ক'রে দেওয়া।”

বিক্যাচল হইতে আমি চুনার গেলে মাও সেখানে আসিলেন। আমাকে বলিলেন—“তুই বেড়াতে-যাস্ তো?” আমি বলিলাম,—“শরীরে বল পাই না, কেমন করিয়া হাঁটিব?” মা তার পরদিন ভোরে আমাকে সঙ্গে করিয়া বাহির হইলেন। সমান জায়গায় ও পাহাড়ে ক্রমাগত ৫৬ মাইল ঘুরিয়া বেলা ১১ টার সময় বাসায় ফিরা হয়। পাহাড় হইতে নামিবার সময় আমার পা আর চলে না। মা পিছন ফিরিয়া বলিলেন—“আর বেশী দূর নাই।” তখন দেখি কি একার আড্ডা হইতে বহুদূরে এক অপ্রকাশ্য রাস্তায় দশ মিনিটের মধ্যে এক একা মিলিয়া গেল। নতুবা আরও এক মাইল আসিয়া গাড়ী ধরিতে হইত। আমার আশঙ্কা হইল এতদূর হাঁটায় রোগ বৃদ্ধি পায় নাকি। কিন্তু কোন উপদ্রব হইল না।

এ প্রসঙ্গে মা বলিয়াছেন—“কর্ষ ও ধর্ম জগত উভয় ক্ষেত্রেই ধৈর্য্যই প্রধান অবলম্বন।”

চুনারে আমার বাসার কিছুদূরে এক গাছতলায় রাত্রি ৯ টার সময় পিতাজী, মা ও আমি বসিয়া আছি। মা বলিলেন—চুনার কোর্টের কুয়ার জলে তিনি স্নান করিবেন। এই বলিতে বলিতে তিনি ছেলে মানুষের মত আবদার করিতে লাগিলেন। আমি বলিলাম—“বাড়ী হইতে চাকর

ডাকি।” মা বলিলেন—“না, তা’ হবে না।” মহা চিন্তায় পড়িয়া গেলাম। কারণ ঐ দেশে সন্ধ্যার পূর্বেই সকলে যার যা’ দরকার জল তুলিয়া নিয়া যায়। আমার অত্যন্ত দুঃখ হইতে লাগিল যে মার আবদার বোধ হয় পূর্ণ করিতে পারিলাম না। এই বলিয়া কেবল তাঁর চরণে প্রার্থনা জানাইতে লাগিলাম। দেখি কি একটি লোক লঠন হাতে কুয়া হইতে জল নিতে আসিতেছে। তাহাকে কাকুতি-মিনতি করিয়া জল আনাইয়া মাকে স্নান করাইলাম।

এই প্রসঙ্গে মা বলিয়াছেন—“চাহিলেই পাওয়া যায়, তবে মনে মুখে সর্ব্বেশব এক করিয়া চাওয়া চাই।”

আমি পীড়িত অবস্থায় কিছুদিন গিরিডিতে বাস করি। একবার মাকে দেখিবার জন্য প্রাণ বড় অস্থির হইল। দেখি কি একদিন ভোরে মা সদলবলে তথায় উপস্থিত।

এরূপে সর্ব্বদাই অজস্র অহৈতুকী করুণাধারা বর্ষণ করিয়া কতদিন কতভাবে সমুপ্ত প্রাণ শীতল করিয়াছেন, তাহার ইয়ত্তা নাই।

আমি কলিকাতা আসিলাম। ডাক্তারেরা পরীক্ষা করিয়া বলিলেন, আর চাকরী করিয়া কাজ নাই। কোন ভাল স্থানে থাকিয়া যে কয়দিন বাঁচিয়া থাকিতে পারেন তাহারই ব্যবস্থা করুন। তখনও কাসির সঙ্গে রক্তবমন হইত।

মা আদেশ করিলেন—“তুই যাইয়া পুনরায় কর্ম্মে হাজির হ’।” ঢাকায় আসিয়া প্রথম যেদিন আকিসে যাই মা

ও পিতাজী আমাকে সঙ্গে করিয়া নিয়া চেয়ারে বসাইয়া আসিয়াছিলেন।

তখন ফিন্লো সাহেব বাঙ্গলার কৃষি বিভাগের ডিরেক্টর এবং আমার মনিব। তিনি আমায় খুব ভালবাসিতেন ও শ্রদ্ধা করিতেন। আফিসের কাজকর্মের কথায় তিনি বলিলেন—“তুমি যা' পার করিও, বাকী আমার কাছে পাঠাইয়া দিও।” তিনি একবার আমাকে জিজ্ঞাসা করেন—“আচ্ছা বল দেখি, এরূপ ছরারোগ্য রোগ হইতে তুমি কি করিয়া মুক্ত হইলে?” আমি বলিলাম—“রম্ণা আশ্রমে যে মাজাজী আছেন তাঁরই কৃপায়। কোন ঔষধ বা তাবিল, কবচ তিনি আমাকে দেন নাই। যদিও আমি ডাক্তারদের ব্যবস্থা মত চলিতাম, পীড়ার প্রথম হইতে শেষ পর্য্যন্ত তাঁহার কৃপাদৃষ্টিই আমার একমাত্র সম্বল ছিল।” সাহেব আমায় বলিলেন—“অবিশ্বাসের কোন কারণ নাই। আমাদের ভিতরেও এরূপ কৃপার কথা শোনা যায়।”

এক সন্ধ্যায় প্রতিবেশী অশীতি বৎসর বয়স্ক বৃদ্ধ ৬শ্রামাচরণ মুখোপাধ্যায় আমার বাড়ী উপস্থিত। মায়ের প্রসঙ্গাদিতে তাঁহাকে বলিলাম,—“মার কৃপাতেই আমি এ পর্য্যন্ত বেঁচে আছি।” তিনি বলিয়া উঠিলেন—“কারও কৃপাতে কি কা'রো আয়ুবৃদ্ধি হতে পারে?” এই আলোচনার মাঝামাঝি তিনি হঠাৎ চুপ হইয়া গেলেন এবং একটু পরে চলিয়া গেলেন। তার পর দিন প্রাতে আবার আসিয়া

আমায় বলিলেন—“কাল হঠাৎ এমনভাবে চলিয়া গেলাম কেন জানেন? যখন আমাদের বাদান্ধুবাদ চলিতেছিল, তখন দেখি কি আপনার চেয়ারের পিছনে দেওয়ালের গায়ে সূর্য্যের তীব্র জ্যোতির মত গোলাকার কি একটি আলো পড়িয়াছে। তখন বাহিরে অন্ধকার, ঘরেও আলো ছিল না, চারিদিকে তাকাইয়া দেখিলাম, ঐখানে আলো পড়িবার কোন কারণ খুঁজিয়া পাইলাম না। মনে হইল, আপনাকে জানাইবার পূর্বে নিজে একবার চিন্তা করিয়া দেখিব। গত রাত্রে ভাবিতে ভাবিতে এই সিদ্ধান্ত হইয়াছে যে মহাপুরুষদের কৃপায় সবই সম্ভব। বাস্তবিকই জ্ঞানন্দের বিষয় যে আপনার উপর মায়ের অসীম কৃপা এবং তিনি আপনাকে সর্বদা রক্ষা করিতেছেন।

মায়ের সহিত প্রথম সাক্ষাতের কয়েক মাস পরে ৬নিস্তর একদিন শাহবাগে মাকে বলিয়াছিল—“মা, অনেক সময় মনে হয় আপনার আশ্রম হ’লে আমি ও জ্যোতিষ মৃত্যুর পর ব্রহ্মচারী হয়ে সে আশ্রমে থাকব।” মা আমার দিকে তাকাইয়া জিজ্ঞাসা করিলেন,—“তুই যে চূপ করিয়া রহিলি, এ শরীরে পারবি না?” ৩৪ বৎসর পরে রোগমুক্ত হইয়া কশ্মে হাজির হইলে একদা আশ্রমে সেই কথা স্মরণ করাইয়া দিয়া মা বলিলেন—“দেখলি, কেমন করে তোর পুনর্জন্ম হল।” ইহার পরে মার গলায় একটি সোনার হার পৈতাম্বর মত ছিল, তাহা হাতে নিয়া বলিলেন—“এদিকে



আয়, আমি তোকে এই পৈতাটি পরিয়ে দিলাম, জানিস আজ হ'তে তুই ব্রহ্মচারী।”

আশ্রমে মা'য়ে কুঁড়ে ঘরটিতে থাকিতেন তাহার ভিঁটিটি আমিই আপন বুদ্ধিতে নির্দেশ করিয়া দিয়াছিলাম। একটি মাত্র কামরা দৈর্ঘ্য ৮ হাত ও প্রস্থে ৫½ হাত; চারিদিকে বারান্দা; মা তাহার উভয় পার্শ্বে শুইতেন। মা পূর্ব্বে বলিয়াছিলেন যে এ আশ্রমে যে সব সন্ন্যাসী অতীত কালে ছিলেন তাঁদের মধ্যে আমিও একজন। বহুদিন পরে কথা প্রসঙ্গে কেবল তাঁহার শোবার জায়গাটুকু লক্ষ্য করিয়া হঠাৎ বলিয়া উঠিলেন—“এ দেহ আসবার পূর্ব্বেই তোর ভাব ও কর্ম্মের সমাধান ধারায় তুই এ স্থানটি করেছিলি।” মনে করিতে লাগিলাম আমার কত সৌভাগ্য; মা স্থূল শরীরে আমার জন্মান্তরের অধ্যাত্ম-কর্ম্ম-ভূমির উপর আসন পাতিয়া রহিয়াছেন। আমার তপস্যাও তাই ছিল। কারণ যেদিন তাঁহার ত্রীচরণ দর্শন পাই সেদিনই আমার চোখে মা সর্ব্বদেবদেবীরূপে প্রতিভাত হইয়াছিলেন।

১৯২৯ খৃষ্টাব্দের শেষভাগ হইতেই প্রায় তিন বৎসর মাতৃদর্শনের আকাজক্ষায় আমি খুব ভোরে রম্ণা আশ্রমে যাউতাম। ইহার জগ্ন রাত্রিতে প্রায় ২টার সময় উঠিয়া নিত্যকর্ম্মাদি শেষ করিয়া ৪½টার সময় বাহির হইয়া পড়িতাম। কোন কোন দিন ঘড়িতে মিনিট ও ঘণ্টার কাঁটায় ভুল করিয়া পথে কাহারো বাড়ীতে ঘড়ির শব্দে বুঝিতাম।

অনেক রাত্রি রহিয়াছে। তখন হয় রমণা পরিক্রমা করিতাম, না হয় রমণা কালীবাড়ীর ছুয়ারে বসিয়া ভোরের আলোর জন্য প্রতীক্ষা করিতাম। প্রায় ৫টার সময় আশ্রমে গিয়া মার সঙ্গে মাঠে ঘুরিয়া ফিরিয়া পূর্বাঞ্চে ১০½ কি ১১টায় বাড়ী ফিরিতাম। কোন কোন দিন ১২টা, ১টাও বাজিত। তখন মার সম্মুখে কোনদিন বসিতাম না। শরীর কেমন এক আনন্দে আপনা আপনিই খাড়া থাকিতে চাহিত। কেহ বসিতে বলিলে সজ্জুচিত হইয়া যাইতাম। মা কোন কোনদিন কথাবার্তা বলিতেন; কিন্তু অধিকাংশ সময় তিনি নিঃশব্দে থাকিতেন। আমিও মীরবে পিছু পিছু চলিতাম। একদিন এক বুদ্ধ উকীল (৩অশ্বিনীকুমার গুহ ঠাকুরতা) প্রাতে মাঠে বেড়াইতে আসিয়া মাকে বলিলেন,—“আমি তো তোমাকে দেখতে আসি না, তোমার বাছুরটাকে দেখতে আসি, শীত নাই, গ্রীষ্ম নাই, বর্ষা নাই, রোজ সকালে এতদূর হইতে এসে তোমার পায়ে পায়ে চলে, তাহাকে দেখলে আমার বড় আনন্দ হয়।” আমি তাঁহাকে বলিলাম—“আশীর্বাদ করুন আমার বাকী জীবনটি যেন এ ভাবে কেটে যায়।” বুদ্ধ আমাকে বুকে জড়াইয়া ধরিয়া কাঁদিয়া ফেলিলেন এবং বলিলেন,—“ধন্য তুমি।”

অনেকদিন দেখিয়াছি, শেষ রাত্রিতে ঝম্ ঝম্ বৃষ্টি হইতেছে যেই মায়ের নাম স্মরণ করিয়া রওয়ানা হইব, অন্ততঃ ঐ সময়ের জন্য বৃষ্টি থামিয়াছে। বৃষ্টিতে কি শীতের

ঘন কুয়াসায় প্রায় তিন বছর ধরিয়া প্রত্যহ সমানে মার সঙ্গে মাঠে বেড়াইতে বাধা জন্মে নাই।

ঢাকাতে হিন্দু মুসলমানের বিরোধ তখন মাসেক ধরিয়া চলিয়াছে। এ বিরোধ বাধিবার পূর্বে মা একদিন হঠাৎ বলিয়া উঠিয়াছিলেন—“ভীষণ!” কেন ঐরূপ বলিলেন জিজ্ঞাসা করাতে বলিয়াছিলেন,—“আমি দেখিতেছি সহরের চারিদিকে ঘরে ঘরে হাহাকার।” পরে যখন বিরোধ ভয়ানক হইয়া দাঁড়াইল, এই বিভীষিকার মধ্যেও আমার আশ্রমে যাওয়া বন্ধ হয় নাই। প্রতিবেশী শ্রীযুত ভবানীপ্রসাদ নিয়োগী আমাকে কনিষ্ঠের মত স্নেহ করিতেন। তিনি আমাকে প্রায়ই বলিতেন, “তুমি কিরে না আসা পর্য্যন্ত আবার তোমাকে দেখব কিনা এই বিষয়ে আশঙ্কা থাকে। সহরে ছুরি মারামারি, খুনোখুনি হইতেছে; এত ভোরে এ সময়ে বাহির হওয়া কি ঠিক?” আমি ভাবিতাম, যখন মা আমাকে এ বিষয়ে নিষেধ করিতেছেন না, তখন নিশ্চয়ই আমার কোন ভয় নাই। তাই আমি আমার ভাবে চলিতে লাগিলাম।

একদিন আশ্রমে চলিয়াছি। রাস্তার আলোগুলি তখনো জলিতেছে। লোকজন পথে কেহ নাই। আমি ঢাকা ডাক-বাংলো ছাড়াইয়া প্রায় ১০০ গজ গিয়াছি, এমন সময় দেখি কি একটি মেহগনি গাছের আড়াল হইতে সর্ব্বদাঙ্গ কাপড় জড়াইয়া এক বলিষ্ঠ লোক আমার পিছু লইল।

সে কোথায় যাইবে জিজ্ঞাসা করাতে বলিল—“আমিও আপনার সঙ্গে যাবো।” আমি বলিলাম—“আমি তো রমণী আশ্রমে যাব।” সে বলিল—“আমিও যাব।” তখন আমার মনে ভয় হইল। এ ভাবে চলিতেছি, একবার পিছন ফিরিতে দেখি সে আমার খুব কাছে আসিয়া পড়িয়াছে। হঠাৎ এমন সময় আমার মুখ হইতে চীৎকারের মত আওয়াজ হইয়া বাহির হইল—“না, তুমি আমার সঙ্গে যেতে পারবে না।” এরূপ বলিয়াই আমি দ্রুত গতিতে চলিতে লাগিলাম। এদিক ওদিক আর তাকাইতেছি না—অনেকটা দূর অগ্রসর হইয়া ফিরিয়া দেখি,—সে লোকটি কাঠের পুতুলের মত যেখানে ছিল, সেখানে একভাবে দাঁড়াইয়া রহিয়াছে। রমণার মাঠে পৌছিয়া দেখি,—স্নেহময়ী জননী আশ্রমের কটকের নিকট দাঁড়াইয়া এক দৃষ্টে তাকাইয়া আছেন। আমি পায়ে লুটাইয়া প্রণাম করিয়া ব্যাপারটি নিবেদন করিলাম। তিনি চুপ করিয়া রহিলেন। কয়েকদিন পরে শুনিলাম সে অঞ্চলেই একটি খুন হইয়াছিল।

## অভিযান

জীবন সংগ্রামে দেখা যায়,—প্রথম প্রয়োজন লক্ষ্য, দ্বিতীয় প্রয়োজন দৃঢ় সংকল্প, তৃতীয়তঃ ঐকান্তিক আত্মনিয়োগ । এই ত্রয়ীর সংযোগে কোন কাজ সম্পাদন করিলে আপাততঃ ফল দেখা না গেলেও, শুভকর্মের সংস্কারগুলি বীজরূপে সঞ্চিত থাকে । সুযোগ পাইলে আপনভাবে তাহা বিকশিত হইয়া পড়ে ।

কার্যে যোগদান করিবার পর প্রায় তিন বৎসর যাবৎ চাকরি করিলাম । একদিন আশ্রমে মা একটি ফুল হাতে নিয়া পাঁপড়িগুলি ছিঁড়িতে ছিঁড়িতে আমাকে বলিলেন,—“তোর তো অনেক ভাব করিয়া গিয়াছে, আরো অনেক বাকী আছে । সব গেলে এই পুষ্পদণ্ডটির মত কেবল সূক্ষ্ম শক্তিরূপে আমি তোর ভিতর থাকবো, বুঝ্‌লি !” এই বলিয়া হাসিতে লাগিলেন । আমি বলিলাম,—“মা কি উপায়ে আমার সে অবস্থা আসবে ?” মা বলিলেন,—“রোজ ঐ কথাটি একবার স্মরণ করিস্, আর কিছু করতে হবে না ।” সত্য সত্যই নিত্যকর্মের মত এই চিন্তা মনের ভিতর বসিয়া গেল ; আমার চিন্তের ছড়ানো ভাব গুলি ক্রমে একমুখী হইতে লাগিল । নানাদিকে মন ঘোরাফেরা করিলেও লক্ষ্যে লাগিয়া থাকিবার জ্ঞান প্রাণে

প্রবল আগ্রহ চলিত। ইহাতে আমার প্রতীতি হইল অনেক জপধ্যান করিয়া বিবেক বৈরাগ্যের সাহায্যে মানুষ যাহা লাভ করে, মহাত্মাদের একটি সরল সহজ বাণীর অমোঘবলে তাহা সফল হয়। ৬৭ মাস পরে একদিন মাঠে বেড়াইতে বেড়াইতে—মা বলিলেন,—“দেখ, তোর কর্মজীবন ফুরিয়ে আসছে।” আমি শুনিলাম বটে কিন্তু প্রাণে তেমন গভীর ভাবে তাহা সাড়া দিল না। তখন আমাকে শ্রীমদ্ ভগবান্‌চন্দ্র ব্রহ্মচারী মহাশয়ও প্রায় বলিতেন—“তোমাকে তো বাপু, নিবার জন্ত হিমালয় হতে লোক আসছে, প্রস্তুত থাক।” তাঁহার বাল-মূলভ প্রকৃতি; আমি ভাবিতাম বোধ হয় তামাসা করিতেছেন।

কয়েক মাস পরে আমি ৪ মাসের ছুটি নিলাম। কোনও পাহাড়ে হাওয়া পরিবর্তনে যাইব মনে করিতেছিলাম ইতি-মধ্যে ১৯শে জ্যৈষ্ঠ ১৩৩৯ বঙ্গাব্দ (২রা জুন ১৯০২ ইংরাজী অব্দ) বুধস্পতিবার রাত্রি ১০টাের সময় মা ব্রহ্মচারী শ্রীমান যোগেশকে দিয়া আমাকে বাড়ী হইতে ডাকাইয়া নিয়া বলিলেন,—“আমার সঙ্গে যেতে পারিস্ কি?” আমি জিজ্ঞাসা করিলাম—কোথায় যেতে হবে?” মা বলিলেন—“যেখানেই যাই না কেন?” আমি চুপ করিয়া রহিলাম। খানিক পরে বলিলেন,—“চুপ করিয়া রইলি যে?” বাড়ীতে কাহাকে কিছু বলিয়া আসি নাই, কাজেই সংসারের টানে

বলিয়া উঠিলাম,—“বাড়ী গিয়া টাকা পয়সা আনিতে হইবে তো ?” মা বলিলেন,—‘যা পারিস এখান হইতে সংগ্রহ করিয়া নে।’ মুখে “আচ্ছা” বলিয়া সায় দিলাম ; কিন্তু প্রাণে পুত্র পরিবার উকি দিয়া বলিল—‘কোথায় যাচ্ছ ?’

যা হোক সঙ্গে এক কয়লা, এক কাঁথা, এক সতরঞ্জি, এক একখানা ধুতি নিয়া মা, পিতাজী ও আমি টাকা ষ্টেশনে রওয়ানা হইলাম। ষ্টেশনে পৌঁছিলে মা বলিলেন, “এ গাড়ী যতদূর যাবে ততদূর টিকিট কর।” জগন্নাথগঞ্জ পর্য্যন্ত টিকিট করা গেল। পরদিন ওখানে পৌঁছিলে মা বলিলেন—“এপারে চল।” সে পারে গিয়া কাটিহারের টিকিট হইল। সঙ্গে টাকা কম, অপ্রত্যাশিত ভাবে কাটিহারে এক পুরনো বন্ধুর সহিত অচিন্ত্যনীয় ভাবে অকস্মাৎ দেখা হইয়া গেল। তিনি ১০০ টাকা, যথেষ্ট ফল ও খাবারাদি দিয়া দিলেন। সে স্থানে হইতে লঙ্কোর টিকিট করিলাম। পথে গোরক্ষপুর নামিলেন। সে স্থানে গোরক্ষনাথের মন্দিরাদি দর্শন করিয়া লঙ্কো উপস্থিত হইলাম। পরের গাড়ী দেৱাচন এক্সপ্রেস ছিল। মা বলিলেন,—“উহার শেষ পর্য্যন্ত টিকিট কর।” পরদিন প্রাতে দেৱাচন পৌঁছিয়া ধর্মশালায় উঠিলাম। নূতন জায়গা, নূতন লোকজন, নূতন সবই। মা বলিলেন—“আমি তো সবই পুরাতন দেখছি।” কোথায় পরে যাইব কিছুই স্থিরতা নাই। আমি ও পিতাজী মধ্যাহ্নে বেড়াইতে বেড়াইতে কালীবাড়ীর নাম শুনিয়া সেখানে গেলাম ; সেখানে জানিলাম

৩।৪ মাইল দূরে রাইপুর গ্রামে একটি শিবালয় আছে ; স্থান খুব নির্জন। মন্দিরটি একান্ত বাসের খুব উপযুক্ত স্থান। ঘটনাচক্রে রাইপুরের এক পণ্ডিতজী ঠিক সে সময় উপস্থিত হইলেন। তাঁহার সহিত আলাপাদি করিয়া পরদিন প্রাতে রাইপুরে গেলাম। পিতাজী স্থানটি দেখিয়া পছন্দ করিলেন। মাতাজীর মতামত জিজ্ঞাসা করিলে, তিনি বলিলেন—“তোরা দেখে শুনে নে, আমার সবই ভাল।” ১৯৩২ সনে ৮ই জুন বুধবার প্রাতে দশটা হইতে মন্দিরে মা ও পিতাজী বাস করিতে লাগিলেন।

ইহার পরবর্তী ঘটনাবলি ক্রীক্সীমায়ের ইচ্ছা হইলে পরে প্রকাশিত হইবে।



## শ্রীশ্রীমা

শ্রীশ্রীমায়ের স্বরূপের ধারণা আমাদের সাধারণ বুদ্ধির অতীত। যদিও সব সময় মা বলিয়া থাকেন—“আমি তো তোমাদের একটি পাগলী মেয়ে।” তবুও এই পাগলী মেয়ের সকল চলা-ফেরার অন্তরালে, তাঁর চিরমধুর লীলা-খেলার পশ্চাতে ভাগবতী শক্তির মূর্ত প্রকাশ ধরা পড়ে।

পাশ্চাত্য মনীষী এমারসন (Emerson) বলিয়াছেন—  
“সংসারে থাকিয়া গৃহধর্মের অকুণ্ঠিত অনুষ্ঠান করা কিংবা নির্জন গিরিগুহায় বসিয়া সাধনপথে অগ্রসর হওয়া সহজ। কিন্তু প্রকৃত সত্যে এবং মহত্বে প্রতিষ্ঠিত তিনিই, যিনি জনতার সহস্র সংঘাতের মধ্যে নিরাশার স্বাধীনতা ও পূর্ণ মাধুর্য লইয়া বিরাজ করিতে পারেন।”

শ্রীশ্রীমা লোক-কোলাহলের সহস্র বিকোভের মধ্যে দিব্য-রাত্রি বাস করিয়াও নিজের অকুরন্ত আনন্দের ফোয়ারা চির-মুক্ত করিয়া রাখিয়াছেন; তাহার নির্মল প্রশান্ত দৃষ্টি, পূত হস্তযুগ্মের অপক্লপ জীবনের অবাধ গতি সকল জীবের সহস্রযুগী বাসনারাশির তৃপ্তি সাধন করিয়া থাকে। তাহাতে তাঁহাকে বিশ্বজননীর মূর্ত প্রকাশ বলিলে কিছুই অত্যাক্তি হয় না।

মাকে কেহ বলেন—‘সাক্ষাৎ ভগবতীর অবতারণা’, কেহ ‘জীবনমুক্তা সাধিকা মা।’ আমাদের মনে হয়—“যাঁর চোকে তিনি যেমন, তিনি তাহাই”। প্রথম দৰ্শনেই তাঁহার সার্বজনীন শাস্তমধুর ভাবের স্পন্দনে নিতান্ত ধৰ্মবিমুখ জীবের প্রাণেও ভাবান্তর উপস্থিত হয়। তাঁহার সান্নিধ্যে সৰ্ব্বদা গুরু প্রাণেও ভগবৎ ভাবের স্ফুৰ্ত্তি জাগ্রত হয় এবং এক বিরাট সত্তার স্পন্দন সমুদ্রের অন্তহীন বিপুল কলোচ্ছ্বাসের মতো জীব-হৃদয়কে আচ্ছন্ন করিয়া ফেলে।

মায়ের দীক্ষা বা গুরু সন্থকে একবার জিজ্ঞাসা করাতে মা বলিয়াছিলেন, “শৈশবে পিতামাতা, গার্হস্থ্যজীবনে পতি এবং সকল অবস্থায় জগন্ময় সবই আমার গুরু ; তবে জানিয়া রাখিস্ গুরু বলিতে একমাত্র স্বয়ং একই।”

লৌকিক দৃষ্টিতে মা যেরূপ আদৰ্শ কন্যারূপে, স্ত্রীরূপে, মাতৃরূপে প্রকাশিতা, অধ্যাত্ম দৃষ্টিতে তাঁহার বাণীর মধ্যে রাজযোগাদির বিবিধ ধারা, সাধনার বিচিত্র পথ, দ্বৈত, অদ্বৈত, দ্বৈতাদ্বৈত প্রভৃতি নানা মত পরিষ্কৃত। কীর্তনাদিতে তাঁহার যে সকল ভাব দেখা গিয়াছে, তাহাতে তাঁহাকে পরম বৈষ্ণব বলাও চলে ; শিব ছুৰ্গা কালী প্রভৃতি দেবদেবীর পূজাদিতে তান্ত্রিক অমুষ্ঠানে কিংবা বৈদিক যজ্ঞাদি কৰ্মনিষ্ঠায় তাঁহার যে সহজাত কুশলতা লক্ষিত হয়, তাহাতে তাঁহাকে সৰ্ব্বদেব-দেবীময়ী পরমদেবতা বলিলেও অত্যাুক্তি হয় না।

সাধনাদিব্যতিরেকে জীবনের প্রথম হইতেই নিত্যকৰ্মের

মত যে সকল অলৌকিক বিভূতি তাঁহার ব্যবহারে স্বতঃই দেখা গিয়াছে, তাহা দেখিয়া মাকে পরম যোগী বলা যায়। সে সকল স্মৃতি ও স্তবাদি বৈদিক ভাষায় তাঁহার বাণী হইতে মূর্তি পরিগ্রহ করিয়াছে, তাহা পড়িলে তাঁহাকে মন্ত্রদ্রষ্টা ঋষি বলিতে কাহারও দ্বিধা হয় না।

জ্ঞানমার্গে, ভক্তিপথে, কর্মযোগে সমাধিযোগে তাঁহার স্বচ্ছন্দ অনুভবজাত সিদ্ধান্ত অনেক প্রাচীন ও প্রবীণ প্রাচ্য ও পাশ্চাত্য দার্শনিকেরও বিশ্বয় উৎপাদন করিয়াছে। জ্ঞান, যোগ, ভক্তি প্রভৃতি বিশেষ বিশেষ খণ্ড ভাবের সাধনায় যাহারা উন্নত হইয়াছেন তাঁহাদের সঙ্গে, ক্রীত্ৰীমায়ের পার্থক্য এই যে তাঁহাতে একাধারে এই সকল খণ্ডভাবগুলির এক অনুপম সমন্বয় মূর্ত হইয়া প্রকাশিত হইতেছে। তদ্বারা অহরহ জীবের কল্যাণ সাধিত হইতেছে।

তাঁহার সৌম্যমধুর মূর্তি, তাঁহার ধৈর্য্য, তিতিক্ষা, সরলতা এবং চিরপ্রসন্ন কোতুকময় লীলাবিলাস, তাঁহার নির্মল কল্যাণবর্ষী দৃষ্টি, জাতিবর্ণ নির্বিশেষে সকলের প্রতি করুণা-কোমল সমভাব, তাঁহার হৃদয়হিত শমশীল নিত্যমুক্ত ভাবধারা এই যুগে অনুপম, অতুলনীয়। তাঁহাকে সাধিকা বলা যায় না ; কারণ শিশুকাল হইতে যাহারা এ পর্য্যন্ত তাঁহাকে দেখিয়া আসিয়াছেন, সকলেই বলেন তিনি শিশুকাল হইতে কর্মে ও ভাবে এক ধারায় অবস্থান করিতেছেন। তাঁহার কোন তপশ্চর্যা বা সাধন-প্রচেষ্টা কখনো কেহই লক্ষ্য করে নাই।

সকল সময়ে সকল অবস্থায় তাঁহার দেহ আশ্রয় করিয়া যে সকল লৌকিক বা অলৌকিক ঐশ্বর্যাদি প্রকাশ হয়, তাহা ভক্তজনের কল্যাণের জন্ত স্বতঃই স্ফুরিত হইয়া থাকে।

তাহা তাঁহার ইচ্ছা, অনিচ্ছা বা সাধনচেষ্টার অপেক্ষা রাখে না। উৰ্দ্ধস্থল হোমশিখার মধ্যে যখন হবির্ধারা নিক্ষিপ্ত হয়, অগ্নির স্বাভাবিক নিয়মে অগ্নিশিখা প্রদীপ্ত হইয়া উঠে, হবির্গন্ধে দিক পূত ও আমোদিত হইয়া যায়, একটু পরে আহুতির কোন চিহ্ন যজ্ঞানলে দেখা যায় না ;—শিখা চিরনির্মল দীপ্তি সহকারে জ্বলিতে থাকে। তেমনি শ্রীশ্রীমায়ের প্রাণপুটে ভক্তজনের নিবেদিত শ্রদ্ধাজ্বলির স্পর্শে মাতৃস্তন্থের মতো স্বতোৎসারী স্নেহধারায় তাঁহার বাণী, তাঁহার দৃষ্টি, তাঁহার আনন অভিষিক্ত হইয়া ওঠে, ভাস্বর হইয়া ওঠে এবং পরক্ষণেই তাঁহার সহজাত, প্রশান্ত, সৌম্য-মধুর দেহ কান্তিতে সকলিই মিশিয়া যায়।

ইচ্ছা-অনিচ্ছার দ্বন্দ্ব তাঁহাতে নাই। প্রবৃত্তি-নিবৃত্তির কোন খেলা তাঁহার ইচ্ছাশক্তিকে আশ্রয় করিয়া কখনো স্ফুরিত হয় না। বিশ্বজগতের কল্যাণকল্পে সকল ধর্মের, সকল কর্মের ভিত্তিরূপে যে সনাতন সত্য, অনাদি কাল হইতে মানবচিন্তে স্বপ্রকাশিত হইয়া আসিতেছে, সেই সত্যধর্মের জ্যোতি তাঁহাকে ঘিরিয়া রহিয়াছে, তাহার আভাস, তাহার ইঙ্গিত, তাহার ছোতনা তাঁহার সকল কার্য ও অনুষ্ঠানে প্রদীপ্ত হইয়া থাকে।

তঁাহার জীবনে ইহাই প্রতিভাত হয়, আপনাতে পরিপূর্ণ থাকিয়া  
কিরূপে মানুষ লোক-ব্যবহারাদি রক্ষা করিয়াও অধ্যাত্ম-রাজ্যে  
স্বচ্ছন্দে বিচরণ করিতে পারে।

বর্তমান যুগে দলে দলে যে সকল লোক সংসার ত্যাগ  
করিয়া সাধুসন্তদের সংখ্যা বৃদ্ধি করিতেছেন, তঁাহাদের  
অধিকাংশের দ্বারা জীব জগতের কিছু কল্যাণ অনুষ্ঠান সাধিত  
হইতেছে কিনা তাহা ভাবিবার বিষয়। গৃহধর্মের ও সমাজ  
ধর্মের বাহিরে গিয়া গৃহধর্ম ও সমাজধর্মের সাধন-পথ সুগম  
করা বড় সহজ নয়। নির্জ্ঞান গিরিকন্দরে বহু বৎসর তপস্তা  
করিয়া কেহ কেহ আধ্যাত্মিক উন্নতি লাভ করিতেছেন বটে,  
কিন্তু তঁাহাদের সেই উচ্চতর অবস্থার দ্বারা দেশের জন-  
সাধারণের জীবন-যাত্রার দ্বারা অনেক সময় সমুজ্জ্বল হইয়া  
ওঠে না। আশ্রমের প্রতিষ্ঠা হয়, মঠের চূড়ায় আকাশ  
বিদ্ধ হইয়া উঠে, পূজা আরতির উচ্ছ্বাসে আশ্রমের দিক্ দিগন্ত  
মুখরিত হইয়া যায়, অন্নসত্রের চারিপার্শ্বে বুড়ুকু মক্ষিকার  
মতো কাঙালের দল ঘুরিয়া বেড়ায়, কিন্তু এত অর্থ ব্যয়  
ও চেষ্টায় যে আশ্রমের ভিত্তি গড়িয়া উঠে, তাহার প্রেরণায় ও  
প্রভাবে সমাজ জ্ঞানে, প্রেমে, ভক্তিতে সমর্থ হইতে পারে না ;—  
দেখা যায় সমাজ দিন দিন ঈর্ষা-দ্বेष, হিংসা, কলহে জীর্ণ ও পঙ্গু  
হইয়া পড়িতেছে ; সমাজের মধ্যে সাধনপরায়ণ সবল প্রাণের  
খেলা অবাধ গতিতে খেলিতে পারে না। যে সাধনার বলে  
দৈহিক ও মানসিক স্বাস্থ্য ও শক্তি লাভ হয়, যাহার প্রভাবে জীব

ঐশী সম্পদ লাভ কৰিয়া নিজে সমর্থ হইয়া অপরকে সমর্থ কৰিয়া তুলিতে পারে, সমুদয় ব্যক্তিগত স্বার্থ নিৰ্ম্মলতা লাভ কৰিয়া পরার্থে পরিণত হইতে পারে, সেই সাধনার ক্ষেত্ৰ বৰ্ত্তমান যুগে দিনের পর দিন সঙ্কুচিত হইয়া উঠিতেছে, ইহা অস্বীকার করা যায় না।

ত্ৰীত্ৰীমায়ের জীবনে দেখিতে পাই, তিনি জগতের হিতের জন্ত সৰ্ব্বদা উদগ্ৰ হইয়া রহিয়াছেন; তাঁহার দেহের ভার জনসাধা-  
রণের উপর স্থাপ্ত কৰিয়া দিয়া, নিজের সকল প্ৰকাৰ দেহ-চেষ্টা হইতে অবসর গ্ৰহণ কৰিয়া সম্পূৰ্ণৰূপে জাগতিক কল্যাণের জন্ত আপনাকে বিলাইয়া দিতেছেন। ব্যবহারিক হিসাবে তাঁহার নিজস্ব বলিয়া কিছুই নাই, সকল স্থানই তাঁহার আপনার স্থান, সকল জীবই তাঁহার অন্তরঙ্গ সন্তান ও প্ৰিয় পরিজন। তাঁহার দৃষ্টিতে সকল ধৰ্ম্ম, সকল পথ সেই একেরই সন্ধানে রত। তিনি বলেন, “আমি দেখিতেছি জগৎময় একটি বাগান, তোরা এই বাগানে ফুলের মতো চাৰিদিকে ফুটে রয়েছিস। আমি এই একই বাগানের এখানে ওখানে ঘুরিয়া বেড়াইতেছি মাত্ৰ।”

আর এক সময় তিনি বলিয়াছিলেন, “আমার নিজের কিছু কৰ্ম্মবান বা বলিবান প্ৰয়োজন নাই; আগেও ছিল না, এখনও নাই, পরেও হইবে না। যাহা কিছু প্ৰকাশ পাইয়াছে, পাইতেছে বা পাইবে সবই তোমাদের কল্যাণের জন্ত; এ শত্ৰুৱের নিজস্ব যদি কিছু বলিতে চাও তবে জগৎময় সবই ইহাৰ নিজস্ব।”

সৃষ্টি-লীলার অপার বিভূতি যে মাতৃভাবের জ্যোতনায় জগৎ চরাচরে দীপ্তিমান হইয়াছে, সেই অখণ্ড মাতৃভাবের সর্বতোমুখী প্রকাশ শ্রীশ্রীমায়ের সকল কথায় ও কার্যে, সকল লৌকিক ব্যবহারে দেখা যায়। ভক্তজনের নিকট শিশুকন্ডার মতো আবদার, শরণাগত আর্তের প্রতি মাতৃরূপে বরাভয় প্রদান জিজ্ঞাসুর নিকট বাণীরূপে অন্তর্জগতের সত্য-জ্যোতিঃ প্রকাশ করা, সকলই একই মহাশক্তির লীলা-বিলাস।

জগতের সকল ধর্মে, সকল বর্ণে ও জাতিতে, সকল আশ্রমে, সকল বিষয়ে, সকল শিক্ষায়, তিনি সর্বভাবে সমান শ্রদ্ধা ও অমুরাগ প্রদর্শন করিয়া—“সর্বং ধ্বংসং ব্রহ্ম” এই মহাবাক্য নিজ জীবনে প্রতিপন্ন করিতেছেন। তিনি বলেন, “সর্বধর্মই একধারা, সকল ধারাই এক, আমরা সকলেই এক” কেহ কোনদিন কিছু জিজ্ঞাসা করিলে—“আপনি কোন জাতি? বাড়ী কোথায়?” মা হাসিতে হাসিতে এই জবাব দেন,—“ব্যবহারিক হিসাবে ধরতে গেলে—এ শরীর পূর্ববন্দের, জাতিতে ব্রাহ্মণ, কিন্তু এ সকল কৃত্রিম উপাধি হতে আলাগা ক’রে দেখিলে জানতে পারবে—“এ শরীর ভোমাদেব সকলেরই পরিবারভূক্ত”।

কখনো মাকে বলিতে শোনা গিয়াছে,—এই শরীরকে তোরা বিশ্বাস কর। ভোদের অখণ্ড বিশ্বাসই চোখ কুঠিରେ দেবে।” কখনো আবার বলেন,—“আমি তো কিছুই জানিনে তোরা যা’ শুভাস বা শুভতে চাস তাই তো আমি বলি।”

কখনো আবার বলেন,—“এই শরীরটা তো একটা পুতুল, তোরা যেমনি খেলাতে চাস, এ তেমনি তরো খেলতে থাকে।”

তাঁহার এই সকল বাণী হইতে স্পষ্টই প্রতীতি হয়, শ্রীশ্রীমার এই শরীরে জগৎ চরাচরের অন্তরালে যে প্রচ্ছন্ন মাতৃ-শক্তি, তাহা মূর্ত্তি গ্রহণ করিয়াছে। জগৎময় পরমাত্মার শক্তি হইতে তাঁহার সকল চেষ্টা উদগত। আবার তাঁহাতেই সব বিলয় প্রাপ্ত হইতেছে। দ্বৈতবোধ তাঁহার নিরাকৃত হইয়া গিয়াছে। তিনি এক একবার বলেন,—“একমাত্র তুমিই সব, বা একমাত্র আমিই সব।”

আর একদিন বলিয়াছিলেন—“আমি তো তুমিই, এক মাত্র তিনি আছেন বলিয়াই তো আমি, তুমি”। মাত্র একটিবার বিশ্বাস ও প্রজ্ঞার প্রাণ পূর্ণ করিয়া যে বলিতে পারিবে—‘মাগো, তুমি এসো, তোমাকে ছাড়া আমার দিন আর চলে না,’—তবে সত্য সত্যই মা নিজস্বরূপে তাহাকে দেখা দিবেন, তাঁহার স্নেহময় অঙ্কে তাহাকে তুলিয়া লইবেন। হৃৎকের তাড়নায় ক্ষণিকের জন্য তাঁহাকে কোন রহস্যময়ী আশ্রয় ভাবিও না। মনে রাখিও, তিনি অক্ষুণ্ণ তোমার অতি নিকটে প্রাণশক্তির মত বিद्यমান আছেন। ফুলের যেমন মেরু দণ্ড, প্রতি জীবেরও তিনিই পরম আশ্রয়। তা’হলে তোমার আর কিছুই করিতে হইবে না। তিনি তোমার সকল ভার লাব্ব করিবেন।



## শ্রীশ্রীপিতাজী

পিতাজী আমার উপর নানাভাবে স্নেহবর্ষণ করিয়া এবং আমাকে ধর্মপুত্র রূপে গ্রহণ করিয়া তাঁহার অহৈতুকী করুণা প্রকাশ করিয়া আমার জীবন ধন্য করিয়াছেন। প্রথম দর্শন হইতেই পিতাজীর স্নেহলাভ করিয়াছি। ইহাই আমাকে প্রতিপদে সংরক্ষিত করিয়া ভাবযোগে মহাপুরুষ মতো আমার পথ নির্দেশ করিয়াছে। এক সময় মনে করিতাম, মাকে না পাইলে বাবাকে পাওয়া যায় না; কিন্তু আজ বলিতে বাধ্য হইতেছি যে বাবাকে পাইয়াই বাবার অসীম দয়ার দ্বারাই মাকে পাইয়াছি। লৌকিক হিসাবে বলিতে গেলে তাঁহার সর্বজনহিতৈষী মহত্ব ও করুণা ব্যতিরেকে মার দর্শনলাভ কাহারও অদৃষ্টে ঘটিত না। এমন অনেক সাধু মাতাজীর কথা শোনা যায় যাঁহারা তাঁহাদের পতিদেবতার প্রতিকূলতায় অন্তঃপুরের ঘেরাবেড়ার ভিতর ধর্মজীবন যাপন করিয়া গিয়াছেন।

আমরা সংসারক্লিষ্ট জীব, বহুদুঃখ-দৈন্ত-দুর্বলতা লইয়াই সংসার-পথে চলিয়া থাকি; পিতাজী আমাদের চিন্তের নানা মলিনতা দেখাইয়া দিয়া আমাদের মন নিশ্চল করিয়া লইয়াছেন। আমার দারুণ দীর্ঘ রোগযন্ত্রণায় আমার জন্ম



বাবা ভোলানাথ, শ্রীশ্রীমা ও ভাইজী



তাঁহার অহর্নিশ ঐকান্তিক শুভচিন্তা ও আশীর্বাদ আমার পুনর্জীবন দানের প্রধান উপকরণ বলিলেও অত্যাুক্তি হয় না। আমি একদিন ঢাকা সিদ্ধেশ্বরী আসনে গেলে আমার পূর্ব ব্যাধি পুনরায় দেখা দিবার আশঙ্কায় পিতাজী ভাবাবেশে হঠাৎ আমাকে টানিয়া নিয়া মার কোলে বসাইয়া দিয়া বলিয়া উঠিলেন,—“তোমার ছেলে তোমার কোলে দিলাম, এখন তাহার রক্ষার ভার তোমার উপর।”

শ্রীশ্রীমার মুখে শুনিয়াছি, বহুবৎসর পূর্বে শ্রীশ্রীপিতাজীর ক্রমশঃ হইতে এক জ্যোতিরশ্মির প্রকাশ তিনি দেখিয়াছিলেন। জপে, তপে, যজ্ঞে ও পূজায় পিতাজীর একাগ্রতা ও একনিষ্ঠতা অসাধারণ।

পিতাজীর ভিতর কি যে এক অপরূপ অন্তর্নিহিত শক্তি নীরবে কার্য্য করিতেছে, তাহা বুঝিবার শক্তি আমাদের নাই। তিনি সত্য সত্যই আশুতোষ; আপন আনন্দ সকলকে বিলাইয়া দিয়া, পরের আনন্দে যেন সদা সর্বদা ভঁরপুর আছেন। যে তাঁহার সংসর্গে আসিয়াছে সেই বলিবে, তাহার চরিত্রে এক অপূর্ব মধুরতা বিद्यমান রহিয়াছে। তাঁহার আশিসের জন্ত সকলেই লালায়িত। বালকবালিকার সহিত তাঁহার হাসি-কৌতুকের ছড়াছড়ি দেখিবার জিনিষ। তাঁহার শিশুর মতো সরল ভাব দেখিয়া শ্রীশ্রীমাতাজী তাঁহাকে “গোপাল” বলিয়া সকলের নিকট প্রকাশ করিয়া থাকেন; পিতাজীর হৃদয়ও এত উদার যে তিনি মাকে শক্তিরূপে পূজা

করিতে কুষ্ঠা বোধ করেন নাই। পিতাজী রাগী বলিয়া অনেকেই মনে করেন। কিন্তু ঘাঁহারা তাঁহার সংসর্গে আসিয়া একটু ঘনিষ্ঠভাবে তাঁহার সঙ্গে মিশিবার সুযোগ পাইবেন, তাঁহারা দেখিতে পাইবেন বাড়বাগ্নি-শিখার মূলে যেমন শীতল জলের প্রস্রবণ দেখা যায়, তেমনি তাঁহার অপাত প্রতীয়মান ক্রোধের অন্তরালে অপরিসীম স্নেহ ও করুণারনির্ব্যর সতত প্রবহমান। পরের মঙ্গল কামনা, পরের হিত সাধনাই তাঁহার ব্রত ; তিনি কাহাকেও বিমুখ করিতে জানেন না।

পিতাজী বলেন—‘ভোগ ও ত্যাগ একই মনের যমজ মূর্ত্তি।’ ইহা শরীরের বাহিরাভরণের মতো। যতই জীব ঈশ্বর ভাবে বলীয়ান হইতে থাকে এই দুইয়ের অবিচ্ছিন্ন মঙ্গলমূর্ত্তি তাহার চক্ষে প্রতীয়মান হইতে থাকে।

এমন দিন শীঘ্রই আসিবে যে পিতাজীর পদতলে বহু আর্ত জীব পরমার্থ-লাভের আশায় উপস্থিত হইবে। \*

\* ১৩৪৫ অব্দে ২৪শে বৈশাখ দেৱাদুনে পিতাজী লীলাসংবরণ করেন।

## নিজের কথা

আমার বন্ধু, বান্ধব, আত্মীয়, অনাত্মীয় এমন কি অপরিচিত অনেকের ভিতর হইতে আমার বর্তমান জীবন সম্বন্ধে প্রশ্ন আসে বলিয়া আমাকে বাধ্য হইয়া আমার নিজের সম্বন্ধে কিছু বলিতে হইতেছে।

প্রথমত বলা আবশ্যক, আমি কেন খ্রীশ্রীমাকে এত ভক্তি করি, তাহার উত্তর আমার কাছে নাই। তবে দেখিতে পাই তাঁহার নিকট হইতে সরিতে পারি কিনা এই প্রশ্ন আমাকে কেহ করিলে আমি নির্বাক হইয়া যাই। আমার মন প্রাণ তাঁহার চরণ-যুগল আশ্রয় করিয়া দিবানিশি পড়িয়া থাকে। এক এক সময় বোধ হয়, তাঁহার চিন্তা স্থগিত হইলে, আমার জীবনের খারাও শেষ হইয়া যাইবে। আমার কোনও পারমার্থিক প্রয়োজন সিদ্ধির আকাঙ্ক্ষা নাই। লোকের যে ধারণা আমি রোগমুক্ত হইয়াছি বলিয়া তাঁহার শরণাগত হইয়াছি—এ কথাও সম্পূর্ণ ভুল। তাহার নিত্য প্রকাশলীলা অজস্র বিভূতির আকর্ষণ যে আমাকে তাঁহার দিকে টানিয়া রাখে, তাহাও নয়। তাঁর বিশ্বতোমুখী বাৎসল্য স্বতঃস্ফুরিত হইয়া আমাকে যেন অসহায় শিশুর মত সকল রকমে জড়াইয়া রাখিয়াছে। তাঁহার স্নেহ-বেষ্ঠন হইতে দূরে যাইবার সামর্থ্য বা ইচ্ছা আমার সম্পূর্ণ তিরোহিত হইয়া গিয়াছে।

আর একটি কথা বলিতে পারি যে তাঁহার ত্রীপদ-পল্লবদ্বয় আমাকে যেরূপ পরিপূর্ণ আনন্দ দান করে, তাহার এককণাও পার্থিব ও অপার্থিব অশ্রু কোন বস্তু, বা সাধন ভঙ্গন হইতে আমার হয় না। ইহাই আমার বন্ধন এবং এ বন্ধনই আমার পরম মুক্তি বলিয়া আমার ধারণা।

মা বলেন—“আমিই তোকে সংসারের গণ্ডী হতে অনেকটা বাহিরে এনেছি। তোর মত বিলাসপ্রিয় জীবকে সংসার হ’তে টেনে আনা সহজ ছিল না।” আমিও বেশ বৃষ্টি আমার মনের যে ক্ষিপ্তাবস্থা, তাঁহার অহৈতুকী করুণা ব্যতীত তাঁহার আশ্রয়ে পড়িয়া থাকা আমার পক্ষে অসম্ভব ছিল। মা আরো বলেন,—“কেহই তো বুঝে না যে শুধু সংসারের গণ্ডীর ভিতর পড়িয়া থাকিলে অনেক পূর্বেই তোর দেহপাত হইত।” মার এ অমোঘ বাণীর সত্যতা আমি মর্মে মর্মে উপলব্ধি করি।

আমার স্ত্রী আমার সাধনপথে বিশেষ আনুকূল্য করিয়াছেন। ইনি জন্মাবধিই খুব অভিমানিনী; ধনবান সম্ভ্রান্ত পরিবারের প্রথম সন্তান বলিয়া আত্মমর্যাদা ও কোলিন্যভাব ইহার মজ্জাগত। ইহার ৮৯ বৎসর বয়সে ইহাকে আমি যখন প্রথম দেখি, তখনো যে নির্মল সরলতার চিত্র আমার চোখে প্রতিভাত হইয়াছিল, আজো তাহা অক্ষুণ্ণ রহিয়াছে।







মার সহিত যখন আমার প্রথম সাক্ষাৎ হয়, তখন মাতৃচরণপূজায় তিনি আমার প্রধান সহায় ছিলেন। আমার বর্তমান জীবনের প্রারম্ভে তিনি সকলরূপে মাকে শ্রদ্ধা করিতেন; সম্প্রতি স্বীয় জন্মগত অভিমানবশে তাঁহার ভাব-বিজ্ঞোহ জাগিয়াছে, তিনি অন্তরালে পড়িয়া থাকিয়া নিজ প্রাক্তন ক্ষয় করিতেছেন।

আমি যতই মার চরণে বেশি বেশি শরণাগতি জানাইতে লাগিলাম, এবং ক্রমে ক্রমে সংসারের ও সমাজের দিকে আমার উদাসীন ভাব জাগিতে লাগিল, আমার স্বীর চোখে আমার অতটা বৈরাগ্য ভালো লাগিল না। তিনি একদিন বলিলেন, “ঘরে বসিয়া কি ধর্ম হয় না? ছুটাছুটি করিয়া, শরীরের ওপর যথেষ্টাচার করিয়া, পুত্র-কন্যার প্রতি অমনোযোগী হইয়া, এই ধর্ম না করাই তো ভাল।” আমি তাঁহাকে বুঝাইবার চেষ্টা করিতাম যে সংসারের শিকল ছাড়াইবার উপক্রম করিতে গেলেই সংসারের চোখে মানুষ উচ্ছৃঙ্খল প্রতিপন্ন হয়। বাস্তবিক আপাত উচ্ছৃঙ্খলতার পথ অবলম্বন না করিলে সংসারের আপাতমধুর ভোগাদি হতে দূরে থাকিয়া জীবের ধর্মপথে অগ্রসর হওয়া সহজ নয়।

কিন্তু আমার এই প্রবোধ-বাক্যে কোন ফল হইল না। ১১।১২ বৎসর পূর্ব্বে তিনি একদিন হঠাৎ বলিয়া উঠিলেন—  
“আপনার যে রকম ভাব দেখিতেছি, আপনার বাহিরে

থাকা বা ঘরে থাকা, উভয়ই আমাদের পক্ষে সমান।” আমি হাসিতে হাসিতে বলিলাম—“যদি সম্মানী হইয়া দূরে চলে যাই, তোমাদের কোন কষ্ট হবে না তো?” তিনি অভিমানভরে জবাব দিলেন—“নিশ্চয়ই না।” পুত্র কন্যা তখন ছোট, তাহারাও সেই স্থানে উপস্থিত ছিল। আমি একটি নোট বইতে উহা লিখিয়া রাখিলাম। এক্রপ কথা আমাদের মধ্যে অনেক সময় হইত। ৩৮নিরঞ্জন তাঁহাকে বিশেষ ভাবে বুঝাইবার চেষ্টা করিতেন, কিন্তু কিছুতে তাঁহার প্রাণ শাস্ত হইত না।

ইহার পরে আমার পূর্বকথিত দারুণ রোগ হইল। দীর্ঘকালব্যাপী রোগশয্যায় অমামুখিক সহিষ্ণুতা ও ধৈর্যের সহিত নিজের দেহের প্রতি সম্পূর্ণ উপেক্ষা প্রদর্শন করিয়া তিনি অক্লান্তমনে মাসের পর মাস আমার পরিচর্যা করিয়াছেন। এমন একনিষ্ঠ সেবার দ্বারা নীরবে সকল প্রতিকূল অবস্থার সংঘাত সহ্য করিয়া অকুণ্ঠিত ইচ্ছাশক্তিকে জাগ্রত করিয়া রাখা খুব কমই দেখা যায়।

আমি রোগমুক্ত হইয়া যখন আবার কর্মজীবন শুরু করি, তাহার কিছু পূর্বে তাঁহার পরম স্নেহভাজন সর্বকনিষ্ঠ ভ্রাতা মৃত্যুমুখে পতিত হয়। তাহাতে তাঁহার চিন্তা একেবারে দমিয়া যায়। তারপর হইতে তিনি সব বিষয়ে নিরুৎসাহী হইয়া পড়িলেন। শ্রীশ্রীমায়ের প্রতি আমার প্রবল আকর্ষণ পূর্বেও তাঁহার ভাল লাগিত না; এখন হইতে

এই বিষয়ে তাঁহার ভাব সম্পূর্ণ বিরুদ্ধ হইয়া গেল।  
ছেলেমেয়েরাও তাঁহার ভাবে ভাবিত হইয়া উঠিল।

তাঁহাদের বোধ হইতে লাগিল আমি যেন তাঁহাদের  
কাছ হইতে বহুদূরে সরিয়া পড়িয়াছি। শুধু তাঁহার কেন,  
আমার আত্মীয়-স্বজনদেরাও আমার আচরণ বিসদৃশ মনে  
করিতে লাগিলেন। এমন কি আমার অগ্রজ ৩৯তীশ  
চন্দ্র রায়, যাঁহার সহিত আজন্ম আমার এক প্রাণ, এক  
ভাব ছিল, যিনি শাস্ত্র, নীতি ও ধর্মের মর্যাদা সর্বদা  
রক্ষা করিয়া চলিতেন,—তিনি একদিন লিখিয়া পাঠাইলেন  
“তুমি কোন পথে অগ্রসর হয়ে যাচ্ছ বুঝি না, জ্বীলোকের  
পক্ষপূট আশ্রয় ক’রে কেহ কোনদিন পরমার্থ লাভ  
করেছে ব’লে পুরাণ ইতিহাসে লেখে না; ভয় হয়,  
তোমার ত্রিশঙ্কর মতো অবস্থা না হয়ে পড়ে।”

আমি দেখিলাম, আমার নিজের অবস্থা যখন নিজেই  
বুঝি না, অপরকে বুঝাইব কেমন করিয়া? তাই মার উপলক্ষে  
জ্বর নিকট আমার সকল কথা স্বগিত হইয়া গেল। ফলে এই  
দাঁড়াইল, সকলেই—বিশেষতঃ জ্বী একেবারে মর্মহতা হইয়া  
সম্পূর্ণ বিরুদ্ধ ভাবাপন্ন হইয়া পড়িলেন এবং আমার আচরণ  
অবৈধ বলিয়া প্রকাশ করিতেও কুণ্ঠিত হইলেন না।

লৌকিক ধর্ম ও সমাজের চোখে স্বামীজীর সম্বন্ধ অচ্ছেদ্য;  
এমন কি স্বর্গে যাইয়াও এককে অপরের অপেক্ষায় বসিয়া  
থাকিতে হয় এই জনজ্ঞতি চলিয়া আসিতেছে। কাজে

কাজেই এরূপ অটুট বাঁধুনির শৈথিল্য দেখা দিলে প্রাণের উচ্ছ্বাস ঘূর্ণিবায়ুর মত ক্রৌড়াশীল হওয়া খুবই স্বাভাবিক ও স্বতঃসিদ্ধ। আমি নীরবে সব বিরুদ্ধ ভাব সহ্য করিয়া সর্বদা মার নিকট আবেদন করিতাম—“মা, ইহাদিগকে সুবুদ্ধি দান কর, শাস্ত করো।” ইহাদের ব্যবহারে আমি সংসারের খেলাধুলার আকর্ষণ হইতে দূরে সরিয়া পড়িবার অবকাশ লাভ করেছি।

সংসারকে মিথ্যা বলিয়া ধর্ম পথে অগ্রসর হওয়া আমার কোনদিন লক্ষ্য ছিল না। আমার শিক্ষাও তাই ছিল। যতক্ষণ আমি সত্য, ততক্ষণ সবই সত্য। তবে যে মূল সত্তাকে ভিত্তি করিয়া সকলের সত্তা প্রকাশমান সে ভাগবতী চেতনায় প্রতিষ্ঠিত থাকার জন্ত সংসারের সাময়িক বিচ্ছিন্নতা বয়সোযোগী কার্যকরী হয়। কেননা ঈশ্বর চিন্তারূপ ঔষধাদি সেবনের সহিত সময়ানুযায়ী একান্তবাসরূপ পথ্যও নিতান্ত দরকার। চিরজীবন সংসারের নিগড়ের মধ্যে পড়িয়া থাকিতে কোন শাস্ত্রনীতিই সমর্থন করে না।

আমি আমার স্ত্রীর কথা যখনই ভাবি, তখনি মনে হয় তাঁহার সকল প্রতিকূল চেষ্টার মূল উদ্দেশ্য তাঁর পতি পুত্রের ভাবি মঙ্গলকামনা। তিনি ব্যবহারিক হিসাবে শ্রীশ্রীমায়ের সঙ্গ বর্জন করিয়াছেন বটে, কিন্তু তিনি প্রতিভাবে ও কার্যে বিরুদ্ধভাবে শ্রীশ্রীমায়ের উগ্র সাধনা আরম্ভ করিয়াছেন।

শ্রীশ্রীমায়ের শুভ ইচ্ছা জয়যুক্ত হউক।



## ভাইজীর দ্বাদশ বাণী

ত্রিগ্রামের তত্ত্বজনেরা এই বারোটি কথা সৰ্বদা মনে রাখিবেন :—

১। ভগবান বা ঈশ্বর বলিতে আমরা ধারণায় যা' আনিতে পারি, ত্রিগ্রাম তাহারই মুক্ত প্রকাশ। তাঁহার দেহ ও লীলা-বিলাস সবই অপ্রাকৃত ও অসাধারণ,—এই বুদ্ধিতে প্রতিষ্ঠিত হইয়া সকল কর্ণে, ধ্যানে ও জ্ঞানে তিনিই একমাত্র পরম উপাত্ত, ইহা স্থির করিয়া তাঁহার ত্রিপাদপদ্মে হৃদয় বসাইতে পারিলে পরমার্থ-পথে অস্ত কোন আশ্রয়ের প্রয়োজন হইবে না।

২। দেহধারীর উর্ধ্বে তাঁহাকে চিন্তা করিতে না পারিলে তাঁহার কর্তব্যপরায়ণতা, প্রসন্নতা, সৌম্যতা, উদারতা, সমচিন্তিতা প্রভৃতির যে কোন একটি গুণ আদর্শ করিয়া চলিতে হইবে।

৩। তাঁহার হাবভাব, কথা, হাসি, কৌতুক, চলাফেরা, খাওয়াপরা প্রভৃতির সহিত কাহারও সৌভাগ্যবশতঃ সংযোগ হুবিধা ঘটিলে সাধারণ বুদ্ধিতে নিজেকে হারাইয়া না ফেলিয়া বা কথায় ও ব্যবহারে চঞ্চল না হইয়া সহিষ্ণুতার সহিত প্রত্যেকটির অলৌকিক মাধুর্য্য ও বিশেষত্ব দ্বারা অনুধাবন করা আবশ্যিক।

৪। তিনি স্বাধীন ; বদ্ধ জীবভাবেই ইচ্ছা ও অনিচ্ছার দ্বন্দ্ব। তিনি ইচ্ছা করিয়া কিছু করেন না বা বলেন না। আমাদের যার যা' প্রয়োজন, তদনুযায়ী তাঁহার মহতী ইচ্ছা স্ফুরিত হইয়া থাকে।

৫। তাঁহার দ্বারা অথবা তাঁহার দৃষ্টির ভিতর আমাদের বুদ্ধি বিবেচনার অল্পকুল প্রতিকুল, যাঁহা কিছু ঘটনা হয় তাহার প্রত্যেকটিতে কোন নিগূঢ় রহস্য নিহিত আছে এই বিশ্বাস দৃঢ় রাখিয়া বিনা প্রতিবাদে, শাস্ত্র মনে সকল বিষয় গ্রহণ করিতে হইবে।

৬। যখন কাহারও স্মৃতির ফলে তাঁহার আদেশাদি স্ফুরিত হয়, ভাল মন্দ বিচার না করিয়া বিনা দ্বিধায় মন ও বুদ্ধিকে তদনুযায়ী নির্দোষ করিতে হইবে, কখনও ভুলেও আমাদের ইচ্ছার সহিত তাঁহার ইচ্ছা মিলাইবার প্রয়াস করিবে না।

৭। তাঁহাকে তাঁহার আপন ভাবে ( আমাদের চোখে ভাল বা মন্দ যাহাই লাগুক না কেন ) যতই রাখা যাইতে পারে, ততই জগতের মঙ্গল। কদাচ ইহার ব্যত্যয় না ঘটে সর্বদা ইহার দিকে সকলের লক্ষ্য রাখা প্রয়োজন। তাঁহার কোন কার্য্যে, এমন কি তাঁহার শরীর রক্ষা বা অস্থখ অহুবিধা সম্বলিত ব্যাপারাদিতেও আমাদের আপন বুদ্ধি-বিবেচনার ঢেউ তুলিতে নাই; তাঁহার ইচ্ছিত পাইলে তাহা নির্বিচারে প্রতিপালন করিবে; নতুবা নীরবে দেখিয়া ও শুনিয়া

৮। ভগবচ্ছিত্ত্বাক্রূপ ভিক্ষাই তিনি সকলের নিকট যাক্সা করেন। তাঁহার সেবাদি অপেক্ষা আপনাপন সাধন ভজনাদি কর্ণে তাঁহার কৃপালাভ স্মগম হয়।

৯। তাঁহার নিকট আসিতে হইলে, তাঁহার চরণ স্পর্শ করিবার আকাঙ্ক্ষা জাগিলে অন্ততঃ সেই সময়ের জঙ্ঘ চিত্ত দর্পনের মত স্বচ্ছ হওয়া আবশ্যক। যে যত ক্ষুধিত, পিপাসিত, প্রহ্লাশীল ও শরণাগত হইতে পারে, সে ততই তাঁহার অমৃত-স্পর্শে তৃপ্তি লাভ করিবে।

১০। তাঁহার নিকট ভেদাভেদ নাই; ভাবই তাঁহার আকর্ষণ বিকর্ষণের সূত্র। যার যেমন ভাব, তার তেমন লাভ। তাঁহার নিকট যে যত শূন্য দেহ ও মন নিয়া নিরাশ্রয়ের মত উপস্থিত হইতে পারে, সে ততই সহজে পূর্ণতার দিকে অগ্রসর হয়।

১১। তাঁহার গ্রীষ্ম নিঃশ্রুত কোন বাণী ব্যর্থ হইবার নয় এবং তাঁহার স্মৃতি কালের অধীন নহে, ইহা স্মরণ রাখা কর্তব্য।

১২। প্রারক কাটিতে হইলে উৎকট তপস্তা চাই। শোক-দুঃখাদি আমাদের প্রারকের অবশ্রম্ভাবী ফল—ইহা নিশ্চিতভাবে মনে রাখিয়া সকল সময়ে সম্পদে ও বিপদে তাঁহার অজস্র করুণাধারার উপর পূর্ণ বিশ্বাস রাখিয়া চলিতে হইবে।





শ্রীশ্রীমা বলেন,—

১। ছোট্ট ছেলে যে ভাবে স্কুলে যায় সেই ভাবে গুরুর কাছে যা'বে। পরমার্থের দিকে যতটা খালি হ'য়ে যাবে, ভগবান ততটাই ভরে দিবেন। সবটা তাঁকে দিলে তোমারও সবটা অন্তর 'বাহির' তিনি পূর্ণ ক'রে দেবেন।

২। জীবনে অনেক বুদ্ধির খেলা খেলেছিস্। হার জিত যা' হ'বার হয়ে গেছে। এখন নিরাশ্রয়ের মতো তাঁর পানে চেয়ে, তাঁ'রি কোলে ঝাঁপিয়ে পড়্-দেখি। তোর আর কোনো ভাবনাই ভাবতে হবে না।

৩। জীবের দেহের দিকে লক্ষ্য না রেখে, আত্মার দিকেই লক্ষ্য রেখে জীব-সেবা করবি; তা' হলে প্রত্যক্ষ দেখতে পাবি, সেবা, সেব্য ও সেবক তা'রি ভিন্ন ভিন্ন প্রকাশ মাত্র।

৪। আমি তোদের ভালবাসি ব'লেই তো তোরা ভালবাসিস্ ; আমি যতো ভালবাসি তোরা যে তার এক কণাও আমায় ভালবাসিস্ না, তা' তো তোরা বুঝিস্ না।

৫। ভোগমাত্রেই খাও। এ কারণে হুশিয়ার থাকবি, খাও যেন তোদের না খায়। তোরা সর্বদা খাওকে আত্মাধীনে রাখার চেষ্টা করবি।

৬। আমার কথা বিশ্বাস কর,—নাম জপ করো, নিশ্চয়ই ফল পাবে।

৭। শুভকর্ম করতে করতে অশুভ সংস্কারগুলি জ্বলে ভস্ম হয়ে যায় ; শুভ সংস্কার বাড়তে থাকে। ক্রমে তা'রাও লোপ পায়। যেমন কাঠ থেকে আগুন জ্বলে ওঠে, সেই আগুনেই কাঠ ভস্ম হয়ে যায় ; শেষে অগ্নিও নিক্বাপিত হয়।

৮। প্রতিদিন নির্দিষ্ট সময়ে ভগবানের নিকট এই প্রার্থনা করবে,—‘হে অন্তর্যামী দেবতা, প্রতি জীবের হৃদয়ে তোমার দিকে বৎকিঞ্চিৎ ভক্তি ও অমুরাগ জাগিয়ে দাও ! সংসারের চিন্তায় বিক্ষিপ্ত মন, বুদ্ধি, চিত্ত, অহঙ্কারকে ডেকে বলিও, ‘দেখ, তোমাদের যে প্রভু, এখন তাঁর নিকট যাচ্ছি—আমাকে তোমরা পথ ছেড়ে দাও’ এই ব'লে নিশ্চল মনে আসনে বসবে।

৯। মনকে খেলা দিও যত পারো,—সকল সময়ে। তাঁকে নিয়ে খেলাধূলী। তাঁর রূপ নিয়ে হোক, গুণ নিয়ে হোক, তাঁর বাণী, তাঁর নাম, তাঁর মহিমা নিয়ে হোক, যত বেশী সময় দিতে

পার—এই খেলায় মত্ত থাকার চেষ্টা করবে। ‘হচ্ছে না, হ’ল না, হবে না’—এ ভাবের বশে গা ঢালা দিয়ে থেকো না। সর্বদা স্মরণ রেখো—‘হচ্ছে না’ যে এই ভাব—সে তো কেবল আমা’ ক্রটি। ‘আমাকে’ জয় করতে হ’লে ‘আমি’ দিয়ে ‘আমাকে’ ও করতে হবে। ‘আমির’ উপর জোর দেবে। ‘আমি’ ডাকতে, খেলবো ‘আমি’ তাঁর সাথে, তাঁকে পূজা করবো ‘আমিই’

১০। মালিকের সঙ্গে সব সময় যোগ রাখতে চেষ্টা করো। শিশু ঘুমিয়ে পড়ে রয়েছে, আর মা বাপের সে দিকে কোনো খোঁজ নেই এ কখনো হয় না। যেখানেই থাকো, ঘরে হোক, আফিসে হোক ভগবানকে স্মরণ করতে পারো। বনে জঙ্গলে যাবার কোনো প্রয়োজন নেই।

১১। ভগবানের সঙ্গে তোমার সম্বন্ধ রয়েছেই। যদি সেটা বুঝতে না পারো, তুমি তাঁর সাথে একটি সম্বন্ধ পাতাও; তাঁকে পিতা বানাও, মাতা বানাও, পুত্র বানাও,—যা’ তোমার ইচ্ছা। এ খোঁকেই সুখ পাবে। তাঁকে ছাড়া তো জগতে কিছুই নেই।

১২। একটি শূণ্য ঘরে দাঁড়িয়ে শব্দ করো, তোমার শব্দের প্রতিধ্বনি জাগবে। তেমনি মনকে যতো শূণ্য ক’রে তুলতে পারো, তোমার স্বরূপ আপনি ফুটে উঠবে। যার যেভাবে ভাল লাগে তাঁকে ডাকো, তাঁর মহিমার কথা ভাবো—তাঁর ভাবের মধ্যে তোমার সকল কামনা ডুবিয়ে দাও, তিনি আপন স্বরূপে দেখা দেবেন।









